

BIBLIOTECA NAZ.

Vittorio Emanuele III

XVII

A

23

NAPOLI

A. 23



Inter libros
Josephi Maria Parascandolo
Antecessoris Regii

A.

L.

N.





GISBERTI VOETII
DISCEPTATIO
DE
LUSU ALEÆ.

à censuris vindicata.



ULTRAJECT



Ex Officina JOANNIS à WARSBERGE,
Anno clō 10 c LX.



Benevolo & Pio

LECTORI

Salutem.



*UM ante annos circiter sex & viginti ad professionem Theologicam huc evocarer, hoc imprimis in nova hac Sparta exornanda mihi propositum habebam, ut orthodoxam Theologiam ex fontibus scripturarum discipulis non tantum explicarem, & contra adversariorum objectiones munirem, sed etiam usum ejusdem ex professo sigillatim ostenderem, & filios Prophetarum assidue ad praxin & divinis iussibus manu ducerem atque assuefacerem. Sciebam hoc votum esse ecclesiarum nostrarum, hoc postulatum Synodorum provincialium, hoc consilium celebris synodi Nationalis Dordracenæ Anno 1618. sess. 18. (cui me divina gratia interesse voluit, & unicum ex omnibus membris, quod sciam, hodie superesse); & hanc mihi perpetuo stetisse sententiam, non alios sacro huic operi admovendos, quam qui parati & idonei essent utraq; manu ædificare, juxta illud Nazianzeni: Ἡ μὴ διδάσκειν ἢ διδάκειν τὰς τέκνας.
* 2
Dum*

Ad Lectorem.

Dum ergo lectiones meas inchoo oratione de pietate cum scientia conjungenda, paulo post publicè edita, dumque assiduo hortatu, quâ publicè, quâ privatim ad cognitionem & praxin practicæ Theologiæ incito, quin & publicis diatribis tanquam prophylacticis contra in Academicis plerumque grassantes pestes, inter quas non infimæ, computationes & aleæ, lubricam ætatem pro virili munio: factum est, ut in partem laboris hujus venientibus ἱερὸς Collegis postea mihi adjunctis, in tantum Deus huic Academiæ, & in eo studio Theologico benedixerit, ut intra paucos annos non pauci ex disciplina nostra ad curas ecclesiarum & professiones Academicas, tum in Belgio tum apud exteros promoti eidem methodo insisterent, & à nobis accepta fidelibus hominibus committerent. In hac Dei benedictione cum passim nobiscum gauderent pii, suosque ad cultum sapientiæ ac pietatis capiendum certatim huic Academiæ committerent, effugere illa non potuit adversariorum malevolorum odia atque insectationes, & aliorum, quos minimè decebat, invidiam, ac susurros. Quid? quod ipsa nomina Theologiæ practicæ, casuum conscientiæ, exercitiorum pietatis seu asceticæ, in hujus Academiæ probrum odiosè exagitata fuerint. Ne quid dicam de
spe.

Ad Lectorem.

*specialibus quæstionibus moralibus, & casti-
bus conscientiæ, ubi innoxie theses Acade-
micæ, ut ut de consensu Patrum & reforma-
tionis nostræ Theologorum ac Synodorum in
usum studiosorum conceptæ, aliorum incur-
sus & insultationes non potuerunt effugere.
Nuperrimè, ne quid mundo patrocini de-
esset, in libello quodam vernaculo contra
sabbathi sanctificationem emissio, hæc Acade-
mia sarcasticè traducta est, quod de capillis,
de abusu bonorum ecclesiasticorum sub titulis
canonicalibus, de publicis fœneratoribus, quos
Trapezitas seu Lombardos appellant, de excel-
sis mundi in ea actum sit: libris scilicet publi-
catis, aut propositis disputationibus. Cau-
sam & historiam Lombardicam & Canoni-
cam alibi exhibitam, volens nunc prætereo.
Sed quia titulus de excelsis mundi actorum
apud nos ignaris novi ex Africa monstri suspi-
cionem fortè injiceret & ipse tituli illius ex-
agitator, disputationes nostras illo titulo insi-
gnitas forte non vidit, saltem Juliani illud
ἀνεργων, ἔργων, καὶ ἐργων ullo cum colore usur-
pare nequit: non gravabor tribus verbis
hæc occasione referre, quid sit de excelsis
mundi. Anno 1643. in gratiam juventutis
Academicæ conscripsi & publice ventilandas
proposui quinque disputationes, titulo genera-
li, De excelsis mundi ad v. i. decalogi præ-
ceptum; sub quinque titulis specialibus,*

Ad Lectorem.

*ſeu ſub titulis 1. de Choreis. 2. de Comœdiis. 3. de Abufibus in victu & conviviiis. 4. de Luxu & vanitate in veſtibus, domibus, ſuppelleſtile. 5. de Ornatu faciei & capillorum. Nihil hic culpandum. Si enim in his & circa hæc peccatur & quidem peccatis excellenter peccantibus, & ſi multi hæc idola fervidiſſime colunt; an Theologis & animarum curatoribus ad ea attendendum non eſt? Quid à me & Theologis in hac Eccleſia & Academia, ἰδιὸν, novum, inſolens, ἀκαιρὸν hæc in parte tentatur? cum conſtet Patres, Doctores reformatos, Synodos tum noſtras tum exteras irritam hanc viam ante nos calciſſe, quod oſtendunt citationes; & praxin eccleſiaſticam in publicis concionibus, privato-publicis hortationibus, correptionibus, cenſuris tunc temporis adhuc ſic ſatis viguiſſe: quamvis poſtea præſertim annis poſtremis apud nonnullos dormire, ſi non languere cœperit. Deus clementer avertat, ne in his aliisque ex neglecta praxi oriatur Theoretica veritatis impugnation, & excelſum illud συνέδοκίαις peccatum, de quo Apoſtolus Rom. 1. verſ. 32. Sed dicet forte quis ex æmulis, & faſtidioſis Ariſtarchis, aut mundi ſectatoribus, non ſcis accurate, forte nimis accurate nonnulla iſtic à me pertractata eſſe, juxta illud vulgatum, τὸ λίαν ἀκριβὲς ψευδὲς. Cui reſpondeo, me, cum non ſim ἀνυπὶντος, po-
tuiſſe*

Ad Lectorem.

*zuisse alicubi à justa ἀκριβείᾳ aberrare: in super
 sponte fateri, me inter tot occupationes cur-
 rente prælo festinanter scribentem mihi non
 ita satisfecisse, ut διωτέπων φρονήδων accura-
 tioni diatribas illas non destinarem. Hetero-
 doxa, absurda, male sonantia. periculosa,
 scandalosa, peregrina, nova, paradoxa à
 communi Patrum aut reformatarum ecclesia-
 rum doctrinā abhorrentia, aut in eam incur-
 rentia, chartis committere nolui, nec memini
 me commisisse. Si quid tale monstrari
 possit, monitori gratiam habebo, & aut to-
 tum tollam, aut ita emendabo, ac mentem
 meam explicabo, ut non dubitem, quin pio
 atque æquo Lectori cui vis satisfacturus sim.
 Absit modo livor, vindictæ cupiditas, affe-
 ctata inter mundum & Christum neutrali-
 tas, syncretistica circa praxim virtutis con-
 silia, nec nostra imperfectio, aut ἀγνία grati-
 tudinis, atque obedientiæ, quam lex postulat
 & Deo debemus, mensura constitutatur, nec
 præsumta viæ facilitas, aut affectata vitæ
 huius vitalitas vim pietatis ad meram mo-
 rum civilitatem & gratiosam cum homini-
 bus conversationem redigant, cujus partem
 an mavis appendicem, faciat religionis aliqua
 professio & μόρφωσις ἰουστειᾶς: ad instar eorum
 χαρίεντων (uti eos appellat Philosophus Ethic.
 Nicomach. l. cap. 5.) qui summum bonum
 in honore quærunt. Quod si tamen alicui stet
 animus*

Ad Lectorem.

animus hæc aliaque excelsa mundi ex reformatis ecclesiis tollenda retinere aut restituere; hoc unice optamus, ut, si qua causæ fiducia, res ipsa candide & seriò tractetur; & procul habitis parergis, rhetoricationibus, punctiunculis, cavillis, personalibus insectationibus, antithesis cum thesi, res cum re, scriptura cum scriptura, ratio cum ratione concertet. Ita rectius ab illis, qui ex principiis dubitationum scientiam suam architeltati sunt, judicari poterit, sitne æpißus Patrum & reformatorum Theologiæ practicæ doctrina & praxis ultra defendenda, an potius versâ velificatione, moderate mitiganda, interpolanda, sufflaminanda, si non condemnanda. Theologiam hic intelligo moralem, de mortificatione seu abnegatione sui ipsius, de sabbathi sanctificatione, de fœnore, de pauperum & ecclesiarum peculio, de bacchanalibus, encæniis, floralibus, Martinalibus, festo trium Regum &c. de fūco, de fœminarum denudatis pectoribus, de choreis & ballettis, de comædiis, de alea, de disciplinæ ecclesiasticæ vigore, de potestate ecclesiastica, de excessu in conviviiis, deque insanis sanitatibus vere Comi Bacchique excelsis, de fraudatione vefligalium, de palliata simonia, de idololatria indirecta & participata, de consueto nominis divini abusu, de domesticis pietatis exercitiis, de rudium tumparvulorum tum adultorum catechizationibus, de crebris
& per-

Ad Lectorem.

& perspicue, prudenter, efficaciter applican-
 tibus concionibus earumque repetitionibus,
 de crebris ovium non tantum sed & extra-
 neorum per pastores visitationibus, hoc est,
 institutionibus καὶ ὁμιλίαις (Act. 20. 7. 20.) de
 publicis & privatis jejuniis; de crebro con-
 scientiæ examine & resipiscentiæ renovatio-
 ne. Quibus laxatis aut luxatis, non potest
 non sequi puritatis articulorum fidei & do-
 gmatum euangelii corruptio, primum per
 prudentiæ carnalis moderationem, deinde
 per ψιδωρύμους σοφίας antilogias, unde tandem
 fidei naufragium (1 Tim. 1.) & ecclesiæ παιοδι-
 γμία expectanda. Hæc cura est, quæ nos nunc
 coquit & versat sub pectore fixa: hæc stat
 sententia, vim pietatis cum solida sapientia,
 fidem cum resipiscentia & caritate non ficta
 conjungendam, utramque pariter promo-
 vendam, Satanae stratagemata contra utrius-
 que conjunctionem detegenda. Hoc discipu-
 lis nostris publice privatimque tradimus, in-
 culcamus. Hæc si alicui nova, ἀδόκητα, pe-
 riculosa videantur susurris, mysteriis,
 cavillis, libellis famosis exagitanda, si cui fa-
 bellis & stupidis calumniis per apertos pie-
 tatis hostes, aut falsos fratres excitatis pasci
 volupe est magis, quam veritati, & caritati
 studere: utique ferendum est illis, qui in
 paternæ Dei sui providentiæ pulvinar suavi-
 ter recumbentes testimonio bonæ conscientiæ

Ad Lectorem.

gloriantur, & cum Paulo profiteri audent, se secundum illam viam, quam illi sectam appellant, Deo patrum suorum servire. Sed de his hætenus. Accedo nunc ad præsentem hanc disputationis nostræ de alea vindicationem; cui occasionem dedit Thomas Gattakerus celebris in vicinia aut suburbio aliquo urbis Londinensis, ecclesiastes. Is partem disputationis meæ de Sortis aliisque nominis divini abusibus 24. Decembr. Anno 1636. hic editam, atque unà caput II. lib. 2. Medullæ Theol. Amesii libello peculiari aggressus est; non sine bilis concitatione. & indignâ satis ac contumeliosa insultatione: cum tamen ab Amesio nominatus non esset, nec à me quamvis nominatus vel verbulo læsus; uti ex lectione disputationis æquo cuiusvis Lectori constare poterit. Videtur vir ille fuisse ἰδιογνώμων & eo ingenio, ut cum à peculiaribus opinionibus suis dissentientes vix ferret, aut aceto eos perfunderet, aut prior invaderet. Nōrunt hoc, qui libellum Anglicum Jacobi Balmfordi de lusu aleæ A. 1623. editum, & Gattakeri refutationem Thesium magni illius Theologi Gomari de materia & forma justificationis, ejusdemque tractatum Pfochenii libella de stylo N. Testamenti oppositum, scripta itidem Anglicæ de Alea viderunt. Libellus Gattakeri initio anni 1637. scriptus anno 1638. demum editus est, approbante
eum

Ad Lectorem.

eum archiepiscopi Cantuariensis sacellano, tanquam nihil continentem quod sanæ doctrinæ & bonis moribus contrarium esset. Novit Anglia quæ sana doctrina, qui boni mores tunc dominarentur, quæ illic facies esset ecclesiæ reformatæ, cum ingemisceret, & videret se factam Ladensem, tanto à primæva reformatione remotiorem, quanto Papisimo propiorem. Libello hoc ex Anglia mihi transmissio, non leviter dolui, quod causa hæc tam infamis & piis omnibus exosa publicum nacta esset patrocinium, & quidem ejus viri, quem ob lectas aliquot ipsius conciones inter melioris notæ concionatores, orthodoxiæ ac pietatis, in tanta corruptionum inundatione, tenacissimos ante hac numeraveram. Non memineram Theologum quem, nedum reformatum, aut etiam Philosophum, ne quidem Gentilem, Muhammedistam, Judæum τὸ πῆξιν ita posthabuisse, ut, quidquid secum sentiret aut ageret, publicè peculiari libro pro alea decertaret. Laus illa soli Imperatori Claudio hætenus illibata servari videbatur: quem librum de arte aleæ scripsisse ferunt (Sueton. in Claudio c. 33.) quemque Æaci sententia (apud Senecam in ludo de morte Claudii) aleâ ludere pertuso fritillo, & fugientes semper tejjeras quærere jubebat: nova scil. excogitata apud inferos pœnâ, ad instituendum illi laborem irritum, & alicujus

Ad Lectorem.

jus cupiditatis speciem sine fine & effectu. Obscurus ille & vernaculus aleæ encomia-
 fles apud Gallos nullo numero est, & à Ver-
 derio (infra nobis citato) satis infamatus in-
 ter honestos & honoratos esse desuit. Anglicas
 ille libellus cujusdam Dunæi, quem censor
 indicat, qualis & quantus esset turc planè
 ignorabam, nec adhuc scio: an adhuc exstet,
 & an pro illa causa magis minusve fortiter,
 ac censor, steterit, atque adeo responsione a-
 liquà dignus sit, indicabunt & iudicabunt,
 si tanti sit, Theologi Angli. Hoc tamen mi-
 nus male & insolenter ab illo factum, quod
 vernaculo tantum scemate libellum suum ve-
 stire contentus, inter populares suos sub um-
 bra hierarchiæ delitescere ac consenescere
 maluit, quam universo Christianorum orbi
 literato latine perorantem ostentare. Nec
 minus tunc mirabar, quid viro Theologo e-
 vanisset, quod tam contumeliosè in me inve-
 heretur: cum interim causam ipsam sine illo
 judicio, sine rationum pondere, solis ferè
 prædici & cascis ac parergis amplificatiun-
 culis ageret. Statueram itaque, ubi theses
 meæ juxta cum aliis interpolandæ & augen-
 dæ essent, dissimulato autoris nomine, ner-
 vos, si qui esse viderentur, censurarum bre-
 viter incidere; neque enim è re & honore re-
 ligionis reformatæ futurum arbitrabar, si
 mea refutatione omnes illæ Gattakeri in-
 eptæ

Ad Lectorem

ep̃t̃æ & indignæ censuræ atque insultationes toti orbi denuo propinarentur. Unica enim hæc ipsis post vulneratam causam & famam felicitas reliqua, quod ultra mare vix ulla exemplaria ex Anglia migrassent: quodque autor, qui festinus in illo concitationis & forte alienæ incitationis fervore hæc protruserat, facti sui pœnitentiâ (quod non ab uno mihi indicatum) ductus fuerit, (saltem de ulterius spargendo, aut denuo edendo libello non laboraverit: domestico forte exemplo monitus, aleatorium & chartaceum hunc ignem sine damno in sinu gestari, in familia foveri non posse. Sed felicitatem quasi honorificæ istius in tenebris sepulturæ atque oblivionis miseris his chartis inviderunt, quicunque fuerint sive aleatores sive alearum patroni, qui eas Lugduni Batavorum recudendas curarunt: quâ cum juventutis Academicæ ædificatione, quâ cum pietatis promotione, quâ cum religionis reformatæ, quam Gatakerus professus est, honore, judicent prudentiores. Certe mecum non tantum iniquè agitur, quod theses meas currente prælo anno 1636. scriptas, non licuerit secundis & accuratioribus curis interpolatas denuo edere, antequam cum publica aggressoris alicujus impugnatione ab aliis iteratò editæ essent: sed insuper editores illi haud obscure inequitare deprehenduntur Academicæ istius luminibus
Danæo,

Ad Lectorem.

Danao, Fr. Junio, Riveto, Polyandro, Walæo, Thysio, quorum orthodoxia circa lulum aleæ, æque superstitionis per Gattakeri libellum condemnatur, ac mea: cum illorum in hanc eandem sententiam consensus in propatulo sit, & infra anacr. 9. à nobis præbetur. Sed talia nunc sunt tempora, ut libri ad destructionem plus valentes quam ad ædificationem, imprimis satyricè scripti, avidè excudantur, recudantur, in sinu multorum gerantur, dum lectio piorum & præstantium reformationis nostræ Doctorem unà cum studiis artium, linguarum, historiarum passim aut negligitur aut ferociter contemnitur, atque adventanti sacræ ignorantiae & barbariei lætus introitus paratur. Ne extrâ Theologos abeam, haud parum mutatam aut mutandam cæli nostri faciem hoc arguit, quod eristicus & futilis hic libellus totus felle delibutus, nullâ solidâ eruditione Theologicâ se commendans, periculosa & scandalosa aleæ defensionem, invitâ pietate, præscribens, forte ad manus alicujus ex Anglia delatus, hoc turbulento infeliciū in Acad. Leidenſi contentionum statu recuditur, atque omnium oculis, præsertim juventutis Deo & ecclesiæ peculiariter dicatæ subijcitur, validum malorum irritamentum: quasi duæ illæ festes computationes & aleæ non minus animis studiosorum insidiosæ essent, ac corporibus

Ad Lectorem.

ribuseorundem pituita & melancholia infestæ esse solent, juxta Martil. Ficinum in lib. de sanitate tuenda Quod contra Theologorum prædicatorum, qui ex Angliâ certatim huc advehuntur, quorum non pauci in linguam nostram aut latinam tanto cum studiosorum & ministrorum fructu, transferuntur, operam suam inter complures alios etiam commodantibus celebribus in Belgio ecclesiasticis Meusevoet, Lamotio, Schuttenio, Diemberbroeck, Technero, Stresone, &c. quod, inquam, talium editio, lectio, imitatio, privatim publiceque ita à nonnullis deprimitur ac traducitur; non aliter ac si Homerus ille prædicatorum omnifariæ Theologiæ, ac scientiarum callentissimus Perkinsus, eumque secuti Boltonus, Prestonus, J. Downam. L. Bailly, Whately. S. Ward. Daniel Dijck, Jeremias Dijck, Hildersham, Paulus Baynes, Biesfield, plures Rogerii, Sibs, Eduardus Raynolds, similesque herôes ex cæno Anabaptistarum, aut fanaticorum Enthusiatarum, aut Antinomorum (qualibus Anglia nunc abundare dicitur) prorepissent: quasi Theologia practica ex scripturis nulla haberi posset apud Anglos, quæ simul non esset anabaptistica, aut enthusiastica, aut alia aliqua sectaria: & quasi orthodoxi Theologi à sectariis in Anglia æque distingui non deberent, ac in Belgio nostro distingui scimus: quasi denique omnium Anglorum

Ad Lectorem.

glorum conciones & libelli practici pari ardore & studio
legendi ac relegendi commendarentur; ac non potius de-
lectum adhibendus suadeatur: quod in Angliam non mi-
nus ac in Belgium aut Germaniam &c. quadret illud
Poëta.

Scribimus indocti doctique poemata passim. -

Ne autem alicui oculi doleant, quod laus Theologia
practica ab Angli supra aliarum nationum Theologos,
imprimis jam inde à tempore Perkinsi exculsa possum a-
pud Gallos; Germanos Ungaros Belgas ipsis tribuatur:
ablego Lectorem, quem ista tangant, ad libellum Johan-
nis Durei superiori anno editum, in quo consilia apud An-
glos agitata de corpore Theologia practica, ad instantiam
Theologorum Germanorum, formando, aperuntur. Sed
è diverticulo in viam. Per libelli ergo istius iteratam &
scandalosam editionem cum coactus essem mutare consi-
lium, putavi ex honore veritatis, & ad maiorem confu-
sionem aleatorum fore, si censorem xalæ prodeus sequerem:
textum ipsius juxta editionem Londinensem Anno 1638.
in 4. de verbo ad verbum insererem, omniaque ipsius dicta
veritati opposita, ut ut ineptissima, sigillatim protererem:
ne saltem in eo sibi applaudant aleatorum & chartarum
patres conscripti, quod censor si rem extra dubitationem non
posuerit magni tamen ausus exciderit, aut si erraverit,
erudito errore erraverit. Quid & quantum praestiterim,
pio & candido Lectori censendum relinquo: commendat
simul lectione defensionis Amesiana, auctore viro erudito
Leonardo à Rijssen t ecclesiaste Heusdano, qua Typogra-
phum aliquamdiu expectavit, nunc nata propediem pro-
dibit; ex qua amplius constabit contentionem demonstra-
tionum rotore, zelum judicii à xalæ in censore nostro
destitutum fuisse.




ANTITHESEOS

Pars Altera

D. GISBERTI VOETII

Thesibus reposita.

GISB. VOETII.

1.  *OCUM explicatione omiſſa, de qua plurima Math. Martinus in Lexico, sortis definitio inſeſtiganda, quæ non malè ſumitur ex verbis Auguſtini in Pl. 30. concione 2. Sors, inquit, non eſt aliquid mali, ſed res eſt in dubitatione humanâ divinam indicans voluntatem. Et paulo poſt appellat, judicium divinum; ¶, in ſorte non eſt electio, ſed voluntas Dei. Apud Summiſtas Pontificios vix exſertam definitionem invenias, Thomas ¶ Scholaſtici ad 22. q. 95. a. 8. quamvis meminerint definitionis Auguſtini, aliter tamen ipſi definiunt. Sic enim ex ¶ cum Thomâ Malderus ad 22. tract. 10 c. 7. dub. 9. Sortes*
- A
- tes

tes dicuntur, cum aliquid fit, ut ex ejus eventu res occulta vel dubia cognoscatur vel discernatur. *Sed nimis laxa hæc definitio, consultò ita concepta, ut laxam suam doctrinam de Sortibus (quam videre est apud Cajetanum ad locum Thomæ citatum, & Toletum, aliosque) sub hac comprehendant. Nostri melius definiunt cum Aretio problem. tom. 1. p. 813. Est modus consulendi Deum ratio quidem, attamen in his eventis, ubi nec ratio, nec consilium hominum commodè adhiberi potest. Et Borrhao comm. in numer. 16. Sors sacra est periclitatio alicujus eventus sub Dei ductu, qui sit & Deo gloriosus & Ecclesiæ salutaris. Perspicua & plena est descriptio Amesii medul. lib. 2. c. 12. ubi eam vide. Definitioni Augustini atque aded nostræ inhaeret Masius comm. in Josuæ 7, Porro definitio nostra colligitur ex Prov. 16, 33 cum 18. 18. Ita ut in ratione suâ formali Sors omnis includat respectum ad Deum & dependentiam ab ipsius speciali atque immediata providentia, per quam solam eventus seu casus sortis determinatur, quamvis homines mittentes sortem de eo sæpe non cogitent, nec petitionem divini judicii intendunt; ut ex nostris ostendit Martyr in locis com. class. 1. c. 5. & solide Amesius loc. cit.*

Ἀρχὴν πάντων τὸν ὁρισμὸν, meritò pronun-
 ciavit Philosophus. *Analyt. Poster. l. 2.*
c. 14. Rectè ergò Theſeon iſtarum Autor,
 quod à definitione auſpicatus eſt. Cæterum
 definitionem rei cuiuſpiam inveſtiganti, de
 Genere & Forma ejuſdem ſedulo fuerit in-
 quirendum, ἔτι γὰρ ταῦτα τοχέια τῶν πρὸς τὰς
 ὀρθάς. *Topic. l. 4. c. 1.* Genus quidem primo
 loco deſignandum; tum Forma ſive Diffe-
 rentia ſpecifica adjicienda. Ita Philoſo-
 phus: δεῖ τὸ πρῶτον ἀποδιδοῦν γένος ἐπι-
 τεύτως ἢ δὴ προσαίπτιον τὰ λοιπὰ, καὶ χωρίζειν
Topic. l. 5. c. 6. Perperam ergò, quod non
 iſta diligentius excuſſerit, diſtinctius expli-
 caverit; ſed reprehensionem ejuſdem me-
 rito ſuo in ſe attraxerit, quâ conqueritur iſ
 loco ſuperius adnotato, ὅτι πρὸς αὐτῶν τῶν
 ὀλιγάκις αἰσκήσεις γίνονται, τοῖς διαλεγόμενοις.
 Varias quidem Sortis definitiones propo-
 ſuit. nec hoc malè. Siquidem conſulit Phi-
 loſophus *Topic. l. 6. c. 7.* ut in legibus fe-
 rendis ſuffragia & judicia, ita in rei cuiuſ-
 que naturâ indagandâ definitiones varias
 conquirere. Perperam tamen, quod po-
 ſterioribus rejectis, pejoribus adhærere præ-
 optaverit. contra quâ cum Philoſophus
 ibidem monuit, tum & faciendum ratio ipſa
 dictat.

Ex eis, quas proposuit, prima Augustini esse dicitur. Cæterum neque eo loci sortis definitionem dare Augustinus in animo habuit: nec ea verò iusta & legitima est ejusdem definitio: quum nec res omnis quæ in dubitatione humanâ divinam indicat voluntatem, Sors sit; nec Sors omnis usum obtineat ejusmodi ut divinam indicet voluntatem. Quâ de re disseruimus in *Tractatu de Natura & Ufu Sortium* cap. 3. §. 6. Malæ translationis ergò adversus Autorem hunc actio Augustino competit, qui definitionem, quam ille nullam dedit, tam mancam, tam ineptam Augustino affinxit. Huic tamen & inhæret ipse, & *Masium* affirmat inhærere. Et citat hic reverâ dictum illud Augustini, probatque de Sortibus quibusdam enunciatum: quod illi nemo negaturus est.

Secunda est Malderi, & est exerta definitio, (quod de Augustinianâ, quam ille dicit, dici non potest) licet laxa nimis reverâ; quum multa occurrant, quæ ad res occultas dubiasve vel cognoscendas vel discernendas fiant, nec sortis tamen rationem habeant. De quo videri poterit *Tract. de Sortib. c. 1. §. 2. & 4.* Verum de laxitate doctrinæ, quæ Sortium usum spectat, alibi dicendi locus futurus est. Interim assequi
non

non possum, quid Autor hic velit, quum *Sortis definitionem exertam* negat apud Pontificios Summistas inveniri. Quid est enim, quæso, ista *exerta definitio*? An non enim exerta ea est definitio, quæ exeritur, quæque definitionis nomine ex professo proponitur? aut quâ ratione non exerta fuerit Thomæ (quare enim non Thomæ potius quam Maldero, tribuatur, si ex Thomâ Malderus?) definitio illa? Verum ænigmati hujus explicationem Autor alias nobis forsan daturus est. Interim exactiorem definitionem offendere poterat, quam est earum quas ipse probat ulla, quamque Balmfordus, quem in Controversiâ capitali, quam appellat, *σύμψηφον* ἢ *σύμμαχον* habet, in dialogo de Sortibus lusoriis suffragio suo confirmavit, apud Pontificium scriptorem Nicol. Lyranum in *Num. c. 34* & in *Prov. c. 16*. eam ibi, qui volet, petat licet, vel etiam ex *Tract. de Sortib. c. 1. §. 3. p. 5.* & *c. 7. §. 7. p. 193.*

Tertia, quam probat magis, est Aretii: apud quem tamen aliam invenite poterat, in quâ meliore consilio, *effectus fortuitus*, quam in istâ, *modus Deum consulendi*, generis loco constituitur. Quot enim Sortes jaciuntur, in quibus nec Deus consulitur, nec verò consulto quicquam opus est? de

utraque vide *Tract. de Sortib. c. 1. §. 3. & c. 6. §. 3.*

Quarta est Borrhai, quæ nihilominus probatur, quum sit ad Sortem in genere definiendam omnium ineptissima; utpote quæ à Sortis ratione eas omnes summoveat fortitiones, quæ vel *sub Dei ductu* non instituntur, vel *Dei gloriam & Ecclesiæ salutem* non respiciunt. Verum ista non est Borrhai, sed Voetii culpa, qui Sortis sacræ definitionem ab illo datam ad Sortes omnes promiscuè finiendas adhibuit.

Quinta, quam ut perspicuam & plenam, maximè probat, sed *cum probebatur quam maximè, ne recitatione quidem dignatus est, est Amesii*; quam nos in Antitheseos parte priorè excussimus; & aliam planè ab eodem olim positam indicavimus.

Porro, *Definitio*, inquit, *nostra*, &c. cum tamen, quamnam ex prædictis *nostram* illam esse velit, nondum indicasset: nam de Aretianâ supra dixerat, *Nostri melius definiunt cum Aretio*, &c. Verum, uti ex sequentibus conjicere licet, Amesianam potius voluit; quod dicit *formalem Sortis rationem includere respectum ad Deum* (quæ Amesii peculiaris est formula) & *dependentiam ab ipsius speciali atque immediata providentia*

videntia: licet Amesius *respectum immediatum*, non *providentiam immediatam* dixerit, Thesi 2. (*adèd infælix est in suis citandis Autor iste*) à quo discedit, (sicut & ipse à se prior discesserat) quod per *Dei providentiam specialem atque immediatam solum eventum sive casum Sortis determinari affirmat*. Quod Amesius nec in suis de Sorte Thesibus usquam dicit, & cum olim dixisset, post revocavit, & tueri ulterius recusavit: quod & alibi ostendimus.

Cæterum quod definitionem illam, quæcunque tandem ea sit, quam *nostræ* nomine insignivit, nec disertis verbis posuit tamen, ex *Prov.* 16. 33. cum 18. 18. colligi ait; ludibrio planè Lectorem suum habet, dum ex eis locis secum invicem collatis sortis definitionem eam expiscatum amittit, quam nec ipse profert; nec qui ex locis eis eliciatur ostendit.

Quod subjungit, *in ratione sua formali Sortem omnem includere respectum ad Deum; & dependentiam ab ipsius speciali atque immediata providentia, per quam solum eventus seu casus sortis determinatur*: hujus dicti firmamentum aliquod adjectum oportuit: præsertim cum in hoc controversiæ totius cardinem autor ipse constituerit, quod ab ipso prorsus est insuper habitum.

bitum. Siquidem nec Martyr, quem testem advocat, hoc ostendit, nec Amefius, quem autorem laudat, solidè probavit; imò tantum abest ab eo quod solidè probaverit, ut ne affirmaverit quidem, quod istic asseritur. *Quin & Autoris hujus ipsius erat, sua probare; non autem ad aliena scripta probationes ruspatum lectores suos amandare.*

Illud tantum adjicio; Si in ratione sua formali fors omnis includat respectum ad Deum & dependentiam ab ipsius speciali atque immediata providentia, (quod istic affirmatur) certum est Sortes, quæ dicuntur, divisorias plerasque, cum serias, tum ludicras, ne Sortes quidem futuras esse: ut frustra planè disputatio instituta sit, *Sortes ne per lulum usurpatæ licitæ sint an illicitæ*, cum ludicræ illæ ad eventus fortuitos provocationes. prout communiter adhibentur, nullam penitus in se Sortis rationem contineant, & quæstionis subiectum prorsus fuerit sublatum. Vide *Tract. de Sortib.* c. 6. §. 3.

ANACRISIS I.

§. *Perperam ergo quod non ista (genus scilicet & differentiam in definiendâ sorte) diligentius excusserit, distinctius explicarit.)* Non memini me intendisse & promississe scri-

scriptionem libri aut justī tractatus : necesse itaque non fuit, ut genus & differentiam de novo investigarem, omniaque ad *quid nominis* & *quid rei* facientia, plenè, immo plenissimè explicarem : sufficiebat præcogniti loco definitionem ex Autoribus citatis præsupponi, & discipulis nostris per oppositiones examinandam proponi.

§. *Perperam tamen, quod potioribus reiectis, pejoribus adhærere præoptaverit, &c.*) Potioribus reformatorum Theologorum suffragiis meliores definitiones proposui; quamvis singulari censoris judicio peiores. Omnes enim malas censet, quæ alearum, taxillorum, & chartarum ludis non patrocinantur. Hic dicere liceat, cum Poëtâ :
 σοὶ μὲν ταῦτα δοκῶν τ' εἶναι, ἐμοὶ δὲ πάντες.

§. Ex eis quas proposuit, prima Augustini esse dicitur. Cæterum neque eo loci Sc. Malæ tractationis ergo adversus autorem hunc a-
 ctio Augustino competit, qui definitionem, quam ille nullam dedit, tam mancā, tam ineptā Augustino affinxit. (Sc.) Nolo retaliare de actione malæ tractationis adversus censorem meum, quod mihi affingat aliquid : tantum peto, ut lector oculis suis inspiciat verba mea quæ (scilicet definitio).
non male sumitur ex verbis Augustini.
 Quamvis alii mox indicandi vocent defini-
 A § tionem

tionem, Ego tantum dixi non malè *desumi* definitionem ex verbis Augustini: non dico Augustinum exsertè aut in formâ, aut logicè aut scientificè, aut acroamaticè, loco cit. definitionem proposuisse, aut intendisse proponere. Theologi nonnulli dicunt, definitionem peccati ex 1 Joh. 3. v. 4. sumi aut posse sumi: quis hinc tam fervidâ & nimis quæsitâ criticâ Theologis actionem malæ tractationis, quâ Johanni quid affingeretur, intentaret? Quod addit hanc definitionem Augustini non esse *justam* & *legitimam*, id ex suo sensu ita dicit, & est in quæstione. Aliter sentiunt, ex nostris Rivetus in commentar. ad ps. 22. v. 19. & in Decalogi præc. 3. Tossanus in commentar. ad Act. 1. qui juxta hoc dictum Augustini determinant contra sortes ludricas. *Ab omnibus* (inquit Rivetus in Psal. 22.) *laudatur dictum Augustini.* Ex nostris & Pontificiis non tantum complures exceptioni suæ de Sorte aliquo in casu licita hæc verba Augustini tanquam optimè dicta applicant, sed & nonnulli exsertè vocant definitionem: Comm. à Lapide in Actor. 1. *Præclare S. Augustinus in ps. 30. Sc. Sors res est in dubitatione humanâ indicans voluntatem divinam, Sc. In jure canonico cap. Sors 26. qu. 2. ubi dictum Augustini*

gustini refertur, præmittitur hæc rubrica:
Quid sit fors,

Henr. Salmuth differens de sorte ad Pancirolli deperdita tit. 44. pag. 175. *Et si*, inquit, *Finiente Augustino fors* (in suâ naturâ & per se considerata) *aliquid mali non est; sed in humana dubietate divinam indicans voluntatem.*

Willetus comment. in Levitic. 16. quæst. 12. exerte appellat definitionem Augustini, eamque se approbare dicit.

Josephus Medus Anglus in *Trigâ dissertat. ecclesiastic. pag. 82*, postallatam suam definitionem *aliquanto prolixior* (sic ipse loquitur) subjicit hæc verba: *Augustinus brevius, sed ad meum sensum.* Sorsest, inquit, *res in dubitatione &c.* Probat & *Zanchius* 11. de divinatione, pag. 89. 92.

Joh. Altenstaig in lexico theologico: *Augustinus in psal. quid sit fors, his verbis ostendit: fors res est in dubitatione humanâ &c.* Nam & *sortes miserunt apostoli, electi sunt duo judicio humano, & electus de duobus judicio divino.* Probant eadem verba Augustini tanquam naturam sortis explicantia *Verlenius in comment. ad ps. 31. (30.)*

Eandem descriptionem *Zanchius* determinationi suæ de sorte substernit *tract. de divinatione pag. 89. 92. edit. in 8,*

Jac. de Graffis *lib. 2. decis. casuum consc.*
cap. 4. §. 6. 7. Huc spectat, inquit, *Augustini definitio sortis*, dum inquit *Pf. 30. conc.*
2. fors est res in humanâ &c.

Mafius in *Joſuæ 14.* Dicit, sortem non
 esse fortunæ temeritatisque ludum, si iusta
 cum religione fiat, sed certissimum divini
 consilii iudicium. Et in *cap. 7. sortem*, si re-
 ligiose tractetur, numine divino regi, atque
 pro Dei arbitrio cadere; & esse, quod ait
 Salomon, Dei iudicium &c. Recte ergo Au-
 gustinus dixit, sortem esse rem quæ in dubita-
 tione humanâ &c. Quo haut obscure innuit
 essentiam & rationem sortis ab Augustino
 rectè explicatam, quod quid aliud est, quam
 esse eam rectè definitam.

§. De laxitate doctrinæ, quæ sortium u-
 sum spectat, alibi dicendi locus est. Non im-
 meritò laxam Pontificiorum doctrinam
 hæc in parte notavi: nec decorum est, eam
 à reformato theologo defendi. Quamvis e-
 nim (ut intra ostendemus) antiqua concilia,
 Jus civile & canonicum, ludos illos prohi-
 beant, & varii scriptores eorum vi veritatis
 adacti incommoda exaggerent, nonnulli
 haut obscure eos damnent, non desinunt
 tamen laxi Casuistæ more suo audacibus
 exceptionibus, consuetudini & moribus
 hominum velificari. Vide imprimis Ange-
 lum

lum de Clavasio in summa, Hadrianum Florentium nostratem, postea Papam in *quæst. ad lib. 4. sententiarum, tit. de Restituzione*; Cajetanum in *summula*, Serrarium in *Josua 7. qu. 21*, Zwarez *lib. 2. de religione cap. 12. §. 2.* Adde *lib. 1. cap. 32. §. 5.* ubi de lucro ex ludis, in quibus fortuna seu contingentia eventus intervenit, fatetur, *quod jura de hoc in specie non loquantur, quia communiter turpe reputatur.*

§. *Interim assequi non possum quid autor hic velit, quum sortis exertam definitionem negat apud Pontificios Summistas inveniri &c. Verum ænigmati huius explicationem*) Video ab illis quæstionem proponi, an sortes & sortilegia sint licita, & post distinctionem allatam aliquas conclusiones subjici, sed ut plurimum absque præmissâ definitione exertâ, hoc est, scholasticè & in formâ propositionis: Hinc fit ut admodum manca & varians sit eorum determinatio, & multa dicendo nihil dicant. Summas ita dictas Angelicam, Sylvestrinam, Fumi, Cajetani, Toleri, & recentiores scriptores Casuistas seu confessionales Navarrum, Sa, Azorium, Binsfelsius, Reginaldum, Candidum, Funes, Filijucium, Basseum, Bonacinam, Josephum Augustinum (qui materiam hanc tangunt, & mihi nunc ad manum) sunt de

novo cum inspicio, aut nullam invenio definitionem formaliter propositam, aut generalem saltem illam & nimis laxam descriptionem Thomæ, quam ex Autoribus citatis *unus Angelus de Clavasio* repetit. Quod censor instat Malderum & Thomam exsertè definivisse, id *παρορματι* ipsius, non meo ænigmati adscribendum. Loquebar ego de Pontificiis *summistis*, non de *scholasticis*. Summistæ usu illic recepto dicuntur, non qui commentaria aut quæstiones ad summam theologicam Thomæ scripserunt, sed qui summas casuum conscientiae & materialium judicialium complexi sunt; quos hodiè vocant casuistas, quorumq; professio & cathedra in Academiis ac collegiis distincta est à professione theologiae scholasticae ad textum Lombardi aut Thomæ. Quos à theologiae professoribus in tantum distinguit *Thomas Garzoni* in celebri libro tit. *la Piazza universale cap, seu discursu 19.* ut eos accenseat Canonistas.

Sed media potius sententia tenenda, quæ eos faciat medios (participatione scil.) inter scholasticos & Canonistas. *Summæ titulo Casuistæ* Papales ante hanc uti solebant & inde denominati *summistæ*. Quales summæ à Pontificiis scriptoribus passim, & collectim à *Gerzoni loc. cit.* (ubi scriptores titulo

tulo *summistarum* insignit) & à *Possevino* lib. 3. *Bibliothecæ* cap. 22. indicatæ sunt, Rosella, Panfica, Raimondina, Bisanelle, Tabiena, Sylvestrina, Angelica, Hostiensis, Rolandina, l'Astensis, Antonina, Bernardini, Petri Casuelli, Raynerii, Cajetani, Jac. Cavicei, Barthol. Fumi, Alberti de Brixia, Antonii de Corduba, Augustini de Ancona, Joh. Baptistæ de Salis, Claudii Altrifiodoricensis, Henrici de Erfordia, Monaldi, Conradi Summerhart, Gaufredi de Trano, Hugonis Barchinonensis, Joh. episcopi Valoriensis, Joh. de Friburgo, Scarfellæ. Joh. de Saxoniâ, Sebastiani Medices. Quibus adde ex *Alegambe bibliothecâ* summam Henrici Henriquez. Eiusdem ordinis sunt libri Casuistici qui à recentioribus certatim sed aliis titulis *directorii, confessionalis, praxis fori pœnitentialis, instructionis sacerdotum, theologiæ pastoralis, clavis regię, theologiæ practicæ, theologiæ moralis* &c. editi conspiciuntur. *Scholastici*, propriè & distinctè vocantur, qui commentaria & quæstiones scripserunt ad sententias Lombardi, & summam Thomæ. Inter eos ex recentioribus est Malderus, qui ex professore theologiæ Scholasticæ Lovaniensi, factus fuit episcopus Antwerpianus. Eum ego citaveram, non ut *summistam* (talis enim stylo scholæ Roma-

næ dici non solet) sed ut recentiotem. *Scholasticum* & commentatorem in aliquam partem Thomæ, post Cajetanum, Bannes, Medinam, Valentia, Tannerum, Vasquez, &c. Jam vident lectores me nihil non contradicere, nec ænigmata projicere, sed ipsum censorem per rerum istarum & terminorum ignorantiam, sibi in evolvendo ænigmate (quod nullum erat) molestiam creasse. Quod si quis mihi non credat, is adeat *Possevinum lib. 3. bibliothecæ cap. 4. & seqq. cum cap. 16. & seqq.* ubi inter scholasticam theologiam & scholasticos ad Lombardum, Thomam, Scotum, Bonaventuram commentantes, & inter practicam seu casuisticam, & summas casuum, ac Casuistas, exsertè distinguit, & suas cuique operas assignat. Idem fit in *indice materialium* subjecto *bibliothecæ Philippi Alegambe*, ubi scriptores scholastici à Casuistis distinguuntur.

§. *Quare non Thomæ potius, quam Maldero tribuatur*), Utrique potest tribui, aut alterutri, pro arbitrio scribentis, & prout hoc ipsi in mentem venit, Quid hoc causam alexæ juvare potuit? Sed censor materiam libello, & stylo suo quæsisisse videtur.

§. *Interim exactiorem definitionem ostendere poterat, quam est earum &c.* Non erat

erat mihi tunc animus, nec ullâ lege tenebar omnes omnium Pontificiorum definitiones sexcentis in libris venari. Sufficiebat mihi recentissimi scholastici in autoritate tunc constituti, & in Belgio nostro satis celebris Malderi sive definitionem sive descriptionem ex Thomâ præsentî quæstioni applicatam notare. Quod ad Lyrani definitionem, quam indicat, ea in postillâ ad *Numer. 24.* & *Proverb. 16. vers. 33.* sic se habet; *Uti sortibus est ex vario eventu seu dispositione alicujus rei sensibilis propositæ determinare aliquod dubium vel incertum.* Sed non video eam in essentialis seu formalis rationis explicatione secundum mentem Thomæ ab ejus definitione differre, aut plus dicere. Neque enim additur à quo sit & expectetur determinatio incerti seu dubii quod habet Augustinus, cujus dictum à Thomâ 22. qu. 99. art. 8. initio citatum, postea in corpore determinationis. *ad. 1. & 2.* probatur his verbis. *Quandoque vero expectatur à Deo secundum illud Proverb 16. sortes mittuntur in sinum, sed à domino temperantur, & talis fors secundum se non est malum, ut Augus. dicit.* Adde quod Lyrani toto discursu, quem utroque loco subjicit, Thomam per omnia secutus fuerit, excepto quod expectationem eventus à fortunâ ab omni

omni vitio absolvit, ubi Thomas fluctuans ait: *non videtur habere nisi fortè vitium vanitatis.*

§. Tertia &c. est Aretii: apud quem tamen meliorem invenire poterat) Definitionem hanc mihi probatam; & sententiæ communi reformatorum de usu & abusu sortium apprimè convenientem, ex loco de sortibus, ubi ex professo hanc rem tractat, & definitionem per partes explicat, fideliter depromsi. Eam si censor aliique aleæ patroni improbent, & aliam quam, atque in eâ palmarium pro aleâ, apud eundem Aretium reperisse se putent, nihil tamen promoveant: nisi ostendat, definitionem talem alicubi in terminis propositam, & priorem posteriori, tanquam *δευτέραις φροντίσι τοφωτέραις*, ab Aretio sive tacitè sive exsertè correctam, atque adeo locum postremum part. 1. problem, (ubi sedes hujus materiæ) inductum. Quod cum factum non sit, ad λόγους, implendis chartis projectos censuram hanc relegamus.

§. Quarta est Borrhai, quæ nihilominus probatur, quum sit ad sortem in genere definiendam &c. Verum ista non est, &c.) Resp. Non tam ineptè uti crisis proclamat, Borrhai definitio sortis sacræ à me relata fuit: quam nec probavi, nec improbavi, sed ha-

ctenus

Stenus το' generale in illâ definitione (*sub Dei ductu*), quamvis speciali materiæ (sacræ scil.) à Borrhao loc. cit. applicatum, huc facere arbitrabar, secundum meam & aliorum aleæ adversantium infra cit. sententiam. Omnes enim sortitiones sub Dei ductu fieri debere, non sub ductu idoli, aut diaboli, aut fortunæ, aut naturæ, aut nihili, apud nos præsupponitur, & consequenter definitione sortis exponitur. Si sine respectu ductus divini sortes jaciuntur, hoc profanitati aut vanitati sortientium cum orthodoxis theologis infra cit. adscribimus.

S. *Quinta, quam ut perspicuam & plenam &c. ne recitatione quidem dignatus est, &c. quam nos in antithesios parte priore, &c.*

Resp. I. Captantur criles, sed otiosè atque ineptè, Ergone in assertionibus scholasticæ studiosorum disceptationi propositis, ubi δακτυλοδείκτας frequenter agimus, omnia autorum citatorum præcepta, commentationes, dissertationes &c, de verbo ad verbum describenda erunt? Poterat eâdem æquitate & criticâ notasse & hanc & alias meas theses quod in citatione dictorum S. Scripturæ *ne recitatione quidem ea dignatus sim* quod plerumque studiosorum propriæ lectioni in bibliis suis (ubi verba à corpore contextus avulsa non sunt) hoc relin-
quam,

quere, immo & illis atque omnibus catechu-
menis nostris assiduo hoc commendare
soleo atque unâ chartæ & scriptionis com-
pendium facere. Sed dices me aliorum au-
torum ut Augustini, Malderi, Aretii, Borrhæi
definitiones verbotenus exhibere; de Ame-
sio vero dicere : *ubi eam vide*. Rectè, quia
sciebam studiosis nostris librum Amesii ad
manum esse, eumque assiduo volvi, & priva-
ta examinantium ac disputantium collegia
super illo à professoribus hic institui. *Resp. 2.*
Quam solide & dextrè hæc definitio Ame-
sii, in priori disceptationis parte excussa sit,
ostendetur à viro erudito, qui Amesii de-
fensionem contra alexæ patronos suscepit.

§, *Porro definitio &c. cum tamen quam-
nam ex dictis, &c*) Quid est tempus &
chartam teretismatis perdere, si hoc non est.
Aretii, Amesii aliorumque infra cit. defini-
tiones, *περιεργία* & curiosa criticâ insuper
habitis, nostræ omniumque fortibus ludi-
cris adversantium infra cit. sententiæ satis
congruere arbitror: *quamvis Amesianam
potius volui*; uti ipsa crisis, mox sibi respon-
dens fatetur. Sed valeant cascæ & nugatoriæ
istæ crises. Quod autem notat Amesium à
se dissentire, & me ab Amesio, id ex im-
moderatâ contentione & nimio pro alexâ zelo,
indeque ortâ visione refractâ, potius profe-
ctum

Etum videtur, quam ex judicio. De Amesio videbit ipsius hyperaspistes, Pro me contra censoris insultationem (*adeo inquit, infelix est in suis citandis auctor iste*) sic respondeo 1. me non citasse formalia verba cujusquam auctoris, nec etiam Amesii ex lib. 2. *Medullæ cap. x i § 2.* (quod censor ex propria imaginatione affirmat); sed me colligere ex citatis Augustino, Aetio, Borrhao, Masio, ultimâ analysi factâ in textus *Proverb. 16. & 18.* & meis verbis collectionem ac sententiam meam proponere de formali ratione sortis, in quo consistat, hoc modo: *Porro definitio nostra colligitur ex Prov. 16. 33. cum 18. 18. Ita ut in ratione suâ formali fors omnis includat respectum &c.* Ubi nunc citatio Amesii, ubi tanta infelicitas in citandis? Provoco ad αὐτοψίαν lectoris, ut judicet egone an censor infelicitatem in citandis passus sit.

Resp. 2. Quamvis crimen non esset aliter & aliis verbis, ac Amesius, sensa animi exprimere, & rem propositam exponere: nego tamen me ab Amesio discedere, cum Amesiano epitheto providentiæ divinæ tributo, *specialis* scil. (in *Casibus lib. 4. cap. 23.* pro quo *Medulla §. 7. singularis*) epithetum *immediatam* substituo. Si §. 2. à censore citato Amesius meminit, *immediati respectus*

Et ad singularem seu specialem providentiam, ergone negat respectum ad *immediatam providentiam*, meo sensu acceptam? Quæ illa consequentia? Ut lector videat censorem nimio affectu & festinatione à recto obtutu in Amesii medullâ abactum, legat ipse ibid. § 9 ubi theologos nostros asserentes *extraordinariam quandam providentiam Dei sortibus omnibus præesse*, sic exponit: *quod fors ipsa, ex naturâ suâ, respectum quendam habet ad singularem & extraordinariam Dei providentiam in directione eventus merè contingentis: & istud hoc sensu verissima est eorum sententia.* Quid autem intelligant theologi & Amesius per *extraordinariam*; & ego per *immediatam* (quæ mihi synonyma), infra anacr. 3, & 5. explicabitur,

§ *Cæterum quod definitionem illam &c. nec disertis verbis posuit tamen ex Proverb. 16. 33. cum 18. 18 colligi ait, ludibrio suo planè lectorem habet &c.* Resp. 1. disertis verbis posuit eam Amesius loco à me indicato; & disertis verbis ego studiosos nostros eò ablegabam, cum scriberem: *ubi eam vide.* Potuerunt illi disertis verbis propositam illic legere; censor noster aut alius quis alexæ patronus, si non potuit, aut non voluit legere, quia Iudo alexæ & diametro opponi-

ponitur, nos præstare non possumus, *Resp.*

2. Ludibrio à me haberi lectorem non dicent, qui de moribus Academiarum nostrarum & thesibus illic proponi solitis vel fando audiverint. Quoties enim nudæ assertiones scribuntur, aliquando indicatis per cifras scripturæ locis, quibus innitantur, aliquando non indicatis. Aliud enim est assertiones proponere, aliud elencticas ἀναλογικὰς & κατὰλογικὰς. Nec etiam semper in materiis maximè controversis operosæ deductiones (quod in editis libris fieri potest) scribuntur, sed non rarò digiti solummodo ad fontes scripturæ intenduntur. Videantur *Gomari dispp. de scripturâ, de Trinitate, de Deitate filii & Spiritus Sancti, de baptismo &c.* Ad hæc theses ubi textus tantum indicantur, aut etiam nudæ assertiones sine ullo textuum indicio proponuntur: quales non paucae Sohnii, Bezæ & Faji, Tossani, Calamini, Francisci Junii, Zanchii, Henrici Antonidæ. Parei, Piscatoris, Ravenspergeri, Theod. Zwingeri hebomadales, Constantini L'Empereur Harderovicenæ, Diestji theologia Biblica, ejusdemque compendium theologiæ; denique dispp. Leydenses jam inde ab anno 1600 toties repetitæ. &c. Ne quid dicam de variis compendiis seu ideis theologiæ, Fenneri, Perkinii, Math. Martini, &c.

&c. insuper de Altingii theologiâ didacticâ, Amesii medullâ &c. Sed forte quis instet, me de re controversâ, de usu & abusu fortium agere: cui repono, me tractatum, aut apologiam non dedisse; & si dedissem, in præcognitis ad demonstrationem non demonstrassem. Ibi enim ex more methodi, quam servare soleo, & ipse censor servari vult, τὸ τί ἐστι i.e. quid nominis & quid rei explicatur, & definitio præmittitur; ne disputatio sit de non ente. Contentus ergo fui cum Amesio cap.cit. §. 1. loca illa scripturæ definitioni subjicere & sententiam meam Amesianæ congruentem proponere, quæstionis controversæ determinatione eique subjectâ probatione ad thesîn 3. rejectâ: contra quam omnesque alias assertiones, quidquid ab antagonistis objiceretur, coram in ipso actu Disputationis aut dilutum fuit, aut diluendum fuisset. Mera ergo est ἀκρισία, si quis omnibus, assertiones in scholis ad disputandum proponentibus nescio quâ lege Persarum & Medorum imponat ut in præcognitis non tantum definitionem præmittant ac præsupponant, sed & *omnia diligentius excutiant, distinctius explicent*, ex locis scripturæ per cifras annotatis *secum invicem collatis definitionem expiscantur, & quæ ex eis eliciatur, ostendant.*

§. Quod

§. *Quod subjungit, in ratione sua formalis sortem &c. hujus dicti firmamentum aliquod adjectum oportuit &c.)* Quæ leges methodi, qui mores Academiarum hanc conditionem figunt? An illic terminorum definitiones, quæ quæstioni controversæ præmittuntur, semper analyticè explicantur, & singulis explicationis partibus aut particulis demonstrationum ἐξεργασία subjungitur aut immiscetur? Videt lector quæsturas fuisse crises, ad chartas conscribillandas, & fluctus in sympulo excitandos.

§. *Nec Martyr, quem testem advocat, hoc ostendit, nec Amesius, quem autorem laudat, hoc solide probavit; immo tantum abest &c.)* Resp. 1. Meri λόγοι, λήγαι. Si ita judicant alearum patroni, nos aliter judicamus: & propediem Amesii hyperaspistes hoc ostendet. Quidquid meæ sententiæ quousque cum Amesianâ convenit dieculari hâc velitatione, opponitur, infra σὺν θεῷ profligabo.

§. *Quin & autoris hujus ipsius erat sua probare, non autem ad aliena scripta &c.)* Et hoc nugatoriis crisis adnumeretur. An necessariò definitioni & explicationi rationis formalis, tanquam necessario præcognito præmissæ, demonstrationum apparatus & fabrica intarcienda erat? An tam grande nefas demum thesi tertiâ post sta-

tum controversiæ propositum, probationes quibus melior sententia nostra innititur, non tam operosè diduxisse quam pro ratione instituti nostri & angustæ chartæ, indicasse, ad exceptiones opponentium excipiendas; & in actu disputationis diluendas? Quid si quis censorem vicissim notet, quod theses meas latinè scriptas latinâ crisi oppugnaturus in acribus quibusdam & quæsitis circa rem amplificationibus ἀποβατέ, ubi vero ad ipsius rei cardinem ventum fuerit, ad eristicos suos tractatus Anglicè scriptos lectorem remittit; quos paucissimis, ferè aut ut forte nullis in Germaniâ, Galliâ, Belgio, Helvetiâ, Poloniâ, Hungariâ, lectos, & paucioribus intellectos, ignorare non debebat. Minus absurdè ego in thesi Academicâ ad disputandum propositâ studiosos nostrates ad Amesium ablegavi, quem sciebam quotidie in illorum manibus esse; quam ille in censurâ thesium mearum latinè concinnatâ lectores suos, quos in præfatione compellat, ad eristicos tractatus & particulares apologias Anglicè editas. Istius enim com-
 matis scripta Anglica, non tam frequenter extra Angliam evolant aut in alias linguas transfunduntur, ac præctica Perkinſi, Danielis & Jeremiæ Dyk, Boltoni, Prestoni, Baines, Rogers, Sibs, Whately, Biefield, &c.

S. Si

§. Si in ratione suâ formali fors omnis includat respectum ad Deum, & dependentiam &c. certum est sortes, quæ dicuntur divisorias plerasque tum serias tum ludicras, ne sortes quidem futuras esse &c.) Immo certum est divisorias seriò & in casu necessitatis (sive ob ipsam rei naturam sive ob hominum malitiam aut infirmitatem) legitime institutas, esse verè sortes: ludicras vero esse propriè κλήρυς ἀκλήρυς, sortes in-sortes, hoc est, sortis abusus; quæ sortes dicuntur, sicuti juramentum temerarium dicitur juramentum; & votum monasticum dicitur votum religiosum; & precatio Papistarum litanentica, Rosariana, horario-canonica, dicitur precatio; & hierarchia Papalis, dicitur hierarchia, hoc est, regimen sacrum aut ecclesiasticum; & usura mordens, dicitur usura; & privatus quis potestatem tyrannicè usurpans, dicitur Magistratus. Si cui argutari libeat, de quæstionis subiecto hic sublato, per me licet: eo ipso sortes ludicræ à vanitate & abusu non liberantur, nec ludus aleæ etiam in foro politico prohibitus, triumphabit. Sed hæc dicis causâ, aut κατ' ἀνθρώπων hic adferri puto: cum ipse alioqui in totâ hac censurâ ostendat in aleâ aliisque sortibus ludicris esse rationem sortis. Aliter sentit Josephus Medus in

fine diatribæ de sanctitate relativâ pag. 79. ubi ex nostrâ definitione sortis confirmatâ, deducit in ludis illis non esse sortem, atque adeo saltem illa ex parte non esse illicitos: an cætera in se, aut aliam quam ob causam illiciti, ibidem, quod sciam, non determinat.

GISE. VORTI I.

Consectar. 1. Malè Cicero lib. 2. de divinat. definit Sortem nihil aliud esse quam spectare temeritatem & casum, ubi nec ratio nec consilium valet.

II. Malè Cajetanus in 22. q. 95. a 8. statuit, non peccari absolute, si sortes expectemus à fortunâ. Nec satis benè ibi contradicit Thomæ contra Gentiles lib. 3 c. 154. condemnanti expectationes eventus sortium à cælo.

THOM. GATHAKERI.

At nihil hîc non sani, si dextrè sumatur; exceptâ clausulâ novissimâ, de expectatione eventus sortium à cælo.

Nec definit Cicero Sortem, sed verè asserit, sortem, (quod est verissimum, creaturam quod attinet) non ratione & consilio, sed casu & temeritate ferri. Vide Tract. de Sortib. c. 1 §. 2.

Cum Cajetano verò malâ fide agitur. cum is caute locutus adjecerit, (quod tacitum
non

non oportuit) *sub divina tamen providentiâ* quæ esse à se invicem distincta & distinguenda, ostendo in *Tract. cit. cap. 2. §. 7.*

Verum qualiacunque ista fuerint, illud prius confirmandum fuerat (quod non est factum) quo tanquam fundamento jacto ista rejiciuntur, quam de *eius censura tam fidenter ferenda, quæ dogmati illi adversari videntur.*

ANACRISIS II.

§. *At nihil hic non sani Sc. excepta clausula Sc.* Resp. 1. aut sibi contradicit censura, aut lectorem ludit. Quomodo *nihil non sani, si dextrè sumatur*: ubi omnia carpuntur? Resp. 2. Clausula consecrarii contra expectationem sortium è cœlo censura notatur: sed in quo, & cur, seu *πῶς*, & *τὸ διόν* non explicatur. *Thomas c. 2. Gentes lib. 3. cap. 154.* sic scribit: Præ-
 „ nuntiant autem quidam quandoque se-
 „ cundum imaginationis immutationem,
 „ vel in dormiendo, sicut cum per somnia
 „ aliquorum futurorum indicia monstrant:
 „ sive etiam vigilando, sicut in arreptitiis
 „ & phreneticis patet &c. aliquando etiam
 „ per aliqua exteriora indicia, sicut per mo-
 „ tus & garritus avium &c. & in punctorum
 „ quorundam descriptione, & in similibus,
 B 3 „ quæ

„ *quæ sorte quadam* fieri videntur : aliquan-
„ do autem visibiliter apparendo , & sermo-
„ ne sensibili prænuntiando futura. Et licet
„ horum ultimum manifestè per malignos
„ spiritus fiat ; tamen alia quidam reducere
„ conantur in aliquas causas naturales. Di-
„ cunt enim quod cum corpus cœleste
„ moveat ad aliquos effectus in istis inferio-
„ ribus : ex ejusdem corporis impressione
„ in aliquibus rebus illius effectus signa
„ quædam apparent. Cœlestem enim im-
„ pressionem diversæ res diversimodè re-
„ cipiunt &c. Et idè dicunt , quod motus,
„ qui sunt præter deliberationem rationis ,
„ ut visa somniantium &c. & motus & gar-
„ ritus avium , & descriptiones punctorum,
„ cum quis non deliberat quot puncta de-
„ beat scribere , sequuntur impressionem
„ corporis cœlestis : Et idè dicunt , quod
„ hujusmodi possunt esse signa effectuum
„ futurorum , qui ex motu cœlesti causan-
„ tur. Sed quia hoc modicam habet ratio-
„ nem , magis æstimandum &c. Vide re-
„ liqua apud Thomam ; coll. cum 22.
qu. 95. artic. 8. ubi meritò tales sortitiones,
quæ præsupponunt actus humanos sorti-
tientis , & eventus sortis stellarum aut cœli
dispositioni subdi , & ab iis sortiri effectum,
ad divinationes superstitiosas & illicitas re-
jicit.

jicit. Ab hac sententia Thomæ Cajetanus loc.
cit. discedit, adhibita distinctione ineptè seu
,, limitatione : Ego, inquit, intelligo hanc
,, damnationem , quando quis utitur no-
,, stris artibus tanquam absolute & simpli-
,, citer cœlo subjectis ; & non quando quis
,, utitur eisdem , vel ut non deliberatis, tan-
,, quam non humanis , vel ut aliququaliter
,, cœlo subjectis , quo ad inclinationem, ad
,, illa tamen quæ cœlo subsunt. Quoniam
,, primo modo est ibi falsitas. Secundo au-
,, tem non est certa falsitas. Et propterea
,, non est damnanda , sed vitanda ac timen-
,, da. Et juxta hunc sensum intellige auto-
,, ris verba contr. Gentes lib. 3. cap. 15 4. cum
,, dicit , quod reducere ea in corpora cœle-
,, stia, *habet modicam rationem* &c. Accipe
,, hæc ut dicta pro tutiori parte , ad consu-
,, lendum quæ sanioris doctrinæ sunt , non
,, ad damnationem defendentium hæc fieri
,, quandoque à cœlo. Et hæc dixerim , ut
,, qui legunt , aut docent , non sint præci-
,, pites , sed caveant sibi & aliis. Non da-
,, mnent tamen eos , qui servatis superius
,, dictis , tantum sibi de cœlo promittunt.
Qui modo communem Christianorum
Theologiam & Philosophiam in capp. de cœ-
lo, astris, magiâ, superstitione, divinatione
astrologicâ &c. à lumine salutavit , facile vi-

det, Cajetanum superstitioni (quod illi non insolens) non ita ac Thomas se opponere, & laxum Casuistam agere; atque hunc in finem ineptè effugium in actionibus non-humanis cœlo subjectis, & in subiectione aliquali quoad inclinationem quærere: hoc enim Thomas non ignorabat, nec hoc tantum intendebant illi, quos notat & refutat *Thomas loco cit. c. Gentes* & pluribus in *opusculis opus. c. 25. c. 5.* ubi tale sortilegium refert ad geomantiam: & explicat, quomodo astra dicantur inclinare. Rectè *Fr. de Sylvestris Ferrariensis in commentar ad loc. cit.* Attendendum, inquit, ultimo, quod S. Thomas non adducit rationem, contra opinionem dicentium idcirco motus, qui præter deliberationem fiunt, futurorum eventuum signa esse, ex eo quod motum corporum cœlestium, eorumque impressionem sequuntur, quia hoc in superioribus est improbatum, ubi ostensum est ad quæ virtus cœlestis corporis se possit extendere, sed hoc tantum dicit modicam, id est, debilem & nullius valoris rationem habere, ostenditque esse falsum auctoritate sanctorum & Gentilium, & ex eo quod in sacra scriptura omnia ista cum idololatria reprobantur, quod non esset, si ex corporum cœlestium impressione

„ lione

„sione futurorum eventuum signa esse possent. Si quid in Thoma, aut in me cum Thoma faciente contra Cajetanum carpendum sit, audiam ubi quis antithesin cum ratione aut rationibus consignaverit. Hactenus enim puto me pro & cum catholicæ veritatis sententiâ contra omnem indirectam superstitionem, & magiam determinasse. Conferat, cui vacat, *dispp. nostras de Magiâ*, & *de superstitione*, autoreſque ibidem citatos. Et specialiter *Thomam lib. 3. contra Gentes cap. 105.* & *Deſrio lib. 1. disquis. cap. 3. qu. 1.* ubi ostendunt miros & magicos effectus non posse oriri à cœlo. Et *Peucerum de divinat. tit. de sortibus*, ubi vanitatem geomantiæ ad cœlum referentis eventum, demonstrat.

§ *Nec definit Cicero sortem, sed verè asserit* (Sc.) *Resp. 1.* Nimis quæſita crisis. Cicero exoterico modo ac stylo locutus explicat, quid sit fors. Cur non liceat cum *Arctio* (*part. 1. probl. loco 67.*) definitionem sortis inde sumere, & sic appellare? Quid enim definitio aliud quam oratio explicans τὸ τί ἐστι? Si quis quærat, quid est Grammatica, quid Logica, quid Rhetorica &c. & respondeatur, *Nihil aliud est, quam ars* (Sc.) an responſum hoc pro explicatione essentiæ, seu rationis formalis, seu quidditatis (uti

B 5. scholæ

scholæ loqui amant) hoc est pro definitione (perfectâ an imperfectâ, jam non quæritur) accipi non poterit? Sed excipitur, Ciceronem asserere, *sortem non ratione &c.* Resp. assertionem, non excludere definitionem: Omnis enim definitio cum suo definito conjuncta, & de eo tanquam de subiecto prædicata, & quidem enuntiatione necessariâ in primo modo dicendi per se est assertio, hoc est, enuntiatio affirmans aliquid de aliquo, debet enim omnis definitio esse affirmans: hinc est quod omnis definitio sit assertio, non contra. Sed pudet me hujus vitilitigationis ad Logicorum *παιδα*, remittendæ. Resp. 2. Non recipimus, quod dicit Ciceronem verè immo verissimè asserere, *sortem non consilio, sed casu & temeritate ferri*, additâ scilicet suâ limitatione, quam Cicero non habet, *creaturam quod attinet*. Ciceronis verba, quæ Aretium respexisse puto, ita se habent: Dicendum igitur putas de sortibus. Quid enim fors est? idem prope modum quod micare, quod talos jacere, quod tesseras. *Quibus temeritas & casus non ratio & consilium valet.* Hæc pag. 81. edit. Lugdunensis autore Alexandro Scot. in 12. aut parvo 8. Anno 1789. Cum quibus confer. pag. 56. *Quid est enim aliud fors*, quid fortuna, quid casus, quid e-

,, ventus

„ventus; nisi cum sic aliquid cecidit, sic
„evenit, ut vel non cadere, atque evenire,
„vel aliter cadere, atque evenire potuerit?
„quomodo ergo id, *quod temerè sit cæco*
„*casu, & volubilitate fortunæ* præsentiri
„& prædici potest. Ex his assertio seu defi-
nitio Ciceronis desumpta fuit ab Aretio, &
censura notata. Observa autem, *τοῦτο* illud
φάρμακον (*creaturam quod attinet*) quod pe-
culiarî æquitate & caritate Ciceroni pro-
pinatur, non haberi in Cicerone nec verbis
ejus aptari posse. Non habet Cicero, quo
censor definitionem, ejus sive assertionem
sanare conatur. Ostendo id Aretii potius,
quem secutus sum, quam meis verbis;
„Sed quod addit Cicero, sortem ni-
„hil aliud esse quàm spectare temerita-
„tem & casum fortunæ, non concedimus.
„Pii enim in sortibus respiciunt Domini
„voluntatem & judicium illius, ad quod sor-
„tibus provocant, ideoque rogant ut ipse de-
„cernat de his, quæ humana ratio non po-
„test satis commodè expedire. Quod autem
„alii effectum fortuitum dicunt: concedi-
„mus hâc distinctione adhibitâ. Quod nos
„attinet videri quidem fortuitum, quicquid
„sortes decernunt, quia sine consilio nostro
„id accidit: nisi quod conventionem partes
„diffidentes in sortes consentiunt. Verùm

• quod Deum attinet, quem in his respicere debemus, certo & fixo consilio, sic & non aliter, sortes pronuntiare jubet: ita ut nec casus, nec fortuna quicquam hic loci habeat: hinc factum est, ut quicquid sortes semper pronuntiarint, tanquam Dei oraculum sint amplexi pii: loquimur enim de piorum tantum sortibus.

Ger. Joh. Vossius lib. 2. de orig. & progr. idololatriæ cap. 43. jactus aleæ quorundam semper penè felices, aliorum semper penè infelices haud obscure operæ assistentium geniorum videtur tribuere; & his verbis „concludit. Nec sanè possum in animum „inducere, casum inesse in rebus: sed o. „omnia censeo vel à naturæ necessitate, vel „à nostro, aut alieno dependere arbitrio. „Nempè quod, de morbis nonnullis Cōs „ille vates ait in primo præfagiorum; id „non minus dixero *de alea, ac cæteris*: „quæcunque propter nostri ignorantiam, „fortunæ aut calui tribuuntur, in iis *ἐῖς* „*ἢ*, & inesse & (N. B.) cogitari debere.

§. *Cum Cajetano verò mala fide agitur* (Ec.) Verba Cajetani, quæ ego respexi, & improbavi, sunt ista: *Si autem fortunæ committitur eventus per sortes, tunc ex genere suo nullum peccatum apparet. Sed ratione causæ, puta si ex levitate fiant: vel ratione materiæ*

materia, puta quia in his, quæ per electionem fieri debent, aut aliunde, quam ex fortuna cognosci, aut haberi debent, peccatum est. Vides ergo tali fortunæ respectu in se, per se, & absolute, non peccari Cajetano; sed tantum per accidens, aut per se propter aliud accessorium: eundemque laxiorem hic Casuistam confidenter agere, & à Thomâ recedere, ut & in aliis modo indicatis. Thomas trepidans aut dubitans, sic loquitur art. cit. Et siquidem ex fortuna expectetur sortitium actuum eventus: *non videtur habere nisi fortè vitium vanitatis.* Idem confidentius asserens opusc. 25. (quod in margine à Cajetano ibid. citatur) cap. 6. sic loquitur: *Sed quia divisoria fors locum possit habere etiam si res humanæ fortuitò agerentur, ut supra dictum est, contingit divisoria sorte uti non quasi exquiras divinum judicium, sed quasi committentes fortunæ, quod maximè videtur in taxillario ludo. Quod vitio vanitatis non caret.* Atque hinc omnibus, qui Thomam & Cajetanum inspicere dignabuntur, patefcet nostra bona fides, & mala festinatio censoris, cum ait: *Mala fide agitur cum Cajetano, cum is cautè locutus adjecerit, (quod tacitum non oportuit) sub divina tamen providentia.* Atqui ajo ego Cajetanum cautè non locutum,

Nec adjecisse ibi *sub divina providentia*,
 quod censor asserit. Malâ festinatione hic
 mecum egit cum textum illum qui exserte
 habet, quod reprehendi, non legit: nec
 satis bonâ festinatione cum Cajetano egit,
 cum ex tractatione quæstionis expositioni
 literæ subjectâ (quam ego non respexi, nec
 reprehendi.) *Nûm uti sortibus divisoriiis in*
temporalibus dignitatibus sit peccatum, ver-
 ba illa Cajetani, *sub divina tamen provi-*
dentia, ostentat tanquam ad determinatio-
 nem & responsionem ejusdem pertinentia,
 cum pertineant ad dubitationem seu obje-
 ctionem, quam his formalibus verbis sic
 inchoat: *Est tamen hic dubitandi locus*
quoniam in litera (Thomæ scil.) *dicitur*,
non esse peccatum uti sortibus divisoriiis in
temporalibus dignitatibus, quæ ad terrenam
dispositionem pertinent. Constat namque
 quod hujusmodi sortes fortunæ committun-
 tur, *sub divina tamen providentia*, sicut in
 rerum divisione. Et ratio dubii est, quia in
 dignitatibus distribuendis agitur de malo
 communi Reipublicæ &c. Dubium istud mo-
 tum, peculiari & proximè sequenti paragra-
 pho sic solvit Cajetanus: *Sed hæc ambiguitas*
facile solvitur, si &c. Ut autem ex abundanti
 magis pateat mens & laxa Casuistica Cajeta-
 ni, exhibeo verba ejusdem, quæ improbata
 in

in confectario nostro proximè præcedunt:
 „ Aut exspectatur eventus sortium à cœlo
 „ ratione talis temporis, puta quia occur-
 „ rit tunc tempus suæ exaltationis secun-
 „ dum astrologiam, & propterea sperat,
 „ quod omnia in quibus agitur de ipso, cœ-
 „ lum inclinabit secundum suas vires in ex-
 „ altationem ipsius, & sic fortè eadet fors
 „ super illum illâ horâ. Consolatio quippe
 „ ista licet levis sit, damnanda tamen non
 „ est. Et hæc omnia toleranda præcipuè
 „ sunt, quando sortes non fiunt præcisè
 „ propter cœlestem actionem, sed partim
 „ à fortunâ, partim à cœlo, partim à di-
 „ vina providentia sperantur. Si autem for-
 „ tunæ committitur eventus per sortes,
 „ tunc ex genere suo nullum peccatum ap-
 „ paret.

§. *Illud prius confirmandum fuerat
 (quod non est factum) &c. quam de eis cen-
 sura tam fidenter ferenda &c.)* Pruritus cri-
 ticus ad materiam περὶ ἑρμηνείας, ac rhetoricatio-
 num conquirendam stimulat. Ostendatur
 nullas theses & assertiones Academicas,
 nulla confectaria aut corollaria thesibus sub-
 jici, & ad disputandum proponi debere,
 absque choragio probationum. Quis ta-
 lem methodi magistrum scholis & exerci-
 tiis nostris præfecit? Quid quæso hæc e-
 vaga

vagationes ad controversiam principalem?

GISEB. VORTII.

2. *Varie dividuntur Sortes, respectu objecti seu materiae in divisorias, Consultorias, Divinatorias, Peucerus de divinat. distribuit in Politicas, Divinas, Divinatorias. Alii in Divinas, Humanas, Diabolicas.*

--- Sortes divisorias dicimus esse, quae adhibentur, cum dubitamus, cui aliquid sit adjudicandum in haereditate, in bonis, in honoribus, oneribus, laboribus, periculis, &c. Suntque vel publicae vel privatae; rursum vel sacrae Levit. 16. 1 Paralip. 16. Actor. 1. vel civiles: quae rursum vel ordinariae, Prov. 18. 18. vel extraordinariae. 1 Sam. 10. Josue 14. & 15.

Divisorias Sortes esse licitas omnes hodie concedunt Jurisconsulti, Civiles & Canonici, ad caus. 26. quaest. 2. c. Sors. pariter cum Theologis Pontificiis & nostris: quamvis Hieron. in Jonae 1. omnem usum Sortium videatur rejicere: qui forte ex occasione abusu in extremam hanc sententiam compulsus fuit. Addunt autem Cajetanus in 2. 2. q. 95. a. 8. & Malderus loc. cit. conditiones & limitationes quasdam, quibus haec sortes sint licitae. Plene magis & perspicue condi-

conditiones exhibet ex nostris Martyr. loc. cit. Nos illum secuti, pauculis additis, ita eas designamus. Prima est, ne temerè veniatur ad sortes, prius enim utendum est spiritu Dei, verbo, ratione. Et si humana prudentia dispicere non possit, aut si possit, tamen invidia alia ratione declinari non potest, tum demum necessitas gloriæ divinæ & boni publici aut privati suadet sortem. Secunda, ut ad sortes religiose accedatur, cum intuitu providentiæ divinæ, & expectatione determinationis ab ejus judicio, & animo acquiescendi in eius voluntate. Tertia, ut absit superstitio. Quarta, ut materia sortis sit res justa & licita, & quidem seria ac alicujus momenti. Sexta. ne ad sortes adhibeatur Evangelium aut verbum Dei.

Consultoriæ sortes sunt, quando inquiritur quid in rebus ambiguis judicandum aut faciendum. ——— Has autem absolute illicitas dicimus, nisi Deus extraordinario præscribat. Aut enim iudicium expectatur à Fortuna, hoc est, ab idolo, quod vanitatis & superstitionis est; aut à Diabolo, quod est Magiæ; aut à Deo, quod est presumptionis, cum homines nesciant, cujus Spiritus sint. Nam exempla Saulis & Regis Babylonii in Scriptura, authenticam

cam fidei morumque regulam non faciunt. —

Divinatoriæ sortes sunt, quæ adhibentur ad prænotationem futurorum. Sunt autem illæ vel licitæ seu divinæ, vel illicitæ: — hæc rursus vel vanæ, vel superstitiosæ, quæ scilicet directè sunt contra religionem. Superstitiosæ pertinent vel ad superstitionem simpliciter diabolicam eamque vel explicitam vel implicitam. — Porro refutantur ejusmodi Sortes ab Autoribus sit: Tract. de Magia, Divinatione, Prophetia, superstitione.

THOM. GATAKERI.

Theseos istius partem magnam refeci, quo transcribendi tædio consularem, quia ad controversiam institutam neutiquam pertineret. In eis quæ exhibui, quæ animadversione aliquâ digna visa sunt, paucis attingam.

1. Sortes *Divisorie à Consultoris* parum commodè distinguuntur: Quid est enim aliud Sortem adhibere, cum dubitamus, cui aliquid sit adjudicandum, &c. quam eandem adhibere, quando inquiratur, quid in rebus ambiguis judicandum aut faciendum? quid est enim dubitare, nisi ambigere? quid alicui aliquid adjudicare, nisi aliquid judicare & facere?

2. Malè

2. Malè Sortes *Consultoriae* à *Divinatoriis* dispescuntur, cum sub istis & illæ comprehendantur. Vide *Tract. de Sortib. c. 10. §. 2.*

3. *Divinatoria* ad futurorum (de quibus & *Consultoriae* quærant) restringuntur, cum latius multo pateant istis subjecta, quod Achanis, Jonathæ, Jonæ casibus ostendimus. *Tractat. de Sortib. cap. 10. §. 5. & 6.*

4. Quod de Hieronymo dicitur, *omnem eum usum Sortium videri rejicere*; benè habet, quod *videri* illo temperata sit dictio: alioqui crimen falsi adversus Hieronymum admissum esset. aliud est enim *Sortibus uti*, (non divinatoriis, quales nautæ illi usurparunt, sed aliis quibuscumque) aliud *sub eorum exemplo Sortibus credere*, quod solum, vetat Hieronymus; *jubens isti, qui à peculiari ac immediata Dei providentia eventum earum expectandum docent*. Quis enim nisi impius planè, huic non credat? Hugo reverà Cardinalis in Jonæ 1. utrumque conjunxit. *Non ex hoc exemplo debemus credere vel uti sortibus*. Verum mens hominis clara satis est, non trahendum in exemplum, quod illi, fecerant, aut in casu istiusmodi, in quo illi forte aliquâ utendum. Quâ in re sanius certè censuit, quam è nostris, etiam

etiam primæ summæque notæ , non nemo. Vide *Tract. de Sortib. c. 10. §. 5.*

5. Quoad conditiones illas attinet, quæ ad Sortis *divisoriæ* usum legitimum exiguntur , infirmo fundamento , quod Thesi primâ nudè proponebatur , innituntur pleræque , & cum eodem nutante corruunt. Prima est non necessaria : secunda, superstitiosa: tertia, secundæ contradictoria: quarta ex parte alterâ , (quam quintam forsan voluit , alioqui numerum senarium quæ conficiat ; una deerit) supervacanea: sexta , heterogenea : quia ad eam Sortis speciem pertinet , quam ex se illicitam Autor ipse pronunciat. Verum has plenius discussas & rejectas habes, in *Tract. de Sortib. c. 5. §. 3.*

6. Quâ ille ratione *Sortes Consultorias* absolute illicitas esse statuit , nisi Deus ipse extraordinariè præscripserit; eadem planè de *divisoriis* quibusque censura parilis ferri poterit , si à speciali atque immediatâ Dei providentiâ eventus in eis expectatur. hoc enim futurum credere præsumptionis est : cum Deus sortibus eo modo affuturum se, nusquam promiserit. Itaque quod idem Confectario tertio concludit , *Sortem Consultoriam nunquam esse licitam , quamvis conditiones à Pontificis quibusdam præscriptæ*

ptæ observentur, quia nullâ Scripturâ aut ratione nititur: idem ipse de Sorte omni in universum, qualem isti definiunt, merito jure concluderim, Sortem ejusmodi nullam unquam licitam esse, etiamsi conditiones omnes ab autore isto præscriptæ observentur, imò hoc ipso esse illicitam quòd harum aliqua saltem observetur, quia nullâ ea Scripturâ aut ratione nititur.

ANACRISIS III.

§. *Theseos istius magnam partem resecuit &c. quia ad controversiam institutam ne-
tquam pertineret &c.)* Sunt & alia, quæ quia ad causam principalem parum facerent, decorè omitti potuissent; nisi zelus causæ alearis morbum criticum concitasset.

§ 1. *Sortes divisorie à consultoriis parum commode distinguuntur &c.)* Novimus pro varia vocis acceptione distingui & non distingui posse; & verbis proximè sequentibus (quæ censor resecuit) hoc indicabamus; & jam ante nos *Zwarez lib. 2. de religione cap. 12. & Malderus ad 22. tract. 10. cap. 7. dub. 9.* tale quid monuerant qui hoc ostendunt in casibus sortitionis, ab Augustino propositis, scilicet, quinam ex ministris tempore perfectionis discedere aut fugere debeant, uter ex pau-

pauperibus juvandus sit; Mittuntur enim fortes (ut recte Malderus) *non ut sciatur quid agendum, sed cum constet quid agendum, ut discernatur, à quo potius agendum sit.* De quibusdam ergo consultoriis licitis scil. & ordinariis, facile colligi potest, aut eas coincidere cum divinatoriis aut tanquam speciem ad genus divinatoriæ reduci. Alioquin consultoriæ licitæ extraordinario instinctu divino, & illicitæ ex præsumptione & vacuâ observatione susceptæ, *consultoriæ* dici & à divinatoriis distingui possunt, eâ ratione, quâ divinatio in divinam, & in diabolicam ac superstitiosam, adoratio in religiosam & superstitiosam distinguitur. Neutra autem ex illis dictis consultoriis propriè est divinatoria, sed potius ad *divinatoriam* reducenda esset. Confectarium tertium huic thesi subjectum aliquâ etiam ex parte mentem nostram prodit. Quod ad vulgatam divisionem Casuistis ex Thoma & scholasticis usitaram, nos eam initio secundæ thesios historicè tantum retulimus nec improbantes nec approbantes, quod cum Casuistis Pontificiis nobis res esset, & contra indulgentem ipsorum opinionem determinandum. Nihil ergo examen vulgatæ & ex Casuistis à me relatæ divisionis ad præsentem contro-

ver.

versam à censore mihi motam. Potuisset ergo tempori & charitæ parere. Ut autem lector integrum thesios meæ contextum perspicere possit, prout anno 1636 primum & postea anno 1659 in secunda editione cum 3. parte select. dispp. eum exhibui, supplebo hic lacunas: quarum quatuor priores transversis lineolis notatæ; quinta absque lineolâ. 1. lacunam, post *diabolicas*) supple: *Respectu materialis externi seu instrumentorum, circumstantiarum, fiebant enim per globulos, tesseras, chartulas &c. conjiciebantur in sinum, aut urnam, aut hydriam, aut galeam &c. Respectu usus sortientium, sic sortes Prænestinæ, Licæ, Delicæ, Antiatinæ &c. Nos illis omiſſis (de quibus Peucerus libr. cit. Aretius, Martyr in loc. comm. Delrio disquis. Magic. lib. 4. c. 2. qu. 7. nonnulla etiam Rosinus & Demsterus in antiquitatibus.)*

2. Lacunam post *faciendum* supple: *De facto præterito inquiritur Josuæ 7. de futuro inquit seu consultat rex Babylonis Ezech. 21. vers. 21, 22, 3. Lacunam post, non faciunt) supple: Quæ à Toletio aliisque adferuntur ex Augustino epist. 180. ad Honoratum & de doctr. Christian. lib. 1. c. 28. de sortitione faciendâ inter ecclesiæ ministros & inter pauperes, ad divisorias sortes referri*

referri possunt, ut cum Zwarezio etiam observat Malderus. Hæret ergo aqua Pontificiis, qui cum consultorias tanquam absolute malas nobiscum condemnarunt (sic Malderus), tamen ad palliandam suorum superstitionem, tandem excipiunt adversus hanc suam doctrinam: ut Delr. l. c. & Cor. à lapide in Act. 1. Laudat Franciscum Assisum sortito captantem sententias scripturæ primò in euangelio occurrentes, easque capeissentem pro regulâ vitæ, ut refert Bonaventura in ejus vitâ. Hæc si lectori exhibita fuissent, vidisset supervacaneam & quæsitam fuisse censoris nostri crisin. 4. Lacuna post, *vel implicitam*) supple; Longè latequæ hæc sortes olim vagatæ sunt: de formis & ritibus earum videri potest eruditissimum opus Peuceri de divinationibus, & Arerii problemata; post quos & ex quibus, ni fallor, non pauca annotavit Delrio disq. Mag. lib. 4. c. 2. qu. 7. Demsterus in paralip. ad lib. 2. antiquit. c. 7. Vide & Alciatum parerg. lib. 5. c. 22. peculiariter de sortibus, in oraculis adhibitis. & JCC. ad l. de Maleficis & Mathem. & Canonistas ad caus. 26. qu. 2. c. sortes. 4. Lacuna post *superstitione*) supple: inter alios à Sirenio de fato lib. 2. c. 38. Lessio de superstit. (corrigere, de Justit. & jure) lib. 2. c. 43. dub. 9. &

9. *ſc Scholaſticis ad Thomæ 22. qu. 95. art. 8. Delrio loc. cit. Quamvis hic poſtremus non omnia ita expugnet, quin conniveat ad quasdam ſortes, immo eaſ tueatur, in gratiam ſcil. Romanæ eccleſiæ, quæ illis ſuperſtitionibus non paucis etiamnum inquinata eſt, ſc olim vehementer ſe polluit. Nec tamen veretur more infamium ſcrtorum innocentiffimæ famæ doctiſſimi Peuceri loc. cit. quaſi aliud agens labem aliquam aſpergere, ac ſi ille alicujus feciſſet ſortes divinatorias. Papatus crimina vide à nobis detecta Deſper cauſ. Papatus lib. 1. ſect. 4. pag. 34. Hodie etiamnum apud Gentiles in Japonia ſortes divinatorias admodum frequentatas teſtatur Xaverius epiſtol. lib. 3. epiſt. 5. Reſtant quatuor conſectaria theſi ſubjecta, quæ cum cenſore hic præterimus; quod excepto tertio nihil contineant, quod à cenſore admordeatur, aut præſentem controverſiam tangat.*

§ 2. *Male ſortes conſultoriæ ſc) Batologia. Quid enim differunt illa, parum commodè diſtinguuntur, ab iſtis male conſultoriæ ſc. diſſeſcuntur. Præcedenti paragrapho de hoc ſatis dictum.*

§ 3. *Divinatoriæ ad futurorum ſc. cum latius multo pateant &c.) Ego vulgatam diſiſionem ex Thomâ, & Caſuiſtis retuli*

saltem, & præsupposui, ad limam criticam non revocavi: quia non faciebat ad controversum abusum sortium, quem thesi proximè sequenti perstringo.

§, *Quod de Hieronymo dicitur, omnem usum sortium &c.*) Resp. 1. cum dico *videri*, debuisset censorium suum pruritum temperare; saltem abstinere tum ab acerbis obrectationibus de commissione *crimini falsi*, tum ab iniquis calumniis. Nec primus nec solus ego sum, qui non sine justâ suspitione & probabili conjecturâ *videri* de Hieronymo pronuntiavi. Lector perpendat hæc verba Hieronymi: *Nunquam sorte autorem naufragii quærerent, & per rem incertam, certum cuperent evitare discrimen. Nec statim debemus sub hoc exemplo sortibus credere: vel illud de actibus apostolorum huic testimonio copulare: ubi sorte in apostolatum Mathias eligitur: cum privilegia singulorum non possint legem facere communem.* An Hieronymus hic tantum vetat exemplo nautarum Jonæ 1. & Apostolorum *Actor.* 1. sortibus credere, neutiquam vero vetat exemplo eodem sortibus uti? Cum Mathias sorte eligatur & hoc nobis negat imitandum, nullumque hic aut alibi addit exceptionem aut limitationem, an non tacitè omnem vul-

vulgarem usum fortis, etiam divisoriae, removere videtur? Quâ quæso criticâ subtilitate, hoc nobis extorquebit, Hieronymi mentem, ante nos, ita accepit *Martyr in 1. Sam 10. Et Aretius in problem. part. 1. loco 67.* Nec video cur ab illis discedam; sed parum de futile hac censura laborandum. Majus est, quod piis & orthodoxis aleæ patrociniū cum ipso non suscipientibus, calumniosè impingit: *Jubent, inquit, isti* (fortibus scilicet credere, sub exemplo nautarum), *qui à peculiari ac immediata Dei providentiâ eventum earum expectandum docent.* Nec uti fortibus, nec iisdem credere jubent, sub exemplo nautarum, non magis quam sub exemplis Cajaphæ, Pharaonis, Nebucadnezaris (quæ ibidem ab Hieronymo adducuntur) divinare, aut divinationibus credere? Sed jubent in communibus & à Deo concessis fortitionibus (quarum conditiones infra explicantur) à peculiari ac immediatâ Dei providentiâ eventum earum expectare: non à Deâ fortunâ non à Deo casu, non à numine contingentiae, non à cœlo, non à dæmonibus. Quod autem testimonio *Hugonis* revera (uti encomiasticè loquitur) *Cardinalis* probat ex hoc exemplo non esse credendum aut utendum fortibus, nos minime tangit. Ne-

que enim statuimus in tali casu & eo fine, quo nautæ, sorte utendum. Si quis è nostris theologis primæ summæque notæ (quem non nominat) ita philosophatus sit, in mentem ejus nunc non inquirimus. Interim audiatur idem, quem verè Cardinalem salutatur, (quod scil. laciniam velamento aleæ Helenæ aptasse putetur) in *commentar.* „ad Lucæ 13. Rectè autem nomine sortis „ gratia Dei significatur. Sicut enim fors de „ communi consensu mittitur, & super u- „ num tantum cadit, omnibus tamen sati- „ facit &c. & sicut fors nemini favet pro di- „ gnitate vel personatu, vel primatu, sed „ occulto Dei judicio (Nota), non meritis „ personæ cadit, sic gratia Dei &c. Johann. „ 3. *spiritus quo vult spirat* &c. Proverb. „ 10. *sortes mittuntur* &c. Ecclesiastic. 14. *In divisione sortis* &c. Verè Cardinalem, quo sensu Hugonem Carensem dixerit, non immeritò disquiri posset. Hoc certum est, eum fuisse ex cardinibus terræ, qui Papæ Innocentii 4. tyrannidem sustentavit & contra Imperatorem Fridericum ad electores Germaniæ missus fuit procuratum, ut excommunicato Friderico alium Imperatorem substituerent. De quo vide *Possevinum* & *Sixtum Senensem*, coll. cum *Plessei mysterio iniquitatis*. Sit ergo & hac in parte

parte alearum patronis verè Cardinalia.

S. *Quod ad conditiones illas attinet &c. prima est non necessaria &c.) Resp.* Immo maximè necessariam cum Zanchio, Riveto, aliisque infra cit. affirmamus; quia ubi lumen rectæ rationis, aut scripturæ, concomitante Dei spiritu, viam ostendant, quâ in rebus dividendis eundum, fors advocanda non est; ad præveniendam aut sopiendam contentionem Alioquin omne iudicium tum simplex tum jurisdictionis circa rerum divisionem, omnis *χειροτονια* & electio circa munera politica & ecclesiastica, absolutè abjicienda esset, & solæ sortes perpetuò adhibendæ, in quarum casu ac eventu nec ratio, nec ingenium, nec ars, nec industria humana locum habent. Hoc esset hominem facere *ἀεργον* & *ἀπράγμονα*; & quasi truncum aut statuam Dædaleam: cujus opera in divisionibus & electionibus nec laudem nec vituperium mereretur, quippe rationis, iudicii, & voluntatis expers. *Secunda* inquit, *superstitiosa) Resp.* Quod theologis nostris Luthero, Danæo, Zanchio, Junio, Riveto, Tileno &c. (quorum verba infra exhibemus) est religio, tibi est superstitio. Quare, quia *ἀντὶς ἔφη*, quia ex propriâ affirmatione, aut nudâ negatione defendit, absque minimâ

rationis umbrâ. Pari facilitate superstitionis appellare potuisset, quidquid à vanitatibus hujus sæculi abhorret, quidquid *μὲν φωνὴν εὐσεβείας*, & civilem honestatem transcendit. Si superstitionem definivisset, & huic verè fidelium ac piorum sensui & praxi applicasset, responsum habuisset. *Tertia*, inquit, *secundæ contradictoria*) *Resp.* Vah nugamentum! Ubi secunda conditio postulat superstitionem. An religio tibi superstitio est? Tantundem facit, ac si Anabaptistæ juramenti religionem, quam nostri ex verbo Dei asserunt, superstitionem appellarent? Vide infra quid theologi citati de religiosâ fortis tractatione ex verbo Dei prædiciant. *Quarta*, inquit, *ex parte alterâ* (*quam quintam forsitan voluit, alioquin numerum senarium quæ conficiat, una deerit*) *supervacanea*.] *Resp.* Per parenthesis rectè conjicit, partem posteriorem quartæ, esse quintam conditionem. Hoc ergo concesso, manet quarta conditio his verbis expressa: *ut materia fortis sit res justa & licita*. Cum enim super bono morali ad quod obligamur, omittendo aut malo morali committendo non possit sortitio fieri, relinquitur rem debere esse licitam, *Quintam* ait *esse supervacaneam*] *Resp.* Salva nobis res est, si modo falsa aut absurda

da non sit. Ea autem est, ut sit *res seria*
& alicujus momenti. Neque enim in rebus
 quotidianis & leviculis, quamvis non il-
 licitis, ilico ad sortes confugiendum est:
 sicuti in nocibus inter infantes dividendis,
 in portionibus & poculis à patre familias
 inter commensales suos distribuendis &c.
 Rectè *Amesius lib. 4. Casuum cap. 23.*
Causa justa sortis divisorie est, cum nulla
alia ratio occurrit grave aliquod incommo-
dum vitandi. Gravitas autem incommodi
aliquando pendet ex gravitate rei ipsius &c.
Pendet autem sæpe ex hominum affectu &c.
 Et hoc monere supervacaneum non est.
Sexta, inquit, heterogenea est: quia ad eam
sortis speciem pertinet, quam ex se illicita
ipse autor pronuntiat. Resp. Crisis
λίαν ἀκαθάρτη, si non inepta. Pingam simi-
 lem crisis, Ineptiens quis conditiones le-
 gitimæ precationis (*quæst. 117. catechesios*
nostræ) dicat esse heterogeneas: quia ab
 alio quo petere quam à Deo, in alterius
 nomine quam Christi, ad eam speciem pre-
 cationis pertinent, quam, *catechesis ipsa*
(quæst. 94.) & omnes orthodoxi cum illa
 ex se illicitam esse pronuntiant. Similis
 bellula crisis exerceri posset circa condi-
 tiones legitimi juramenti *quæst. 101. & 102.*
 Conferat lector, cui vacat, *Zanchium de di-*

C 4
vina.

vinatione pag. 87. 96. Ubi has sortitionis condiciones exponit & probat.

5. *Qua ille ratione sortes consultorias absolute illicitas esse statuit* &c. eadem plane de divisoriiis quibusque censura parilis &c. Hoc enim futurum credere præsumptionis est: cum Deus sortibus eo modo affuturum se &c.) *Resp.*) Non præsumptio est, sed devotio credere verbo Dei Proverb. 16. vers. 33. à domino omne iudicium &c. Et si juxta verbum Dei Proverb. 18. 18. ad evitandam aut sopiendam contentionem, legitime utor sorte; quidni divinitus promissum mihi credam, eventum fore Deo gloriosum, mihi salutarem, quamvis hoc aut illo particulari respectu adversum. Rom. 8. vers. 28. Reliqua quæ attexit, merus verborum tinnitus, mera petitio quæstionis, absque testimoniis, rationibus, elenchis.

G I S B. V O R T I I.

3. *Controversia Capitalis est de Sortibus Iudicris, an illæ scilicet ad licitas divisorias sint reducendæ. Pontificii vulgò affirmant. Sic enim Corn. à Lapide in commentar. ad Jonæ 1. Huc spectat, inquit, contractus sortium, qualis est in lusu alexæ. Delrio lib. 4. c. 4. Toletus lib. 5. c. 27. Balduinus in casib. l. 4. c. 4. casu 10. Probat u-*
sum

sum aleæ & chartarum, cum sit non lucri, sed animi causâ, &c. Ex nostris, Theologus Anglicus Gattakerus peculiari tractatu Sortes ludricas defendit tanquam ex se non malas: cujus rationes popularis ipsius Jacobus Balmfordus in tractatu peculiari oppugnavit. Nos cum Danæo, cujus tractatus de hac controversia extat, & cum nostro Prædico eximio Joh. Taffino libr. de emendatione vitæ, omnibusque, ni fallor, Theologis, Gallis, Belgis, plerisque Anglicis & Scotis, immodò omnibus fere reformatis, statuimus, lusus illos, non tantum propter injustum lucrum & proximi expilationem, sed etiam ex se & suâ naturâ, propter abusum sortis, esse illicitos.

THOM. GATAKERI.

I. Sicut Jacobus Balmfordus Gatakeri illius rationes oppugnavit: ita Gatakerus idem Balmfordi tractatum illum scripto peculiari refutavit. Quin & Gattakerus idem, quod auctor iste ignorare non potuit, non Balmfordi solius, sed illorum quoque quos is hic nominat, aliorumque insuper (quot quot videre contigerit) qui ex parte ista steterant, rationibus in *Tractatu* illo cujus hic meminit, respondit, quarum ille quasdam, tanquam *cramben* toties *recoctam*, denuò

C 5

reponit;

reponit; nec adducit quicquam, quo Gatakeri illius vel responsa tollantur, vel pro parte adversa rationes allatæ elidantur. Quod si D. Voetio animus fuerit, vel D. Balmfordi *ὑπεργρατιστὴν* agere, vel, si illo sælicius rem gesturum sese confidit, vires proprias experiri, in Gatakeri *Tractatu* illo *oppugnando*, quod haud difficile fuerit homini, qui tam numerosum agmen antiquitatis totius Pontificum, Principum, Theologorum, Politicorum in aciem producere, horumque omnium armis instructus ad pugnam procedere potuerit, intelliget forsan, quod infelix olim Rex ille, nondum omnium dierum Soles occidisse, nec tanto strepitu fremituque ita nos exanimatos, qui tueri nostra & velimus & forsan etiam valeamus.

2. Fidenter nimis pollicetur iste sibi tam latè patentem *Theologorum, Belgarum, Gallorum omnium, Anglorum Scotorumque plurimorum* consensum. Unde enim, ut de *Belgis Gallisque* nihil dicam, homini extraneo innotescere potest, quid nostrorum plerique hac de re sentiant Theologi? Quotus enim quisque è nostris est, qui in publicum quicquam omninò edat, si cum eis conferantur, qui nihil unquam ediderunt? Tum quam pauci ex eis, qui sua evulgarunt, in argumento isto versati sunt? Certe

ex eis, quibus ipse familiariter utor, Theologis (ut de aliis nihil dicam , qui per eos vel *Tractatus* illius edendi suafores erant, vel jam editum probare se professi sunt) multo majorem partem mecum sentire novi. Cæterum quam variè hîc senserint qui controversiam istam tractarunt , Protestantes quos dicimus , indicavi latius , in *Tract. de Sortib. c. 6 §. 3. & adv. Balmfordi præfat. §. 10. p. 23, 24.* Danæus , quem laudat iste , & quocum sentire sese Tassinus , prout & ipse hîc , profitetur , ludos mixtos , quî partim industriâ , partim casu nituntur , non damnat. *Non sunt* , inquit , *prohibendi.* de aleâ c. 6. sed nec Petrus Martyr. *Concedi possunt* ; inquit , ad Judic. c. 14. Assentuntur è nostris , quem primo loco officii debiti ratione pro majestatis fastigio colloco , Serenissimus regumque quos ætas Christiana ulla tulisse memoratur literatissimus Rex *Jacobus* (cui inter scriptores Theologos scripta Theologo quovis digna nomen jure merito vendicant) *doni regi l. 3.* Tum viri clarissimi , *Joannes Regius* Episcopus Londinensis in *Jornæ cap. 1.* *Gervasius Babbingtonus* Episc. Vigorniensis in *Mandat 8.* Et Guilielmus Perkinsus in *casib. conscient. l. 3. c. 4. §. 3. q. 2.* quod & autor iste fateatur *Thesi 4. casu 3.* *Joannes* item *Dunæus*,

& *maxime* magni illius Juelli ex sorore ne-
 pos, vir gravitatis verendæ vitæque inte-
 gerrimæ, Theologus acutissimus pariter
 atque solidissimus apud Cantabrigienses
 suos semper habitus, Sortis usum ludicrum
 adversus innominatum quendam scripto
 peculiari tutatus est. Ipse denique Calvi-
 nus (Gallus, opinor, & Ecclesiarum, dum
 vixerat, Gallicarum os & oraculum) *epi-
 stol.* 374. *Alæ, & chartas quas vocant,*
*— non à nobis ita damnarentur, si in eo-
 rum lusu, quod licet, locum haberet, quod*
 Autoris istius Thesi isti ex diametro adver-
 satur. Cæterum ista de conspiratione tam
 amplâ ad odium tantum & invidiam con-
 flandum, & præjudicium faciendum, præ-
 sumptionibus incertis statuminata ogge-
 runtur: quod ab eis solet fieri, qui causæ
 per se nutantis firmoque parum tubicine
 suffultæ patrocinium susceperunt: Rationes
 audiamus, & quod olim Augustinus ad
 Maximinum *l. 3. c. 14.* *Nec ego Dunæum*
aut Calvinum, nec tu debes Danæum aut
*aliū quempiam, tanquam præjudicatu-
 rus proferre, Scripturarum autoritatibus,*
*testibus, res cum re, causa cum causa, ra-
 tio cum ratione concertet.*

ANACRISIS IV.

§. Sicut Jac. Balmfordus &c. Quin & &c.
 quod

quod autor iste ignorare non potuit, non Balmfordi solius, sed illorum &c) Præsupponit me eristica illa scripta pro ludis aleæ, & similibus tunc temporis legisse, expendisse. Quod non memini, Balmfordi libellum Anno 1623. editum in 8. benè memini me tunc legisse, & ex eo didicisse ac retulisse scriptum quod à Th. Gattihak, pro ludis sortium dialogo Balmfordi oppositum, cuius rationes & exceptiones Balmfordus dicto libello oppugnat. Potui ergo ista tunc ignorare, prout usque ad illud tempus ignoravi, & quidem absque ulla culpa. Neque enim semper tenentur Theologi assertionem quam aut thesin orthodoxam publico examini in Academicis exercitiis subjecturi, omnes libros & libellos polemicos de illa quæstione scriptos prius legisse, relegisse, examinasse: ne quidem, cum autorum sive veterum, sive recentium oppositam sententiam tenentium historicè solummodo aut *ἐν παρόδῳ* meminerunt. Nōrunt hoc illi, qui theses, consēctaria, corollaria, epimetra, contra Pontificios, Judæos, Neo-Arrianos, Anabaptistas &c. in Academiis unquam proposuerunt, aut proposita viderunt. Sed instet quis, Non debere sententias refutari, nisi ipse omnes libros propriis oculis legeris, & accuratè

exponderis. De refutatione speciali & in forma concedo, de generali nego. Videantur *dispp. syntagmatis Tileni*, & *Ant. Thysii in synopsi Leidenfi*, *Diestii Enchiridion*, & similes collectiones thesium quamplurimæ. Ego indicatis autoribus aliquot utriusque partis, dixi me cum posterioribus sentire, & rationes aliquot subjeci. Neminem ex adversariis in forma refutavi, nec refutare intendi, nedum ut de refutando Gattakero, vel per somnium tunc cogitaverim: tantum veram meo iudicio sententiam proposui, opponentium rationes & exceptiones in ipsa disputatione excepturus. Omnium tamen adversantium sententias, per consequentiam rejectas, & fontes solutionum à me suppeditatos fateor: cum rectum, recte Philosopho, sit index sui & obliqui. Rursum instet quis, frustra ergo à me nominatum Gattakerum: repono non frustra, ut scirent studiosi esse communem saltem communiorem hanc nostrorum sententiam, non ita tamen catholicam, quasi nullus dissentiret; & ut præveniamus Pontificios Casuistas, ob concessos ludos alexæ à nobis notatos, qui more suo facile retaliarent, *ut Tecum habita, & non vides mantice quod intergo est*. Ita Theologi nostri disputaturi de mendacio, candidè profitebantur, esse

unum

unum atque alterum inter nostros, qui mendacia officiosa non condemnant, aut de iis dubitant. Vide *Gomarum in epist. ad Colossenses append. de mendacio*, ubi indicat *Bucerum*: & *Davenantium ad c. 3. v. 9.* ubi *Cassianum* & fide *Hieronymi Origenem*. *Beza de repud. & divortijs pag. 257.* (edit. in 8.) indicat *Bucerum*; à quo in hoc argumento cogeatur in multis dissentire. *Prideaux lect. 11. de Antichristo §. 4.* & in fine, *imprimis lect. 12. 13.* & *oratione 6. § 6.* notat nostros Theologos dissentientes.

§. Quarum ille quasdam tanquam *cramben recoctam* denuo reponit) Theologi quotidie in suis concionibus, lectionibus, thesibus Academicis, locis communibus, aliisque libris rationes aliquas reponunt, & usque ad finem mundi reposiri sunt, pro Christi Deitate, incarnatione, unione personali, pro Dei immensitate, omniscientia, omnipotentia, decreto, providentia, creatione, pro peccato originali, justificatione peccatoris, resurrectione, juramento, sabbatho, magistratu, conjugio &c. Si quis vetera illa & bene dicta tanquam *cramben toties recoctam* fastidiat, & ad nova atque indicta anhelet, nos tamen veritatem emere statuimus non vendere, & viæ veritatis tri-

12

tæ tanquam turæ insistere; eosque solutionum fontes suppeditare ex quibus mediocriter in rebus illis versatus, quævis repetita sophismata facili negotio diluere possit.

§. *Nec adducit quidquam, quo Gattakeri responsa tollantur, &c.*) Ne per somnium quidem cogitabam, neque vel verbulo ibidem indicabam, me librum aut tractatum elementicum de illa quæstione ex professo scripturum, nedum ut libros Gattakeri & Balmfordi conferendos; atque examinandos, illius rationes refutandas, hujus defendendas tunc sumserim; à quo ratio disputationis pro more Academico pauculis pagellis propositæ abhorrebat. Sufficiebat mihi utriusque sententiæ autores aliquot indicare; pro ludo alexæ Corn. à Lapide, Delrio, Toletum, ex Pontificiis; Balduinum ex Lutheranis; Gattakerum ex reformatis. Addebam postremi rationes oppugnatas à Balmfordo. Quid verius, quid innocentius hâc relatione? Non dixi expugnatas, delumbatas, triumphatas, aut simile quid. Nihil minus Sententiæ illi quam tenent Danæus, & Tassinus cum omnibus ferè reformatis Theologis (ni fallor,) aiebam me assentiri. An hâc simplici & ingenuâ professione sine cujusquam injuriâ aut præjudicio tantopere peccatum est, ut publico libello

libello non sine purpurisso satyrico perstringi debuerim? Quam justè occasionem quaesiverit vir eruditus me tam pompaticè ad certamen provocandi, & tot satyricis dictariis chartas conscribillandi, judicent æqui lectores. Saltem cavillus ille de tam *numero* *agmine antiquitatis* &c. huic præsentī negotio importunè intruditur; ubi agmina in aciem nec produco, nec explico. nec ostento. Autores aliquos ὁμοψύχους in hac, & similibus casibus, seu quaestionibus moralibus indicare soleo, tum ut Pontificios domesticis veritatis testibus commoveam, aut confundam, tum ut viris de hoc sæculo propria sua contra fideles monitores plerumque tanquam ἰδιογράμους, & nimis insolitæque ἀκρίβειας zelotas excipientibus occurrā. Extra hanc necessitatem, non videbant lectores concionum mearum vernaculo sermone editarum aut edendarum, margines latinis & græcis sententiis, & omnis generis scriptoribus, præsertim Gentilibus repletas. Sed sarcasmos istos unā cum puerilibus provocationibus & insultationibus, non tam ex ira aut odio in me, qui ne minimā specie eum unquam læsi, quam ex nimii zeli pro alea fermentatione, profectos arbitror.

S. Quod si Domino Voetio animus fuerit,
 &c.

cuisse videantur, quamvis dicendo nihil dicant, quod satis superque profligatum & protritum non sit. Ne huic quidem censuræ amplificationibus, & ἀπεροδιότητις vitilificationibus fartæ καὶ πῶδας respondissem, nisi importuna novæ editionis autorum πειρημα huc me adegisset. De quo supra in præfatiunculâ.

§ *Fidenter nimis* [Ec] Consensum Theologorum sive antiquorum, sive recentiorum, inter eos Anglorum, quamvis extraneus sim, exemplo omnium Theologorum controversias tractantium, ex libris editis metiri soleo. Omnium concionatorum in Anglia, Scotiâ, Gallia, Germania, Belgio, Helvetia, Polonia, Hungaria, Transsylvania mentem scrutati non sunt, nec scrutari debuerunt. Rivetus & Garassolius, cum consensum Theologorum advocant pro imputatione peccati Adamici, & ille pro sabbatho ante lapsum, scriptores complures in Belgio pro prædestinatione & gratia Dei, imprimis in secunda contra-remonstrantia, aliique Theologi passim pro aliis assertionibus suis, intra autores scriptis notos se continent. Adeò, ut insolens planè sit quærere: *Unde homini extraneo innotescere potest, quid nostrorum plerique hæc de re sentiant? Quotus enim quisque nostrum est, qui in publicum*

blicum quidquam omnino edat &c. Atqui Perkinsus minimè extraneus *lib. 3. Casuum cap. 4. sect. 9.* mihi præiverat: *Ludi*, inquit, *hi in quibus dominatur casus & temeritas Theologorum omnium saniorum unanimi consensu damnantur & pag. 267.* Ob has causas concors doctiorum Theologorum sententia ludos hosce tanquam illicitos improbat & damnat. Intelligit ergò Theólogos reformatos, Anglos scil. Gallos, Germanos, &c. Quod ad Anglos Theologos, censor dicit ex iis, quibus familiariter utitur, majorem partem secum sentire. Atqui ego loquebar, non de tacentibus, sed de loquentibus, seu scribentibus; quos tanquam mutos magistros consulere poteram. Qui autem & quam multi illi sint familiares ipsius, non indicat, ut statuire possimus, quot & quales sint, qui ipsi suffragentur. Certe, si Perkinso fides adhibenda, doctiores & saniores Theologi tunc aliter judicabant; ac illi sive plures sive pauci, sive obscuri, sive celebres, ad quos anno 1638. in tam miseranda reformatę religionis, pietatis, disciplinę in ecclesiis Anglicanis *παραμυση*, immo & corruptione, in tantā Bileamitarum frequentia ac licentia, provocat Gattakerus. De quo me quamvis extraneum historiarum in Scotia, & Anglia gestarum, Laden-
sium

ſum *Αυτοκατάκρισις*, aliiſque libri quamplurimi Anglicè ſcripti, omnes inſuper literatos in Europa, qui Anglica non attingunt, unus *Honorii Reggii commentarius de ſtatu eccleſiæ Britannicæ* hodierno, abundè informare poterit? Ne quid dicam de anonymi hiſtoria rerum nuper in Scotia geſtarum, latinè in 8. *Balmfordus libelli* ſui anno 1623. editi pag. 28. affirmat ſe a multis eruditis miniſtris incitatum eſſe, ut cauſam ſuam, atque unà Martyris, Zwinglii, Cartwrighti, Danæi, Perkinſi, Fenneri &c. tueretur. Qui idem pag. 21. exhibet epiſtolam Eduardi Eltoni ad lectorem, quā ſententiæ illius deſenſionem approbat. Sed ex Theologis & ſcriptoribus Anglis opponitur Sereniſſ. & Literatiſſ. Rex Jacobus, in dono regio lib. 3. & duo Epilcopi Babingtonus, & Joh. Regius, Perkinſus itidem & Dunæus, qui ſortis uſum ludicrum peculiari libello tutatus eſt. Quod ad regem, fatemur illum, & illud, & alia nonnulla libro illi inſpargere, quæ mater ipſius eccleſia Scotica, in qua & à qua in vera religione educatus erat, juxta cum aliis eccleſiis reformatis, per omnia non probaret. Conſecratur regis præfatio monitoria apologiæ pro juramento fidelitatis præmiſſa; colloquium in aula Hamptonienſi; adhuc geſta in ſynodo

nodo Perthana anno 1618. proclamatio de sabbatho anno 1618. 24. Maii. Quidquid sit, cogiter Regis auctoritati hac in parte minime infallibili multò magis quam choro Theologorum, applicari posse verba, quibus præsens §. concluditur. *Cæterum ista de conspiratione tam ampla ad odium tantum & invidiam &c.* Aularum consuetudinem & in istis, & in aliis vanitatibus satis indulgentem, si non instar legis aut privilegii obtinentem, reformata religio vix expurgare potest. Ita à praxi ad theoriam, ab exercitio ad apologiam homines passim prolabi videas. Sed ne ego extraneus his me ingeram, Theologis Anglis & Scotis ad objectam regis auctoritatem respondendi vices relinquo. Babingtoni & Joh. Regii seu Kingi libri nunc ad manum non sunt, quamvis istius olim ex parte legerim. Non mirarer, si viri illi ordini episcoporum tam familiare *πῖ & α* aleam scil. ipsi non planè deposuissent, saltem aperte non oppugnassent. Consuetudo enim quasi altera natura est; & ut difficile est demonachare Monachum, quamvis ad reformatam religionem traductum (uti observat magnus Theologus *Fr. Junius in tract. Gallico c. Charronum*) quidni de quibusdam episcopis quamvis religione reformatis tale quid præsumere, aut saltem dubi,

dubitare liceret? An eruditissimi illi viri ludos illos luserint; & à praxi ad defensionem eorundem devenerint, haud queo dicere. Indubium est sub Papatu praelatorum aleas, luxus, & similes vanitates ac delicias toto orbe cantatas fuisse, An & quomodo zelotæ hierarchiæ episcopalis in Anglia, Scotia, Hibernia de aleâ suspecti fuerint, & hoc gnorismate inter alia à Puritanis distincti, præcipuè jam ab anno 1609. *ex præfatione Amesii ad Puritanismum Anglicanum* Francofurti an. 1610. latinè in officina Aubriana editum in 8o. haud obscurè colligi posset. *Factorum & historiarum singularem camarinam hic non movebo.* Ad Perkinii dignissimi & celeberrimi Theologi testimonium respondeo, cum concessisse lusum chartarum, quod putaret ingenium & artem, non sortem ibi locum habere. Sed in hac facti historia erravit, cum fatetur casum quidem esse in foliorum distributione, non tamen sortem. Contrarium docent nos, ludi illius consecranei, qui distributione chartarum, bonum aut malum, felicem aut infelicem ludum sibi tribuere solent. *Peucerus* thesi 4. nobis citatus, fatetur cognatum aliquod sortitioni habere ludos tessellarum, calculorum, taxillorum, astragalorum. Inter Casuistas Pontificios *Antonius*

ninus, & Sylvestre, *ibid. cit.* insuper Azorius
tom. 3. lib. 5. cap. 24. Basseus in voce *ludus*
Navarrus cap 19. §. 7. ludos chartarum,
 & ad tabulas exserre ad sortes referunt. Ex
 reformatis Theologis J. L. de Baillieu in
tract. gallico de honestis recreationibus an-
 no 1609. apud Portæum edito part. 2. pa-
 gin. 167. Nihilominus, inquit, negari
 „ non potest, quin fors potiores partes hic
 „ oblineat: uti notum est eximiis lusoribus,
 „ qui coguntur victoriam adversario relin-
 „ quere, si jactus chartarum ipsis adverse-
 „ tur, cum quacumque scientia & industria
 „ remedium adferre nequeant. Jam verò, ubi
 „ fors dominatur, & regit eventus, non est
 magna ratio cur ludus talis ob industriam
 excusetur. Quin ipse Perkinsus in hac sua
 „ conjectura, seu dubitatione potius, quam
 determinatione, ex ignorantia facti oborta,
 optimè ex propriis explicari & corrigi po-
 test: Ludi fortuiti definiuntur ab illo, in
 quibus *casus inest*, & nostri respectu nil nisi
cæca & anceps fortuna, ut vulgò loquuntur.
 Proinde illorum genus *τυχαῖος* vel *τυχικὸς* di-
 citur, quia in illis plus valet fors, quam in-
 genium, seu ars. Hujus generis est aleæ ludus,
 item certi quidam tesserarum & foliorum
 ludi. Atqui chartarum distributio est actio
 merè fortuita, ubi hominis ingenium, ars,
 inda-

industria ad eventum nihil facit, nec distributionem huic ludioni prosperam, alteri diversam determinat. Ita ut Perkinsus ibidem negans *actum distributionis quamvis à casu pendentem, victoriæ dubiæ & ancipitis decisionem esse*, additâ hâc limitatione explicari ac corrigi debeat: inde victoriæ decisionem esse ex parte, non in totum, & ut plurimum, non semper. Quæ adhibenda distinctio ex ipsius divisione ludorum in artis, fortunæ, mixtos desumi potest. Mixti tum cum participant de utroque & artis & fortunæ, necessariò posteriori respectu, seu secundum illam partem casuales & fortuiti sunt, & consequenter idem de ipsis quod ad illam partem judicandum, quod de aliis fortuitis. Qui initio vanè aut absurdè loquitur, & postea sapienter usque ad finem sermonis, qui iter capeffens primum aliquamdiu errat, postea tamen in viam rediens iter suum absolvit, qui cum carne incipit, & cum spiritu finit, nemini sermonem insipidum, tanquam sapientem, errorem, tanquam felicitis itineris compendium, carnem tanquam spiritum commendare, & prius tanquam à posteriori transformatum, aut potius tanquam redditum infectum commendare debet. Breviter posterior pars ludi mixti non est semper, nec

potest esse elementum prædominans, nec-
 dum ut sit tota ludi essentia & forma, &
 prius tantum accidens, quod salvo illo ludo
 possit abesse. Ipse Gatrakerus contra Amē-
 sium §. 30. cum eodem concedit ludum ta-
 xillorum & pictarum chartarum sorti ac-
 censendum esse. Perkinsus sic concludit:
*Nihilominus etsi foliorum distributio, &
 ludi illi mixti sortes non sint, multo tamen
 melius & tutius fuerit, ab iis abstinere,
 quam uti; Atque ubi abrogati & aboliti
 sunt, haudquaquam in usum revocari, &
 postliminio restitui debent.* Quid piissimus &
 solidissimus Theologus dixisset, si tanto
 æstu contentionis & chartas & aleas ludicras
 publicis scriptis, & quidem cum indignâ
 obtreptione symmistarum & translatione
 defendi vidisset. Non malè *Carolus Musart*
Jesuita in adolescente Academico part. 3. c. 2.
 §. 4. graviter invehit in aleas, sub ea com-
 prehendi censet pictas chartas, *quas se non
 ferre dicit, parique ferè loco habendas arbi-
 tratur, atque aleas.* Qui ergò Perkinsum ad
 sortes ludicras, quibus ex professo adver-
 satur, obtorto collo trahunt; tantum dem
 faciunt ac illi, qui Zwinglio Pelagianam
 opinionem de salute extra fidem Christi ob-
 tinenda impingunt, cum ille quibusdam
 inter Gentiles salutem tribuerit, quod pu-
 taret

raret illos verâ fide à Deo donatos fuisse. Ubi si in historiâ facti erravit, non tamen sententia Pelagii illi imponenda fuisset, à qua quam maximè alienus erat. Ut hoc ostensum à *Gualtero in apologia Zwinglii operibus præmissâ*. Cum quo conferri potest *Rivetius in psal. 19. Vossius lib. 3. histor. Pelag. part. 3. §. 12.* Et hæcenus de Perkinso: videamus nunc, an Danæus aliique ad partes vocari possint. *Danæus*, inquit censor, *quem laudat iste, & quocum sentire se Tassinus, prout & ipse hic, profitetur, ludos mixtos, qui partim industria partim casu nituntur, non damnat.* Non sunt, inquit, prohibendi, *De aleâ cap. 6. Sed nec Petrus Martyr. Concedi possunt, inquit, ad Judic. c. 14. Assentiuntur è nostris, Rex scilicet Jacobus, Babington, Kingus, Perkinsus, Dunæus, ipse denique Calvinus; qui omnes tanquam sub generali vexillo aleæ, & patrono ejus militantes introducuntur. Calvinus inter alios tanquam exercitus hujus triarius agmen cum hoc insigni claudit. Quod autoris istius thesi ex diametro adversatur.* De Danæo primum respondeo, illum nullo judicio & delectu (absit ut ipsum imitatus malam fidem insonem,) in hanc militiam adscribi, cum ex professo contra aleam peculiari tract. an. 1579. edito clarigaverit.

Lege ibi cap. 5. hæc verba : *Sunt autem ii (ludi scilicet inconcessi , & à nobis rejiciendi) in quibus tota victoriæ ratio pendet ab ipsa alea. Jam vero infiniti pænè ludi hoc genere continentur, imprimis autem chartarum sive foliorum, quæ vocantur, & talorum sive cuborum lusiones, quæ idcirco piis hominibus, sive iis locupletibus, sive tenuis fortunæ, &c. sive belli, sive pacis tempore interdici debebunt. Nam is ludus & eventus, qui alea nominatur, non tantum hominum legibus, sed etiam rationibus, quæ ex sacro-sancto Dei verbo sumuntur, apertiissime damnatur. Galli quidem fere foliorum & talorum nominibus omne aleæ genus in ludo designant, plures tamen vetitæ istius lusionis & aleæ species esse, fuisseque jam olim apud veteres Julius Pollux lib. 8. nomenclat cap. ult. locutenier testatur. Idem cap. 6. & in præfat. vocat hos ludos facinora & scelera. Judicet jam Lector à quâ parte stet Danæus. Sed dices eum cap. 6. distinguere ludos chartarum & talorum, in quibus plus possit honesta animi industria, quam ipse aleæ eventus, adeò ut arte ipsâ corrigatur, quod pessime, contraque votum cecidit. Hi ludi propriè alea dici non debent, nec omnino prohibendi sunt. Repono, Danæum, aut non intelligere eundem illum ludum chartarum*
& a-

& alearum, quem toto tractatu, imprimis *cap. 5.* exterminandum contendit, quemque in Galliâ tam frequentem esse conqueritur: aut eandem intelligere. *Si illud*, jam *παροξύνει*, quod sibi contradiceret, hoc tribuendum esset, non verò principalis ipsius the-
sis & intentio inde tollenda ac pervertenda esset. Aut dicendum, errare eum in facto; quod haud ita mirum, cum ipse ludos illos non exercuerit, nec ab aliis satis informa-
tus fuerit de talibus aleæ & chartarum ludis, in quibus arte corrigi posset, quod pessimè cecidit. Quænam alea illa esset, fateor me ignorare; nec indicat Danæus. In charta-
rum ludo concedo, industriâ & arte aliquan-
do juvari posse per peritum ludionem, cui sortitio chartarum infelicitè ceciderit, & cui cum imperitiori certamen sit: sed hoc est per accidens, & ex rarè contingentibus; cum ut plurimum (quod in practicis redu-
citur ad *τὸ κατὰ φύσιν*) contrarium eveniat, si quis æqualem aut exercitiorum ludio-
nem nactus sit. Vide quæ modo reposui-
mus ad objectum testimonium Perkinsi, qui fortè ex lectione Danæi, distinctionem illam in ludo chartarum (non aleæ) hausit. *Sin illud*, jam causa aleatorum in Danæo ni-
hil præsidii habet: loquitur enim ille de al-
liis, & tu de cæpis. Danæum autem

non intellexisse ludum chartarum apud Gallos usitatum, vel inde constat, quod ex professo integro libello eundem oppugnaverit, eumque exterminari voluerit: utri liquet ex præfatione ipsius, & ejusdem poemate, quod libello illi præmisit. Verba ejus sunt: *Visum est &c. demonstrare, quantum una ea res habeat sceleris & periculi.* Hinc autem non excipi ab eo ludos chartarum in Galliâ, Belgio &c. usitados, colliges ex ejusdem versibus in aleam: *Sed valeant talique vagi, chartæque nocentes; Quæque alia incerto dant plurima damna rotatu.* Adde explicationem Tassini lib. 2. de emendatione vitæ cap. 19. ubi tit. capitis facit, de ludis sortis seu fortunæ, ut chartarum & aleæ: & sect. 6. specialiter applicat chartis. Atqui ille procul dubio mentem Danæi satis perceperat, & ex illo coram audiverat, aut audiisse poterat, qui etiam sect. 7. ad Danæum provocat, & bonam partem suæ dissertationis ex eodem mutuasse se fatetur. Quod ad Martyrem, is loco cit. ad Judic. 14, non tam approbationem, quam conniventiam indicat. Hæc enim ejus verba: *Nec etiam statim damnandus est, si quis dum ægrotat aut debilitatur eo genere ludi se recreet, quod à fortuna vel casu pendeat.* Nam usus sortium, quem unicum

com-

comment. in 1 Sam. 10. & loc. comm. cl. 1. cap. 7. concedit ad ludos nullo modo extendi potest, Dunæum hætenus non novi, nec unquam ejus scripta vidi. Illius libello pro aleâ, quem censura huc advocat, oppono libellum *Dudlei Fenner* eodem idiomate *de recreationibus editum*, reliquosque scriptores infra enumerandos. Accedamus nunc ad testimonium *Calvini* magni sanè Theologi, cujus salubrem in doctrina, moribus, disciplina ἀνεύθυνον utinam omnes alearum, chorearum, luxus in ornatu corporis, & similium vanitatum patroni hodiè imitarentur. Ex illius epist. 374. hæc verba citantur: *Aleæ & chartæ, quas vocant —, non à nobis ita (prorsus, quod omis-
sum est) damnarentur, si in eorum lusu, quod licet, locum haberet.* Quibus fiducialis hinc exprimas aleæ ludum, tanquam in casu conscientiae licitum *Calvino* probari? Nam primo conditionalis, nihil ponit in esse. *Non ita &c. si quod licet, &c.* Nec antecedens, nec consequens affirmat. *Deinde*, in antecedente, non dicit simpliciter, non esse damnandas, aut non damnari: sed, *non à nobis ita (nota) prorsus damnarentur.* Quotidianæ incurvationis peccata; ut verba otiosa, aut iræ, doloris, gaudii &c. subitæ, temerariæ, indecoræ commotiones, ad-

hæc vanitates in cultu corporis, incessu, sermone, &c. non ita semper damnantur, quamvis non probentur. Tolerantia ergò & conniventia circa vana aut otiosa ejusmodi inveterata aut consuetudine alicubi recepta magis locum habent, quam circa alia peccata. Ita ut ad minimum non ita damnentur, ut disciplinæ ecclesiasticæ everriculo unâ cum autoribus ex ecclesiis, præsertim novellis, aut in tali populo, tali rerum statu constitutis, exterminanda statuantur. Calvinî mentem in his & similibus colligimus, ex epistola ad Vatelium Gallo-Monpelgardensis ecclesiæ ministrum, quærentem de variorum ludorum *permissiõne* (ecclesiasticâ & politicâ scil. non approbatione) cui „sic respondet: *Eupio moderationem teneri. Primum ne quæsus &c.* Leges ergò „ferendæ essent (à Magistratu scil.) &c. *quæ „vitia quantum fieri potest, coercerent &c.* *Interea nostræ* (ecclesiasticorum scil.) partes „sunt, animadvertere si quis tempus & se ac „sua consumat, ludendo: neque ferre dissolutam illam licentiam, quæ excommu- „nicatione castiganda est, auctore Paulo, „2 Theßal. 3. Vides, non loqui Calvinum, nec quærere Vatelium de approbatione rei in se spectatæ, an aliquo in casu unquam honestari possit; sed de conniventia, de tolerantia,

lerantia; aut non tolerantia, de adhibendo
 excommunicationis remedio in istâ eccle-
 siâ. Simile in casu tolerantiaë consilium
 suggerit iisdem in epistolâ ad Monpelgar-
 denses (quæ est sub finem libri epistolarum)
 „ De pulsu, inquit, campanarum & diebus
 „ festis ita sentimus, *ferendas* (nota) po-
 „ tius esse vobis has ineptias, quam statio-
 „ nem in quâ estis à domino collocati, de-
 „ ferendam: *modo ne approbetis: modo*
 „ *etiam liberum vobis sit reprehendere, quæ*
 „ *inde sequentur superstitiones: atque in*
 „ *eam rem diligenter incumbatis.* Velim à
 lectore totam Calvini epistolam cit. ad mini-
 stros N. N. (quæ in meâ editione Genevensi
 Anno 1617. in fol. est 339.) percurri: ut de
 mente & scopo Calvini rectius judicare pos-
 sit. Hic saltem exhibeo integrum conte-
 xum de aleâ. Sunt, inquit pag. 470. aliæ
 „ corruptelæ, quæ eò etiam accedunt. A-
 „ leæ enim & quas Chartas vocant, ut ad su-
 „ perstitiones non pertinuerint, sed alio-
 „ rum vitiorum fuerint instrumenta, mul-
 „ tum quoque damni & malorum passim
 „ intulerunt. Ac quod ad istiusmodi lusus
 „ attinet, non ita prorsus à nobis damna-
 „ rentur, si in eorum usu, quod licet, lo-
 „ cum haberet: sed ubinam extat illa so-
 „ brietas? Primum non est aliud uspiam,
 D s „ quod

„ quod ita homines quasi visco impediatur,
 „ adeò ut totos eorum sensus occupet, non
 „ secus ac fascino correptos. Sed quemad-
 „ modum qui illis assueverunt, non ita
 „ possunt illis vale-dicere: ita etiam qui
 „ pedem aliquantum retrulerit, illa omnia
 „ fastidiet. Porro qui sese ita iis rebus de-
 „ dunt, atque ita insanire pergunt, inci-
 „ dunt in multas molestias. Notum est,
 „ vix unquam lusus effluere sine blasphemis,
 „ fraudibus, atque excandescencia:
 „ quot etiam familiæ inde accisæ? Nemo
 „ enim tenet modum, quin sese exhauriat,
 „ aut sensim ipse consumat. Maximè ubi
 „ de lucrando agitur, fieri vix potest, quin
 „ Deus ipse lædatur aliquo modo. Quare
 „ magnoperè expedit ab illis esse alienos,
 „ quantum fieri potest. Optimum verò absti-
 „ nere prorsus. Atque hæc apologia Calvinii
 „ pro aleâ, seu sorte, præsentis pro eâdem con-
 „ tentioni longè dissimilis. Judicet nunc Lector,
 „ quo jure exclamet: *Quod auctoris i-*
stius thesi isti ex diametro adversatur. Con-
 „ fer Calvinum se satis explicantem, a-
 „ nacr. 9.

§. Cæterum ista de conspiratione tam
 „ ampla ad odium (Sc.) Temerarium & ini-
 „ quum censoris judicium. Nullo alio fine.
 „ à me in hac, aliisque similibus quæstioni-
 „ bus

bus practicis consensus antiquorum & re-
 formatorum adduci solet, quam ut vulgares
 hominum mundo & carni hâc in parte in-
 dulgentium exceptiones retundantur. *Qua-*
rum prior: scil. supra alios solus sapi-
 „ tu nimis justus, ἀκριβής; præcisus,
 „ rigidus, severus exactor: tu nescio
 „ quæ peregrina, & nova auribus nostris
 „ infers. *Posterior est:* Hæc tua quidem
 „ sententia: sunt qui aliter sentiunt, non
 „ minus in sacris eruditi ac tu. Utri, aut utris
 „ potius credam? Variant enim Theologo-
 „ rum sententiæ (quamvis pro sequiori parte
 „ unum forrè aut alterum tantum invene-
 „ rint) & consequenter, adhuc sub judicè
 „ lis est; nec à quoquam publicè pro con-
 „ cione aut privatâ institutione ac monito-
 „ ne hic determinandum, & libertati at-
 „ que ἀδιαφορίæ quidquam præjudicandum.
 „ Similes exceptiones quamplurimis erro-
 „ ribus, & vitiis obtendi possent: ex. gr.
 „ usui mendacii, quod unus atque alter ex
 „ antiquis, & *Musculus* ex reformatis (*com-*
ment. in Joh. 8.) licitum facit, *Bucerus*
 „ condemnare non audet, *Albericus Genti-*
lis J. C. Oxoniensis peculiari tractatu de-
 „ fendit. Quæ censor in fine hujus censuræ
 „ rhetoricatur, *de causa per se nutante, &c.*
rationibus audiendis, &c. scripturarum

autoritatibus Ὡς. ad meros atque otiosos λόγους relegamus. Scripturarum autoritates & rationes pro hac Helena in tota censura nullas hactenus invenio. Idem audio conqueri eruditum hyperaspistem Amesii. Nihilne ergò egit. Nihil aliud, quam quod nihil agendo malè egit: methodo malarum causarum patronis (nominatim Socino) usitatâ strenuè negando, quidquid rationum adfertur, aut infirmis exceptionibus admordendo, & quæsitis παρέρχῃς ac περέρχῃς, quasi addito commentario, chartas implendo.

GISB. VOETII.

Rationes nostræ sunt. Primo, quia Sorse ex se est medium explorandi providentiam & judicium divinum. & quia a providentiâ Dei immediatè quasi omne judicium ac eventus Sortium dependet. Proverb. 16. v. 33. Ut ibi exponunt & observant Commentatores. Vide Mercerum, Lavaterum. Corn. à Lapide, & ex Judæis R. Aben Ezram. Atqui irreverentia est per ludum & jocum, ac tantum fallendi temporis causa, Dei sui judicium explorare.

THOM. GATHAKERI.

Liberaliter sanè nobiscum agit Voetius, ad Menonis instar Platonici, Rationes pollicitus, pro una duas suppeditat. Verum una

una probè fundata duabus istis proponderasset.

1. *Sortem esse ex se medium explorandi providentiam & iudicium divinum*; affirmatur, non probatur, quasi *Pythagoricum illud*, Ἀπὸς ἑσῆα, sufficeret. Fuisse extra ordinem aliquando, conceditur; esse negatur. Siquidem *Privilegia singulorum non possunt legem facere communem*; ut rectè hâc ipsâ de re Hieronymus in *Jon. c. 1.* sive ut Hugo *ibidem. Privilegia paucorum communem legem non faciunt.*

2. *A Dei providentiâ immediatâ* (nam quasi illud quid faciat istic ego non assequor, nisi forsan contra se velit, modo quodam nescio quo, non autem propriè loquendo) *omne iudicium & eventum sortium dependere*; nec hoc probatur: & improbat etiam, quem secutus vult videri, Amesius, ab eâ statim rationis ineluctabilis vi depulsus. Neutrum affirmat Solomon, prout fusissimè ostendi *Tract. de Sort. c. 1. § 3.* Neutrum planè eorum quisquam, quos hic advocat, Autorum. Pontificium illum solum, quem penes me non habeo, exceptum velim. de quo etiam suspicionem non immeritò moveat, quod eum Sortes ludieras probare paulo superius relatam est.

Sed reliquos audiamus. Mercerus : *Docet hic versiculus , quædam putari fortuita , quæ tamen à Domino temperentur , regantur , disponantur : itaque ex Domini providentia in omnibus pendendum.* Ergò ne in omnibus immediata Dei providentia intervenit , quia à Dei providentia pendendum in omnibus ? & à lusu ratione res omnes secluxæ consistent , quia divina ad res omnes pertingit providentia ? Quid Lavaterus ? *Hæc gnome primo aspectu levicula videtur. Sed si quis diligenter eam expendat & evolvat , videbit rem maximi momenti continere ; nempe quod universa & singula , illa etiam quæ vulgo temerè accidere putamus , Dei arcana providentiâ gubernantur.* Tum post dissertationem de variis Sortium generibus , concludit tandem : *Colligimus ex hac sententiâ , Primum errare Ethnicos & alios , qui cæcam Fortunam , quam Deum fecerunt , atque casum omnia temerè sursum & deorsum agitare opinantur. — Errant etiam illi , qui magna tantum providentiæ divinæ subji- ciunt. Nihil enim eximi debet à gubernatione Dei ; nam si Sortes non temere jaciuntur , sed à Deo gubernantur , nihil certe est quod Deus non gubernet , etiam illa , quæ nobis fortuita , quæque in mundo . tanquam pe-
lago,*

lago, jactari & fluctuare videntur, id numine reguntur. An non Lavaterus planè Merceri vestigiis insistit? De judicio divino per Sortes explorando, deque immediata, quæ sortes regat, providentiâ, neutrobique apex ullus. Sed in medium prodeat Esdræ filius, ut quid is istic, ad autoris causam quod faciat, eloquatur, audiamus: testimonium ab illo, forsan luculentissimum habituri, qui ideo ad agmen claudendum constitutus videtur. At ille more Rabbinico non insolenter nugatus, versiculum istum cum præcedente sic committit: Quemadmodum Sors in sinum conjicitur, & à Jehova judicium est, quo modo casura sit: sic à nomine (i. numine divino) est, quis dominaturus sit spiritui suo. Quam bellè advocantis causam ista juvent, qui vis viderit. Fide certè meliore versatum oportuit in testimoniis corrogandis.

ANACRISIS V.

§. *Liberaliter sanè nobiscum agit &c. ad Menonis instar &c.] Ubique mycterismos, insultationes, sarcasmos, & similes styli delicias, confectatur, & loco rationum πᾶν atque amplificationes liberaliter promit; an πᾶν pari passu cum iis ambulent, judicent Oratores Christiani. Sed videamus quàm acutè & concinnè punctiunculas illas*

las intulerit. *Rationes*, inquit, *pollicitus*, *pro una duas suppeditat.*

Resp. Si velit duas priores rationes in unam contrahi, per me licet: nihil inde causæ decedet. Vel una solida demonstratio sufficit. Ipsius rethoricationes potius omitti, quam in pauciores contrahi potuissent.

§. *Affirmatur non probatur, quasi Pythagoricum illud &c.* Immo probatur ex *Proverb. 16. & 18.* coll. cum *Afor. 1. & 1. Paralip. 24. v. 5.* Unde hæc necessario colliguntur 1. Homines sorti rem committentes contrahere, & consentire. ut eventu & casu sortis, hoc est, absque arte, industriâ, & iudicii humani determinatione, dubium & controversum determinetur. 2. Illum eventum seu casum sortis esse à providentiâ, & iudicio divino: non verò à cæca fortuna, aut cælo, aut diabolo, aut homine. 3. Contrahentes & sortientes respicere, saltem respicere debere iudicium & providentiam Dei, & ab ea determinationem expectare: sequestratis omni suo iudicio, operâ, arte, industriâ; à qua hoc expectare non poterant. 4. Consequenter expectando inde & non aliunde eventum ac casum, in partem illam, quam Deus voluntate suâ decrevit, sortitionem adhibere,
tanquam

tanquam medium, sortitionem scilicet, ad illum finem; qui est ambigui aut controversi per casum sortis determinatio. An alii centenas quæstiones & conscientiae casus per solidiores & evidentiores consequentias demonstrare poterunt? An verò ex lege novæ methodi, seu *μυσθδείας*, conclusiones absque ratiocinatione & nexu consequentiarum, aut etiam præmissæ cum regulis consequentiarum, expressis scripturæ verbis exhibendæ erunt?

§. *A Dei providentia immediata &c. omne iudicium & eventum sortium dependere, nec hoc probatur &c.*] *Resp.* 1. Omne iudicium & eventum sortium dependere à providentia Dei peculiari & immediata, hætenus probavit consensus Doctorum ex *Proverb. 16 v. 33. Sortis in sinum projicitur.* Hic providentia Dei communis & mediata locum habet: quia hic agit causa secunda, tum moraliter consentiendo, contrahendo, voluntariè decernendo sortitionem: tum physicè, tanquam causa propria particularis, & proxima, sortes projiciendo. *Omne seu totum ejus iudicium à Domino:* hîc sola agit causa prima, & quidem immediatè ac proximè: nulla enim utitur causâ secundâ ad casum ex.gr. in istam partem, & non in alteram; sicut, utitur causâ secundâ ad
con

consensum & decretum de sortitione, & ad physicum motum seu projectionem sortis. Utrobique enim actus ille producitur à causâ secundâ tanquam propriâ & particulari cum & sub causâ primæ præcurso & concursu. Est ergò in consensu & contractu de sortitione, & in actu projectionis sortis providentia Dei mediata. Sed in eventu & casu sortis in hanc aut in illam partem est providentiæ actus immediatus: quia nulla causa secunda intercedit, nec quidquam agit, nec Deus eâ utitur: sicuti in aliis humanis judiciis, electionibus, divisionibus, quorum eventus & determinatio pendet à liberis hominum suffragiis tanquam causâ proximâ, quâ positâ ponitur ablata aufertur. Tyrones cum elementis locorum communium ex modo agendi distinguunt providentiam in mediatam & in immediatam. Vide *Theses Francisci Junii, Parei, Leiden/tes An. 1605. Locos communes Amesii, Tileni, Wendelini, Alstedii, Danæi, Altingii, Scharpii*. Sed dicat quis vocem hanc *providentiæ immediatæ* à civitatis Theologis sic non explicari: cui respondeo, in genere eam sic explicari, ut nolet effectum gubernationis divinæ, ad quem non concurrit medium seu ministerium causæ secundæ. Et ad talem descriptionem,

non

non ineptè reduci putamus eventum & divinam projectæ sortis determinationem ; Et sic dicta nostrorum commode explicari posse : modo absit studium contentionis , & suscepti patrocini alearis præjudicium. Daneus in libello de alea cap. 9. dicit in *sortibus singulare providentiæ Dei argumentum inesse* &c. *Deum tanquam extraordinarium rei gerendæ arbitrum & moderatorem intervenire* &c. Ejus extraordinariam potentiam & providentiam tentari , si sortes leviter proponantur. Alii, sic & Amesius (in Medulla & Casibus) vocat providentiam *specialem , singularem , extraordinariam*. Davenantius comment in Coloss. 1. v. 12. κατ' ἰξοχλῶ vocat divinam providentiam , per quam quid donatur , juxta Proverb. 16. 33. Augustinus de Genesi ad lit. lib. 10. c. 18. itidem κατ' ἰξοχλῶ dicit divinitus dari , quæ sorte dantur, Hugo Cardinalis in Luc. 23. vocat occultum Dei judicium : oppositè scilicet ad judicia & determinationes manifestas, quas Deus per hominum libera suffragia exequitur. Beda in comment. ad Prov. 16. (qui exstant sub nomine Hieronymi,) vocat divinum judicium : quia excluditur hic omne judicium humanum. Quod Ambrosius in comment. ad Luc. 1. 9, extertè excludit : Qui sorte
legitur

legitur, humano iudicio non comprehenditur. Et Augustinus epist. 180. *Melius enim Deus in ejusmodi ambagibus, quam homines, judicant.* Idem in Plal. 30. *In sorte non est electio, sed voluntas Dei.* Fr. Junius comment. in Jonæ 1. decisionem dubii fieri ait, *autoritate Dei per religionem sortis:* & exsertè ibi distinguit à decisione per iudicium humanum. Idem in notis ad suam translationem ex Arabico *Actor.* 1. demonstrat: *nimirum sorte, quæ est à Domino, & sine humano ullo iudicio regitur,* Prov. 16. 33. Perkinsus in Armilla cap. 22. dicit sortes *immediatè à Deo disponi,* Cartwrightus comm. in Proverb. 18. hoc respectu appellat *sortem Dei mundi iudicis quasi vicarium.* Et in cap. 16. per sortem *Deus ipse in iudicio sedet.* Et tamen dicitur stare & esse in iudicio, ubi homines judicant, *Pf.* 82. 2 *Paral.* 19. Episcopus Downamus in tabulis decalogi. dicit in sortitione ad *immediatam Dei providentiam* provocari. Tilenus in syntag. part. 1. cap. 42. eam legitimæ sortis conditionem facit, si eas à *Deo gubernari persuasum habeamus.* Paulo ante dixerat, per eas *divinæ providentiæ experimentum capi.* Deodatus in notis ad Biblia Italica, Prov. 16. 33. Vocat peculiariter *Dei providentiam*, per quam om-
mnem

*mnem eventum sortis dirigit &c. quæ est
tanquam suprema judicis sententia.* Teel-
lingius, & cum eo Theologi Leidenſes &
Franequerani libri Teellingiani approba-
tores, in Neceſſar. Demonſtrat. vocant *pro-
videntiam Dei*. Gloſſa juris canonici ad c.
quod autem 26. qu. 2. vocat *divinum auxi-
lium*. Ex omnibus allatis conſtat, quod
& quo ſenſu autores citati affirmant, imme-
diatum, hoc eſt, ſolum providentiæ diviniæ
actum in caſu ſeu eventu ſortis, & per eum
decifione ac judicio, de rebus dubiis abſque
ullo adhibito aut concurrente judicio aut
conſilio humano. Quod ſi alicui tantus
logomachix & pſendocriticæ amor, ut ne
nunc quidem acquieſcere poſſet, is ergò
apertè antithefin defendendam ſuſcipiar,
„ quæ talis erit: Sors, quod ad caſum &
„ eventum ſuum pendet & procedit à me-
„ diata Dei providentia, agente & deter-
„ minante ibi per cauſas ſecundas, quippe
„ quæ actu ſuo cum actu cauſæ ſecundæ
„ concurrente non minus ac in judiciis hu-
„ manis, effectum illum producant. Quod
„ ſi portentum hoc oſtentare non auſit (uti
„ neminem auſurum confido) deſinat ergo
veritati tam maniſeſtæ & palpabili ultra
obſtrepere. Ut tamen *immediatum* no-
ſtrorum magis intelligant alearum patroni,
velim

velim recordentur, ab *Augustino in ps. 30. Hugone Cardinale in Luc. 13. Primasio, Anselmo, Thoma, Carthusiano, Cajetano, Calvino, Rolloco, Davenantio in Coloss. 1.* hæreditatem vitæ æternæ, quam ex gratia secundum electionem Dei consequimur per sortem metaphoricè designari, quod mediis consilii & meriti humani illius exclusis, à sola gratia nobis obtingat; quomodo eventus sortis ab unica Dei dispositione; sine ullius causæ secundæ interventionu aut operatione. Porro independentia illius eventus ab hominibus, & immediata dependentia à sola Dei providentia ex *Proverb. 16. 33.* communi consensu hætenus probata est: nec video in tota hac censura ullam contra hoc argumentum, exceptionem. Telum unum atque alterum, quod instar Parthi fugientis à tergo jaculari videtur, ita à viro erudito exceptum scio, ut posthac alearum patronos, si sapiant, quieturos arbitrer. Quo præstito, præterimus, quod in *tract. Anglico de sorte cap. 1.* fusissimè se ostendisse gloriatur. Nihil repono, nisi celebratum illud: ἰδὲ πόδες, ἰδὲ πῆδημα.

§. Quasi illud quid faciat istic ego non assequor. Sc. nisi contra se velit. Rursum quæ sita cavillatio & ἀδολοχία. Quidquid zelus

lus & præjudicium aleare assequi nequeant, est tamen vel *φλαδῆλον*, rectè, *quasi*, aut *tantumquam*, aut *suo modo*, aut *certo aliquo respectu* immediatam dici providentiam, comparatè scilicet ad eam, quæ medio ut causâ particulari, propriâ & proximâ ad eventum, & determinationem utitur: quia alioquin absolutè & simpliciter omnis providentia Dei est immediata, quippe quæ operatur in & cum causis secundis immediatè, immeditatione virtutis & suppositi. Sicuti & in omni humano judicio divinæ providentiæ ordinatio agnoscitur: sed non illa peculiaris, quæ sortis eventum immediatè dirigit, & judicium terminat. Sed solus non est censor, qui in Theologiæ accurandis conceptibus, quamvis in aliis eruditus, defecerit: quales, cum ex proprio cerebro dictare & temerè in alios involare occeperint, in ipsa Theologiæ elementa subinde impingere videas.

§. *Et improbat etiam. quem secutus vult videri Amesius &c.* Verba Amesii exhibere debuisset qui Crisi primâ mihi exprobat; quod verba Amesii non citarim; aut saltem locum indicare, ubi Amesius *providentiam immediatam*, sensu meo & autorum modo cit. acceptam improbet. Ego ipsius nimium festinantis, ut scriptoriam illam dieculam combureret, affirmationi non teneor credere.

§ Neu-

§. *Neutrum affirmat Salomo.*] Omne
 judicium & eventum sortium à Deo depen-
 dere , & quidem ab immediato Dei actu,
 liquidò affirmat. De posteriori membro, de
immediato scil. jam dictum est : quia ra-
 tio sortis , quod ad eventum & determina-
 tionem, excludit omne consilium , omnem
 hominum causalitatem , & operationem.
 Homo tantum ex pacto in sinum projicit :
 sed solus Deus disponit & determinat ejus
 casum , ut tale aut tale quid huic adjudi-
 cetur , & alteri abjudicetur. Hoc respectu
 admittimus hic *ad immediatum* : quia me-
 dium omne creaturale , per quod ille even-
 tus , & per illum eventum adjudicatio ali-
 cujus rei produceretur, absolutè hic exclu-
 ditur. *Prius membrum* , de dependentia
 omnis judicii & eventus sortium à Deo, ni-
 mis manifestè à Salomone asseritur , & in
 exemplo *1 Reg. 1.* elucet. Textus origi-
 nalis ab omnibus interpretibus ita accipi-
 tur , & transfertur. *Jun. in edit. postrema :*
autem est à Jehova tota ratio ejus. Dave-
nanti in Coloss. 1. citat & probat Tremel-
 lii versionem : *à Jehova autem est ratio e-*
jus. Quæ ex priori aliqua editione procul
 dubio exhibentur. Leo Judæ in versione
 Tigurina : *At omne judicium earum pendet*
à Domino. Quam Vatablus probat. Ver-
 sionem

sionem Tigurinam, non tantum recudi curavit Vatablus Parisiis Anno 1545. sed & Salmanticenses in Hispania, & Lugdunenses in Galliâ. Munsterus : *Et à Domino est totum judicium ejus.* Castellio : *sed à Jova est totum ejus judicium.* Pagninus & Montanus : *à Domino omne judicium ejus.* Versio Germanica Lutheri : *Über es sellet wie der Herr will.* Cum qua facit antiqua Belgica. Nova vero sic habet. *Het geheel beleyt daer van is van den Heere.* In margine : *aliter, Het geheel oordeel des selven.* Gallica : *Mais tout ce, qui en doit advenir, est de par l'Eternel.* Anglica : *But the whole disposing thereof is of the lord.* Italica Deodati : *Ma dal signore e tutto'l giudicio di essa.* Italica Antonii Brucioli : *pro tutto habet ogni giudicio.* Latina vulgata : *sed à Domino temperantur.* Ubi Joh. Benedictus in margine adscribit : *est totum judicium ejus.* Joh. Mariana in scholiis : *Quod ipsa decernit à Deo est, non temerè accidit.* Corn. à Lapide in comment. *Deus occultâ suâ æquitate eas disponit & temperat, ac cuique suam attribuit.* Ibid. *Significat hoc Salomon, sortes præ reliquis rebus naturalibus certis & definitis subjacere peculiari curæ Dei, Deumque sortes peculiari providentiâ regere & disponere, intra terminos*
E tamen

tamen providentiæ ordinariæ. Ratio est, quia causa prima debet supplere defectum secundarum. Ibid. Fortasse ergo successus & sortium casus peculiariter Deo ejusque providentiæ adscribenda sunt. Ibid. Quare significat hic Salomon in rebus fortuitis recurrendum esse ad Deum, illiusque opem assiduum implorandam, ut ipse eas regat & dirigat ad suam gloriam, nostrumque bonum. Multæ enim res sunt, quæ non nisi sorte transigi queunt, uti sunt divisiones hæreditatum, præmiorum, officiorum, beneficiorum, cum æque digni illa ambiunt. Sic S. Augustinus epist. 180 &c. Atqui hic autor est Pontificius quem censor se non inspexisse fatetur, Cartwrightus in commentar. ad Prov. 16. quin totus noster sit, nullus aleæ patronus negabit. Verba ejus infra anacr. 9. exhibemus. Quidam reliquos auctores à me cit. excipiat §. sequenti expendetur.

§. Neutrum planè eorum quisquam, quos hic advocat autorum &c.] Merceri verbis citatis, sic excipit: Ergone in omnibus immediata Dei providentia intervenit, quia à Dei providentia pendendum in omnibus? & à lusu ratione res omnes seclusæ consistant, quia divina ad res omnes pertingit providentia? Resp. 1, Ut peculiari ratione & imme-

immediato modo operatur divina providentia in dispositione sortium, quas homines jaciunt: ita respicienda est peculiariter ut tali modo operans, & ab ea pendendum, ab ea eventus expectandus, in ejus judicio & determinatione acquiescendum: non ab aut in idolo fortunæ, aut modo quodam metaphysico, qui *contingentia* dicitur, aut diabolo, aut quocumque phantasmate chimærico, aut ente rationis, aut aliquo nihilo, seu non ente: quasi nihil aliquem realem effectum producat & operetur, quem nulla humana potentia & ars operari potest, & quasi ἀορίστου & indeterminatum in se, seipsum aut aliud quid præter se determinare queat. Evolvant aleatores cum patronis suis hæc ænigmata. *Resp. 2.* Merceri verba si non truncasset, haberet lector citatorum genuinam explicationem, & censor nullam exceptionis speciem ostentare potuisset. Lege ergo hæc verba immediate sequentia: *Itaque ex domini providentia in omnibus pendendum: ut si in sortibus pars nobis opima, aut secus evenerit, id acceptum Domino, non casui vel fortunæ cum vulgo feramus. Sortium usus in dividendis hæreditatibus fuit &c.*) Vides jam quomodo specialis quædam seu peculiaris Dei providentia versetur circa sortes divisorias.

& ad eam specialiter sit respiciendum, ab ejus dispensatione pendendum, in ejus determinatione, tanquam immediato divino judicio nobis quid adjudicante, aut abjudicante acquiescendum. Quod cum Mercerus haud obscurè innuat, non video, quomodo sortitio mente illius ad ludos ritè adhiberi queat. Sed instabit forte quis pro censura: In omni ludo licito artis, vel industriæ humanæ, in omnibus negotiis etiam vilissimis & minimis, operatur & spectatur vis atque efficacia providentiæ diviniæ: ideo tamen à ludis, & negotiis illis, non est abstinendum. Replico operari & spectari providentiam Dei in sortibus aliquo peculiari modo; ut ex pacto omne judicium, omnis opera humana quiescat, & soli actui providentiæ diviniæ deferatur judicium de re dubia per dispositionem sortis, & ab illo solo tota controversiæ terminatio suspendatur atque expectetur. Tali speciali modo providentia divina in aliis ludis (extra controversiam licitis) & quibusvis negotiis neutiquam operatur aut spectatur. Non valet ergò consequentia à genere ad speciem affirmatè, quæ ex. gr. sic procederet. Providentia divina quæ communiter circa qualvis actiones naturales & humanas versatur & spectatur, non excludit,

, cludit omnes ludos & jocos : Ergò
 , providentia divina quæ peculiari quâ-
 , dam ratione & modo disponit ac deter-
 , minat in sortitione , & cujus dispositio ,
 , determinatio , judicium peculiariter illis
 , spectatur , expectatur , postulatur , sive
 , explicitè , sive implicite , sive verbis ,
 , sive re ipsâ , ad quod provocatur , & cui
 , totum ac peremptorium judicium defer-
 , tur ; Ergò , inquam , specialis istius-
 , modi providentia , non excludit omnes
 , ludos & jocos. Inconsequens hujus con-
 sequentiæ . cui præsumpta & absurdissima
 censoris deductio ad absurdum innititur , ad
 oculum patebit , si quis ex providentia com-
 munitè in omnibus rebus , etiam levissi-
 mis , operante colligeret : ergò singularis
 seu specialis providentia Dei , quæ opera-
 tur & spectatur in confirmatione veritatis
 per juramentum , in confirmatione verita-
 tis salutaris per verbi & sacramentorum ex-
 ercitia , non excludit ab illis rebus & actio-
 nibus omnes ludos & jocos.

§. *An non Lavaterus planè Merceri Sc.
 de judicio divino per sortes Sc. utrobique a-
 pex nullus.*] In Mercero aliquem esse api-
 cem , vidisset lector , siquidem censori pla-
 cuisset verba illa exhibere , quæ nos sup-
 plevimus , & cum commentar. ejusdem in

*Jonæ 1. conferre : Sors per se mala non est, quippe cum à Domino temperetur, Prov. 16. & ad componendas vel gravissimas lites plurimum valeat, &c. nec enim passim nec temerè sortibus utendum. De Lavatero ergo nihil ultra dicendum esset, quandoquidem judice censore, plane Merceri vestigiis insistit : ita ut qui utrumvis nòrit, ambos noverit. Ex abundanti tamen ostendamus, quam feliciter in autoribus citandis censura versetur. Lavaterus in omni sortitione agnoscit hominum *explorare, investigare, exquirere* : illis enim phrasibus, in tota illa dissertatione utitur : Et res ipsa loquitur, per sortis casum alicujus rei determinationem quæri. Post allatam divisionem sortium in licitas & illicitas, licitis divisiis *inquiri*, dicit, *ad quem pertineat res dividenda, ut hæreditas, præda bello parta, & similia.* Quod postea etiam extendit ad electionem Magistratum ; distributionem provinciarum, pœnarum &c. Habes jam exquiri & explorari aliquid, sed quæres à quo ? respondebo tibi ex sensu totius Christianismi, & Lavateri, à solo Deo ; ab illo enim *eas gubernari*, exsertè docet Lavaterus verbis à censore citatis. Addo immediatè à Deo gubernari quod ad casum sortis, ex sensu Lavateri, & totius Christianismi ;*

Stianismi; qui cœcam fortunam, astra, fatum Stoicorum fatum, duos Deos Manichæorum, atomos Democriti, Æonas Valentini, numeros Pythagoræ, & similia hominum figmenta, diabolum insuper, omnemque humanam artem atque operam hinc excludunt. Aut ex illis aliquod, aut ex aliis indicetur medium, cujus respectu dici posset providentia mediata, aut si hoc fieri nequeat, dicatur providentia immediata. Conferatur *Lavaterus in 1. Paralip. 27. in Proverb. 18. & homil. 38. in Nehemiam infra anacris. 9. cit.* Tantum hic exhibeo verba ipsius ad Proverb 18. vers 18. *Nam homines quantumvis vehementibus ingenis decreto sortis acquiescunt, qualiscunque sit. Pii sciunt sortes divinitus gubernari, atque ex justissima, ac sapientissima Dei voluntate dependere, quid quisque accipiat: illis igitur, quæ sortibus acquiruntur, contenti sunt: Alii quoque non accusant proximum suum, sed fortunam potius.* Quid magis aperte dici posset pro dependentia omnis judicii & eventus sortium à Dei providentia, & quidem sola, hoc est immediata, immediato quodam modo operante ac determinante. Hoc, inquit, pios scire, & in hoc decreto acquiescere. Impios vero, fortunam respicere. A-

leatorum non paucos , quamvis nomine Christianos , ὅμοια πείχεν , vix dubito.

§. *Sed in medium prodeat Esdræ filius &c. quam bellè advocantis causam [Sc.]* Rursum mycterismos & satyras capiat, verbis otiosis chartas conscribillans. Dixeram secundum R. Aben Ezram , & reliquos commentatores in Prov. 16. omnem eventum & judicium sortium à Dei providentia immediata quasi dependere. Quid ad hæc censor ? *Ille more Rabbinico non insolenter nugatus versiculum illum cum præcedente sic committit.* Dic jam posthume de tribus capellis. Quid illa apud R. Aben Ezram conjunctio versuum tuæ causæ prodest , meæ obest ? An non verbis Aben Ezræ à te exhibitis asseritur, sortis judicium à Jehova (solo scil.) esse , quomodo casura sit ? Et si à Jehova solo , non ab homine, an inde malè providentia immediata à me colligitur , & dicitur ? Quidquid obstreperitur , nodus in scirpo quæritur , & λόγοι ac λήροι multiplicantur.

§. *Fide certe meliore versatum oportuit in testimoniis corrogandis]* Possem reponere , Tecum habita , & à te incipe. Per totam hanc censuram his telis in me immerito emissis se induit. Provoco ad lectorum iudicium. Nolo tamen malam fidem illi impu.

imputare. Potuit enim *ἀνείκεια*, aut nimia festinatio, aut immoderatum causæ hujus studium, calamitati huic causam dedisse.

GISB. VORTII.

Secundo, quia qui sortes ducit, si non explicitè, saltem implicitè rem suam committit superiori causæ quàm naturæ aut arti, at ea nulla est nisi Deus: nam ut Christianus ab idolo Fortunæ, aut à Diabolo felicem eventum expectet, vix credendum est. Atqui coram Deo suo tam prope versari, ad illum judiciumque ejus ire, cum alia media deficiunt, absque timore & tremore non convenit; saltem non convenit ludibundos in tantâ re versari. Hoc repugnaret reverentiæ & timori Dei. Jesa. 66. 2. & 8. 13.

THOM. GATAKERI.

Ratio ista ab Amesio est emendicata, apud quem, cum jam olim in *Tract. de Sort. edit. 2. c. 4. §. 1.* tum & *Antithes. istius part. 1. §. 10.* jam denuo eidem satisfactum est, Propositionem, quæ nec probabilitatis speciem præ se fert, probare ne conatur quidem, sed proponit tantum, tanquam oraculi vicem recipiendam: nam quæ ad rationis clausulam subnectuntur, Scripturæ loca, ad pompam sanè, non ad pugnam faciunt; nec argumenti ipsius aut cor, aut ca-

E 2

put

put, aut caudam etiam attingunt. Ut ne adjiciam, quam fatuæ & ridendæ planè superstitionis sit ad sortem divisoriam, de rebus quibusdam, quæ in commune sint coemptæ, diribendis, cum timore ac tremore accedere. Insignis certè Scripturæ sacrae abusus est, ad sortem istiusmodi ea trahere, vel obtorto potius collo cogere, quæ de Dei verbo, vel objurgatorio vel comminatorio, cum timore ac tremore excipiendo dicuntur.

ANACRISIS VI.

§. Ratio ista ab Amefio est emendicata &c. jam denuo eidem satisfactum est.] Simul & semel rhetoricationum & diſteriorum suorum læcythos videtur voluisse effundere. Cui bonæ rei verba hæc otiosa? Cur non ex Danæo, aliove Theologo, æque depromptam conjecit. Sed perinde ex quo sit, aut non sit, modo ad veritatis & bonæ conscientiaæ studium quid conferat. Non sum ego ex eorum numero, qui ad bene dicta fastidiunt, quia scil. ab aliis jam dicta sunt. Mihi stat illud, Viatrix, Via tuta, Inventæ & bene dictæ aliorum mea facio, cum meo judicio expendo, & ex præformis per alios, inde proprios conceptus formare disco. Cum censor, præceptoris nostri Gomari disputationem de justitia Christi

Christi activa, & Balmfordi libellum de sortibus ludicris, & Pfochenii diatriben de linguæ N. T. puritate oppugnaret, aliosque libellos conscriberet, non puto omnia ante indicta, tunc ipsi dicta fuisse. Quis propterea emendicata diceret? Sed valeant hæc teretismata. *Resp.* 2. Quomodo Amessio satisfactum sit, ostendit eruditus Amessii in hac causa vindex. Rursum censori occinere possem, ἰδὲ πόδῳ, ἰδὲ πίνῃ.

§. Propositionem quæ nec probabilitatis speciem præsefert &c. sed proponit tantum, tanquam oraculi vicem recipiendum, &c. } *Resp.* Si methodum Logicæ analyticos in expositione scripturæ & bonorum autorum observandam adhibuisset, vidisset procul dubio probationem, aut saltem probationis conatum. Sed ut vel tyrones videant probationem in forma, en tibi ex verbis meis edolatam. Quicumque Christianus coram Deo suo tam propè versatur, ut ad eum judiciumque ejus eat (aliis mediis deficientibus) illique rem suam si non explicitè saltem implicite committat, & felicem eventum ab eo expectet, illi convenit in timore & tremore, saltem non ludibundum in tantâ re versari. Sed qui per sortium casum, determinationem alicujus rei quærit, & coram Deo suo tam propè versatur, ut ad

eum, iudiciumque &c. si non explicitè, saltem implicitè. Ergo illi convenit in &c, saltem &c.

Minor probatur.

Qui rem suam superiori causæ, quam naturæ aut arti committit, ille coram Deo &c. ad iudicium ejus &c. illi rem suam committit &c. Sed qui fortitur, rem suam superiori causæ, quam est natura & ars committit. Ergo coram Deo &c. ad iudicium &c. illi rem suam committit.

Major probatur.

Qui ab idolo fortunæ, aut à diabolo felicem sortis eventum non expectat, ille rem suam superiori causæ quam naturæ aut arti committendo, nulli nisi Deo committit. Sed Christianus ab idolo fortunæ aut diabolo, felicem eventum sortis non expectat. Ergo rem suam superiori &c. committendo nulli, nisi Deo committit. An conatus probationis hic compareat, lector iudicet. Saltem censoris nuda reiectio & argumentorum explosio, cum rhetoricationum choragio hic apparet: nullus justæ refutationis conatus.

§. Scripturæ loca ad pompam sanè &c. nec argumenti &c. cor aut caput, aut caudam etiam attingunt. Mera ἀπλοία nimis perturbationi & festinationi adscribenda. Ipse
verba

verba mea: (*Hoc repugnaret reverentiæ & timori Dei* *Jes.* 66. 2. & 8. 13.) appellat *rationis clausulam*. Quod si verum, ergo loca citata ad minimum argumenti mei caudam attingunt: Inde enim colligitur coram Deo suo, tam propè absque timore reverentiæ versandum non esse, nec ad illum judiciumque ejus eundum. Deum autem speciali providentiæ suæ modo in dispositione fortis, & connexo judicio, seu determinatione dubii aut controversi, præsentem esse ex scriptura cum Theologis supra cit. statuo. Unde educo, debere nos accedentes ad sortitionem, expectare & petere à speciali Dei providentia immediatum judicium, & determinationem. Quod ludendo fieri non debet. Hoc est, quod per loca citata probatum volebam. Quid contra hæc censor?

S. Fatuæ planè & ridendæ superstitionis esse, ad sortem divisoriam de reculis quibusdam &c.] Resp. 1. Autores Christiani, tum scholastici (ex & cum *Thoma loc. cit.*) tum nostri, qui aliquam sortem divisoriam concedunt, hanc addunt conditionem, ut sit in re gravi, aut propter grave incommodum vitandum: sive tale in se, sive per hominum infirmitatem. Vide infra *anacrisin* 9. Qui tantum æquitatis non habet,

bet, ut reculas in commune coëmtas, (ex. gr. duos passeris, aut alaudas, aut columbas, aut quatuor pisciculos, aut pugillum squillarum, aut duos congios moris, fragis, nucibus &c. repletos.) dividere nolit sine sortitione, næ is animi sui intemperiem prodit. Abrahamus in re longè majoris momenti Lotho absq; ulla sortitione optionem dabat. Genes. 13. *Si tu ad lævam, ego ad dexteram concedam: si vero tu dexteram, ego sinistram eligam.* Non est ergo temerè & in leviculis per sortem exquirendum iudicium. *Resp. 2.* Dato tenuem esse sortitionis alicujus materiam & occasionem, ex. gr. punctulum præsumti honoris, aut lucellum unius assis: Non ideo tamen ridicula est forma & finis ejusdem, illisque conveniens sortientium habitus. Aliquid materialiter & in se exile est, quod tamen prius propter aliud, & in consequentiis non est exile. Exemplo sit juramentum in casu litis interminabilis, quamvis super titivillitio. Lites, pugnas, vulnera, cædes evitare ac prævenire non est exile, & Deum pacis, omniumque specialiter sortium moderatorem in usu hujus mediæ ad pacem, reverenter respicere, nec superstitiosum, nec ridiculum est. Velim definiisset superstitionem, & præsentî negotio applicatam dedisset. Valde enim

enim metuo, ne sparsis de superstitione dictis, claustralaxentur. Certè vanitatum & abusuū patronis familiare est adhibere vocabula diminutiva, ex. gr. peccatulum, verbulum, exigua pecuniæ summula, recula, pusillum, haustulus, tantillum &c. ut ita ex parvitate materiæ colligantur à licitum, aut saltem à peccatum veniale. *Resp. 3.* Scire velim, an censor à quibuscunque rebus hujus sæculi non tam minutulis, ad minimum seriis, aliisque itidem majoris momenti, immo & maximi, excludat omnem peculiarem respectum ad Deum speciali providentiâ suâ illic præsentem, disponentem ac determinantem. Ex. gr. An fatuæ & ridendæ sit superstitionis accedere ad sortem cum timore & tremore, aut saltem non ludibundum, cum electiones Senatorum (uti apud Venetos, & alibi) peraguntur, cum pericula bellica in excubiis & oppugnationibus, aut pœnæ capitales jactu & casu sortis (cui similis *ἀνατίξις* decimatio apud *Polybium lib. 6.*) huic præ illo adjudicantur. Si ad superstitionem ista relegentur, ultrà scire velim, an in electionibus ecclesiasticis sorti in casu parium suffragiorum de consensu utriusque partis committendis, aut in designatione ministri laborantes peste visitaturi (uti *Genevæ* fieri solet);

solet) aut ministri tempore calamitatis bellicæ & persecutionis in civitate mansuri (de quo casu *Augustinus epist.* 180) aut ministri cum classe armata in hostem eunte profecturi (uti postremis annis in Belgio nostro casus hic aliquoties incidit), an inquam, superstitiosum esset, ad Deum respicere, & in præsentia ejus cum reverentia versari? Sed fortè quis excipiat, Deum in ecclesia & rebus ac negotiis ecclesiasticis peculiari ratione præsentem esse, & Christum ambulare inter septem aurea candelabra *Apo-cal.* 2. v. 1. Regero, etiam Deum alio quodam peculiari modo præsentem esse in collegiis judicum & magistratuum *Psf.* 82. v. 1. cum 2 *Paralipp.* 19. v. 6. Et in bello. *Deuter.* 23. v. 14. *Resp.* 4. Cavillatione non caret, quod censor verba mea *cum timore & tremore*, non tam oppugnat, quam per mycterismum rejicit, detruncatis verbis sequentibus: *saltem non convenit ludibundos in tanta re versari.* Videbat fortè si hanc clausulam addidisset, mycterismo locum vix futurum fuisse. Quod si in divisionibus recularum coemtarum (uti loqui amat) respectu ad Dei providentiam specialem illic determinaturam, locus aliquis *timori & tremori* reverentiali absque crimine superstitionis, relinqui non possit, saltem

tem ne decori (τῷ πρέποντι) & libertatis Christianæ genuini usufructuarii habeantur, qui ludibundi in illis casibus sortitionem adhibent : atque adeo ad supersticiosos relegentur, omnes illi qui putant jocum & ludum in tali expectatione judicii ac determinationis divinæ haud quærendum. Distinctionem quam innuebam ratione rei super quâ fit sortitio, aut non intellexit censura aut volens præterit. Similem serè habet *Amesius lib. 4. Casuum cap. 31.* cum reverentiam circa res sacras distinguit inpositivam & privativam : quarum istam extra sacrum earum usum comméndat, illam minime. Privativam ad minimum requirebam in usu sortium, etiam in re in se quidem leviculâ, gravi tamen ex hypothefi seu per accidens malitiæ hominum : cum dicerem, *saltem non convenit ludibundos in tanta re versari.* Possè autem, immo & debere aliquando ob hominum malitiam in rebus minoris momenti (quas censor *reculas* appellat) sortitionem adhiberi, & Dei judicium, ac voluntatem exquiri atque expectari observant commentatores ad *Proverb. 18. v. 18.* Lavaterus : *in dividendis rebus, puta hereditatibus, legatis, donatis, manubiis, & similibus, vel distribuendis certis functionibus, sive magnis, sive parvis*

parvis (Nota) quisque suo commodo studet, & querelæ variæ exoriuntur. Sæpè æqualitas in divisione rerum servari nequit : ad vitandas igitur contentiones, sortibus utimur. Corn. à Lapide. cum res de qua litigatur, anceps & dubia est, cuius sit, vel quia ius utriusque incertum est, & dubium, vel quia utraque pars potentes pro se rationes profert, vel alia simili de causâ ; tunc non alius lites sedandi suppetit modus, nisi ut eas dirimat & definiat fors.

§ Insignis certè Sacræ Scripturæ abusus &c.] Evenit nobis Dianam hanc alearem in gratiam magnæ procerum, & plebeiorum, turbæ, cum nostro censore non colentibus, quod sibi metuebat Batsabe, 1 Reg. 1. futurum est, ut & ego & filius meus Salomon peccatores reputemur. Duobus scilicet criminibus maculamur, fatuæ superstitionis, & insignis abusus Scripturæ. Sed rationem posterioris hujus categoriæ audiamus : *Obtorto collo ad sortem coguntur, quæ de Dei verbo vel objurgatorio, vel comminatorio cum timore & tremore excipiendo dicuntur. Resp.* Dato regulam illam generalem de Dei timore *Jes. 8.* applicari speciali alicui promissioni aut comminationi, an ideo sive per analogiam, sive per subsamptionem ad alia Dei verba aut opera reverenter

verenter habenda, tractanda, consideranda applicari non poterit? An Deus non erit timor noster in adeundo conjugio, in bello suscipiendo & gerendo, in muneribus publicis adeundis, in Principum & Magistratum consiliis ac judiciis; ubi speciali quodam modo providentia ipsius exeritur & spectatur? An verò tantum in templis, liturgiis, oratione, verbi prædicatione, sacramentorum perceptione? Certè insignis hæc esset profanitas, Quod ad locum *Jesæ* 66 v. 2. Exponitur ille à nostratibus interpretibus de Deo timendo in observatione præceptorum: inter quæ cum sit tertium, ad quod debitus usus sortis reduci debet (uti nos probasse putamus) sequitur temerariam & iniquam esse accusationem de insigni scripturæ abusu. An censor exceptionum suarum ferram reciprocando torserit & detorserit scripturas, ut ludos aleæ in tuto collocet, penes lectorem arbitrium esto.

GISB. VOETII.

Tertio, omnia exempla sortium in Scripturâ apud pios usitata, nihil aliud quam rei gravitatem, modi & usus reverentiam, & finis non vanitatem, sed necessitatem atque utilitatem indicant.

THOM.

Qualis autem ratio ista ? *Sortes omnes apud pios in Scripturâ usitatæ* (extraordinariæ pleræque, ordinariæ paucæ) *in rebus gravibus, cum reverentia, fini non vano, sed necessario atque utili sunt adhibitæ. Ergò secus adhibere sortem ullam haud licet.* Ut enim de reverentia nihil dicam, quâ certè haud insigni aliquâ ac peculiari opus erat, in agno hædove decimo quoque sorte designando, *Levit. c. 27. v. 32. Vide Tract. de sort. c. 6. §. 4.* Pari ratione argumentari sic licuerit : *Sagittarum in Scripturis nullus usus reperitur nisi vel in bello, vel in serio aliquo utrique negotio. Ergò sagittis ludere nulli licet.* Vel sic etiam : *Somnia quæcunque in sacro codice memorantur, vel piorum, vel impiorum etiam, divinitus monitum aliquid vel prædictum continent. Ergò in somnio omni divini aliquid subesse, certum est; nec itaque nisi cum reverentia notabili, & fini necessario, somnia cuiquam narranda sunt.* Quasi verò de rebus leviculis ac ludicris etiam, nisi si qua extra ordinem inciderit occasio, puta, quid quisquam somniarit, quave re luserit, historia sacra satagere consueverit, & quia nusquam ea sortis ludicræ aut leviculæ usurpatæ meminerit, ideò pios homines
tempo.

temporibus illis sorte vel animi gratiâ vel ad negotia minutula nunquam usos fuisse, pro comperto, aut probabili etiam, habendum sit. Quod argumentum à non scripto ad non factum, in rebus præsertim trivialibus, & quas ex sui natura historiæ seriæ, sacræ multò magis, gravitas respuat, nisi sicubi ex materiæ momentosæ magis occasione, (quod rarius solet) contigerit, est omnium planè ineptissimum.

ANACRISIS VII.

§. Qualis autem ratio ista &c. extraordinariæ pleræque &c. Ergo secus adhibere &c.] Talis ratio est, quam censoris exceptiones minimè infringunt. 1. Prima exceptio est: reverentiâ insigni aliquâ ac peculiari, haud opus erat in agno &c. decimo sorte designando Levitic. 27. 32. Resp. aliquâ tamen reverentiâ, secundum censorem, opus erat, quamvis haud insigni. At reverentia Dei quocunque gradu, non est ludus & jocus. Deinde scire velim, quo sensu dicat partem aliquam cultus ceremonialis, quo per sortem & decimationem Deo aliquid consecratur (Levit. 27. 32. cum Jer. 33. 13.) insignem aliquam ac peculiarem reverentiam non requirere. Quod si quis subtiliter distinguat, cum rem quandam corporalem, & quidem exiguam (ex-
gr.

gr. liberationem à culicibus aut cimicibus somnum interturbantibus) à Deo petimus, insigni aliquà ac peculiari reverentiâ, attentione, devotione, fide haud opus esse; an inde inferri poterit, preces à ludibundo fundi posse? Idem δ' ἀτόπῃ inferri posset ex juramento super re exiguâ, ex. gr. ablatione aut solutione unius teruncii 2. *Secunda est, Quia pari ratione argumentari licuerit, sagittarum in scripturis nullus usus reperitur, nisi vel in bello &c. Resp.* Immo si in scripturis de sagittarum usu & regulis & exemplis divinitus probatis doceremur, eas ex conventionem tantum mitti & omne judicium earum esse à domino ad res dubias terminandas; utique per ludum & jocum ad rei alicujus per solius judicii divini terminationem mitti non deberent. Sed quia de sagittis tale quid nihil scriptum, quale de fortibus: videt lector ἀλογον & obtrusam esse consequentiam à dissimili. Quasi quis tali consequentiâ ad absurdum nos deducere tentaret: Advocati testimonii divini & adhibiti verbi divini, nullus usus in scriptura reperitur, nisi in serio aliquo, utili- que negotio: ergo testimonio, juramento, verbo divino nulli ludere licet. Dicat quis postremum esse absurdum: atque ideo non valere consequentiam majoris. **Quis non**

non videret minorem hic negandam, ideoque consequentiam majoris minimè infirmari. Nunc parodicè applica ad censoris consequentiam ab absurdo. 3. *Tertia est, Somnia quæcunque in sacro codice memorantur &c.* Resp. Planè absurda collectio. Nam narrationes somniorum non sunt judicîa Dei. Somnia ipsa naturalia, à nullo hominum contractu ad res ambiguas determinandas adsumuntur; nec inchoatio & cessatio eorum ab hominum arbitrio pendent. Divina seu θεόπεμπτα rem aliquam divinitus revelatam indicant, atque hunc in finem consulenda atque assumenda sunt. Diabolica quantum in nobis est, fugienda & contemnenda. Quod ad narrationem somniorum naturalium, si materia eorum sit ridicula, risus & ludus in se non est illicitus. Posset autem talis esse materia, cujus narratio ludos & jocos non admitteret. Diabolicæ vexationis, tentationum, illusionis recordationi ac relationi, non puto ludos convenire: siquidem scripturæ credimus. *Ephes. 6. v. 11. 12. 1 Petr. 5. v. 8. 9. 2 Cor. 11. v.* Divina somnia ut nunquam ridicula sunt, sic narratio eorum, risum & jocum non admittit. Sed quid hoc ad contractum fortis, cujus casui, controversia determinanda committitur *Proverb. 18. 18. & cujus*

jus voluntatiâ missione ad iudicium Dei (*Proverb. 16. 33.*) provocatur. Quid si pari consequentiâ ad absurdum evincatur, per ludum & jocum posse aliquando juramentum adhiberi; & more Casuistarum Pontificiorum rem super qua præstatur juramentum quis faciat *tenuem, minutulam, trivialem*, puta controversiam super vano & stolido punctulo honoris, aut super damno unius atque alterius assis, qui Titio à Mævio crediti dicuntur, aut super amissione libelli alphabetarii, aut pulli galinacei, qui apud Semproniam depositus dicitur. An ex materiâ tenui, aut nullius momenti, super quâ lis, & præstatio juramenti incidere posset, tenuitas juramenti & tenuis aut nulla reverentia in præstando juramento, immo & licitus ludus ac jocus, per bonam consequentiam educi poterit? Quidni pariter cum Scholasticis & Casuistis Pontificiis ex *parvitate*, seu *levitate* materiæ peccatum veniale colligatur? Vide *Azorii lib. 4. cap. 8.* Notum est quomodo Casuistæ illi passim res subjectas vocabulis diminutivis, & epithetis *parvi, levis, non tanti*; &c. expolientes ex peccatis faciant non peccata, aut saltem venialia. *Toletus lib. 4. c. 12. Qui imponit falsum alicui* L E V E, *contra præceptum facit: sed ob levi-*

levitatem materiæ non est mortale. Idem lib. 5. c. 16. *Cum vero est parva quantitas secundum se & respectu etiam alterius, tunc furtum est veniale.* Imm. Sa in verbo *furtum* §. 13. *Magnas divitias possidenti res argenteas auferre non erit mortale peccatum.* Præterire nequeo, quin premam illud censoris *minutulum*, & *triviale* sequenti quæstione: An cum in senatu lites super rebus minutulis & trivialibus examinantur & terminantur, aut super talibus rebus ac negotiis ordo quis statuitur, ilico inde fugeretur specialis Dei præsentia & providentia, (quæ *Pf.* 82. v. 1. 2 *Paralip.* 19. v. 6. *Proverb.* 8. v. 15. 16. illis adesse & præesse dicitur) atque adeo ad illam tunc sine superstitione respici non possit; eademque redeat, & ad eam respiciendum sit, simulac res graviores, extra classem minutularum & trivialium, judicandæ aut ordinandæ offeruntur. Addatur & *secunda* quæstio: An pro levitate aut gravitate materiæ pro parva aut magna re, cum Deum oramus, aut votum aliquod vovemus, aut juramentum præstamus, parvus, aut etiam nullus respectus ad Deum, parva seu *non-insignis* reverentia erga eundem adesse debeat, ne audiamus superstitiosi; & ab alterâ parte magnus respectus & insignis reverentia requiratur, ne

F

audia-

audiamus profani? Sequatur & *tertia* quaestio: An in sortitione super agris, & opulentis hæreditatibus; aut regalibus dominiis & bonis dividendis, & magnis muneribus conferendis; & rursus in minutulis ac trivialibus dividendis, aut tenuioribus seu mavis vilioribus quibusdam muneribus conferendis, versari possimus juxta vulgatum illud: *Curat magna Deus, fortuna parva relinquit.* Zwareꝫ lib. 2. de religione cap. 12. eventum sortium ludicrarum pendere dicit *ex pura fortuna.*

S. Quod argumentum à non scripto ad non factum, in rebus præsertim trivialibus &c. est omnium planè ineptissimum] Immo planè ineptissimum est, ne quid aliud dicam, falsæ hypothesei & proprio figmento hanc exceptionem superstruere. Ubi ego à non scripto ad non factum argumentatus sum? Præsuppositis axiomatis *Proverb. 16. & 18.* & ex iis atque unà ex lumine ac ratione naturali, communi sapientum consensu sortis divisoriae usu licito comprobato, ex omnibus exemplis in rebus tum ecclesiasticis, tum politicis regulas illas illustrantibus, argumentum contra sortes ludicras piis mentibus considerandum obtuli. Quod si in ejusmodi quaestionibus & casibus moralibus, summam potissimæ demonstrationis

nis ἀκρίβειαν quis requirat, utique doctrinæ philosophi lib. i. *Ethic*, ad *Nicom.* cap. 3. se immemorem ostendit, & magnas partes tract. moralium & homiliarum de specialibus vitiis criticâ suâ falce demessum it.

G I S B. V O E T I I.

Quartò, ex adiunctis & consequentibus aut semper, aut ὡς ἐπὶ τὸ πολὺ istarum Sortium, facile de arboris bonitate judicari potest. Sunt enim lusus supra omnes alios subiecti secretæ cuidam maledictioni. Quod arguunt, blasphemix, execrationes, furiosæ & impatientes eventuum cupiditates atque expectationes, indignationes in Deum aut fortunam, aut in proximum, denique lusuum istorum servili insatiabilitas, quod homines eis nec modum, nec finem imponere, quodque noctes & dies vix quiescere possint.

T H O M. G A T A K E R I.

Num omnis Sortis usus lusus ubique & apud omnes, aut ut plurimum, excessuum istorum prægnans deprehenditur? Ergon', ubi sorte definitur, quis sagittam primus, quis globulum missurus sit, ab eâ fortitione plerumque ebulliunt statim hæ pestes? Quam autem istud, & à veritate prorsus alienum, & charitati Christianæ adversum planè, eis omnibus aut plerisque

etiam qui se chartis simpliciter oblectant, ea crimina affingere, quæ nisi in homines *avertat* & quam maximè irreligiosos, rarerè admodum incidant? Quam præposterum, abusus in quibusdam apud quosdam ratione, usum rei per se alioqui non illicitæ in universum damnare, & ab humana societate penitus submovere? præsertim quum & in illis quibusdam usus ab abusu facile possit secerni, si quis ipse id voluerit. Tum de arboris bonitate, si quis ex improborum excessibus iudicium ferre voluerit, quid Necotiano germini, quid uvæ sanguini futurum est? num cum Manichæis *Fel Principis tenebrarum* istud (sic enim illi, Augustino teste de hæres. c. 46.) cum aliis quibusdam *Fumariam infernalem* illud indigetabimus? vel etiam maledictioni secretæ cuidam subjectum utrumque statuemus? quod altero homines innumeros effascinari quodammodo experientia doceat, ut nec noctu nec interdium quiescere queant, nisi tubulum fumo illius excipiendo destinatum in ore jugiter habuerint: ab altero, cum Solomone, lites, rixas, verbera, vulnera, cædes, homicidia, facultatum dilapidationes, oculos rubentes, ora liventia, capitis vertigines, oculorum caligines, cordis tremores, corpora morbida,

bida, mortes vel subitaneas, vel præfesti-
natas, convicia foedissima, execrationes
diras, blasphemias horridas, stupra, adul-
teria, incestus etiam, provenire comper-
tissimum habeamus. Denique quid hæc o-
mnia ad Thesin præsentem, quæ Sortis
ratione ludos hosce esse illicitos contendit?
Quid ad Controversiam de Sortis usu in
re ullâ ludicrâ? Quæ enim hæc est conse-
quentia? *Ludi quidam Sorte consistentes
vel merâ vel mixtâ, gravissimorum factæ
sunt excessuum & impietatum. Ergo Sor-
tis usus omnis leviculus est in se & ex se illi-
citus.*

ANACRISIS VIII:

§. Num omnis sortis usus luforius ubique
& apud omnes &c.] *Resp.* Magna impe-
ritia est in practicis ex. gr. medicis, politi-
cis, ethicis, æconomicis τὸ καὶ πάντα & τὸ
καθ' αὐτὸ, perfectum, & consequenter τὸ
ἀκριβὲς demonstrationis mathematicæ re-
quirere? τὸ γὰρ ἀκριβὲς οὐχ' ὁμοίως ἐν ἅπασι
τοῖς λόγοις ἐπιζητητέον &c. non enim in o-
mnibus orationibus subtilitas similiter re-
quirenda est inquit *Philosophus lib. 1. E-
thic. Nicom. cap. 3.* Certè eruditi, & rerum
æqui æstimatoris est ἐπὶ τοσούτοις ἡ ἀκριβὲς ἐ-
πιζητέειν καθ' ἕκαστον γένος, ἐφ' ὅσον ἢ τὰ πρῶτα
γμᾶται φύσις ἐπιδέχεται. i. e. subtilitatem re-

quirere in omni genere eatenus, quoad rei naturam patiatur. Ibid. Lector, cui vacat, integrum illud caput & 1. *analyt. poster. cap. 5.* cum commentatoribus percurrat. *Phil. Scherbius* Philosophus non incelebris, in suis contra *Ramum* diatribis, latitudinem τὸ καὶ παντός præceptorum in disciplinis egregiè explicuit, eumque *Libavius* in *schediasmatis* suis contra *Kennemannum* defendit. Sed Medicis, Philosophis, Politicis sua relinquamus. Tantum nunc dicam de rationibus & motivis, quas Theologi practici tum antiqui, tum recentiores contra specialia quævis peccata congerere solent. An semper τὸ λίαν ἀκριβές adhibebitur quærendo, Num omnia vitia, ex. gr. superbia, ebrietas, avaritia, invidia, ira, fornicatio, hæresis, schisma, mordens usura, choreæ larvatae, ballettae seu dramata saltatoria, torneamenta, spectacula apud Romanos olim recepta, *ubique* & *apud omnes excessuum istorum prægnantia deprehendantur*? Hoc censoris κριτήριον adhibeatur, aut si mavis illud *Lyrinensis* catholicum, *quod omnes, quod ubique, quod semper*, omnibus rationibus, quas ab adjunctis, & effectis desumas ebrietati, luxui, spectaculis, livori, iræ, avaritiæ, scenori &c. opponunt *Tertullianus, Cyprianus, Basilus,*

Basilii, Ambrosii &c. Quid fiet rationibus Joh. Spinæi, Tassini, Johannis Downami, & infinitorum pæne ejusmodi Theologorum moralium? Examinent aleatores & alearum patroni ad hanc censoris trutinam omnia Proverbia Salomonis, & in iis speciatim descriptiones ebriosi, superbi, avari. Immo & characteres avari, & juniorum viduarum 1 *Timoth.* 5. & 6 Omnia hæc veritati & caritati repugnare dicemus: quia aliquando id aliter evenit. Sufficit ergo sæpè aut ut plurimum ista sic evenire. Aliiter etiam gnomæ aliquot & adagia Scripturæ accipi non debent. Vide modo e:gr. *Lucæ* 4. v. 24. & 16. v. 8. & 10. *Tit.* 1. v. 12. *Philipp.* 2. v. 21. *Matth.* 9. v. 16. & 26. v. 52. *Luc* 5. v. 39 *Johan.* 10. v. 11. 1 *Corinth.* 9. v. 7. 8. Esse autem ludum aleæ malis à nobis receptis ut plurimum infestum, ex testimoniis omnium autorum, *anacr.* 9. cit. & quotidianâ experienciâ; atque exemplis apud Zwingerum & Dauroultium, abundè constare arbitror. Si quis omnia illa diminutivis suis *leviculi*, *trivialis*, *reculæ*, &c. diffiare, & periculum amare pergat; is videat ne in eo pereat. An censor tale quid in familiâ suâ expertus sit, malim ab aliis dici.

S. Quam autem istud, & à veritate prorsus alienum & charitati Christianæ adversum

sum planè [Ec.] Resp. Immò à veritate alienum prorsus, & caritati Christianæ adversum planè talem criminationem ab uno censore in omnes antiquos Patres, & recentiores Theologos, immo & in Ethicos, Jureconsultos, Politicos, ipsas synodos, & jus civile intorqueri. Quod si ipse in tam religiosos & temperantes aleatores fortè inciderit, non debet pauculas exceptiones universali experientiæ opponere, & panegyricum testium, qui experientiæ attestantur (quorum partem mox sequenti anacrisi indicabimus) à testimonio removendo tam indignè removere. Quidquid ego unquam, quidquid pii quique ministri mihi hætenus noti, de aleæ fructibus audire ac percipere potuerunt, tot testimoniis per tot sæculorum decursum editis succenturiatum facile assertionem nostram à falsitate & temeritate liberavit. Absit saltem à me, ut Danæo, Taffino, Aretio, Perkinso, Amesio, Beaulieu, Antonino, Lyrano, Savonorolæ, aliisque compluribus mox adducendis, hæc in parte falsitatem & caritatis defectum impingam.

S. Quam præposterum abusus in quibusdam apud quosdam ratione, usum rei per se alioqui [Ec.] Resp. 1. Immo quam præposterum, ob paucorum quorundam malis abutentium aut saltem illis se posse ab-

uti,

uti, seu ad bonum uti præsumendum exempla, malum illud tanto cum zelo & strepitu contra antiquos & recentiores Theologos defendere, & humanæ societati haud obscurè commendare? Quidni pari decoro spectacula, actiones fabularum, choreæ mixtæ viroꝝ & foeminarum, dramata saltatoria, larvæ & personæ, torneamenta, ludi fatuorum, nudata pectora foeminarum, festa Gentilium & Papistarum, omniaque idolothyta, publicis libris defensa populo reformato propinentur? Subtiliter scilicet & sine fine ac modo altercando, non esse illa intussecè mala, sic ut nullo in casu honestari possent; adhæc rationes omnes contra talia proponi solitas tangere tantum abusus & excessus, non rem ipsam, atque adeo commissam fuisse ab omnibus antiquis ac recentioribus putidissimam fallaciam accidentis. *Resp. 2.* Negamus in quibusdam usum ab abusu facile posse secerni, si quis ipse id voluerit: uti censor de lusibus loquitur. Ab aliis lusibus facilius potest, ab his omnium difficillimè. Et si aut ipse fecerit, aut unum atque alterum viderit tam felicem in regno aleæ spagyricum, ut cum vellet, facile usum ab abusu secerneret, id totum est per accidens, & ex raro contingentibus, non ex natura ludi, sed ex pe-

culiari ludentis ingenio. Atqui una hirundo non facit ver: & raro contingens ludum in se & per se nec necessarium, nec præ aliis ludis animo & corpori admodum utilem, sed contra ut plurimum noxium, & malis modo memoratis obnoxium, semper prudentioribus suspectum, piis scandalosum, carnalibus & malè feriatis hominibus illecebrosus, infirmis Christianis præsertim viris honestis in otio ex peculio suo viventibus, adhæc Principibus, aulicis, militibus, nobilibus, studiosis, magistris, sociis præsertim junioribus in lubrica ætate constitutis insidiosum, tanquam licitum, nequaquam commendare debet? Ubi malum emergens, & metuendum majus est, quam bonum exspectandum, utique tutissimum est totum illud omittere, & ab ecclesia reformata *penitus submovere*. Quod si ludum illum, tempori fallendo & animo relaxando, tam benè convenientem, & ab eo tam facilè abusus secerni posse censuissent prudentes legum-latores, & præfecti ecclesiarum, utique legibus & canonibus suis, mox infra citandis; tam severè non prohibuissent. Sed fortè novitium *εὐρημα* tam facile abusus secernendi ipsis ignotum fuit: quod si per aliquem aleæ parronum dias in luminis aras aliquando prodierit, catalogo.

talogo novè repertorum Pancirollè adscribi poterit. Interim dum meliora nondum videre aut audire contigit; viæ tritæ insistens moneo nostros, ne vulgatam illam regulam, *tollatur abusus, maneat rerum substantia*, sine grano salis, hoc est, sine necessaria limitatione recipiant, quam alio in casu suggerunt ecclesiæ Gallicæ per suos deputatos in egregio libello *de saltationibus lat. & gallicè edito*: Illam scilicet regulam tantum valere in rebus necessariis, aut per se admodum utilibus. In aliis ergò periculum non est amandum, & fertiles malorum occasiones fugiendæ, nemini tali in casu scandalum præbendum, ab omni specie mali abstinendum. Omnes Christiani hoc audiant, imprimis Naziræi; à quibus indecorè & scandalosè tales ludi exercentur, multò magis *vivâ voce* excusantur, maximè omnium scriptis libris, non sine acerba aliter sentientium insectatione, defenduntur.

Resp. 3. Dilutæ sunt & ineptæ, quas annectit, instantiæ de usu & abusu necotiani & vini. Illud enim tanquam medicamentum, istud tanquam alimentum & medicamentum divinitus ordinatum, & consequenter ad vitam humanam necessaria, aut admodum utilia esse, nemo ignorare potest. De vini usu vide ipsam scripturam.

Psal. 114. v. 15. *Proverb.* 31. v. 6. 1. *Ti-moth.* 5. v. 23. *Luc.* 16. v. 34. Usus neco-
tiani, aliorumque medicamentorum ex
observatione & experientia per inductio-
nem evincitur. Sed nihil tale de ludo aleæ
ad lucrum aut ad temporis fallaciam, de-
monstrari potest. Est ergo argumentatio à
dissimili: utimur necotiano & vino ad ne-
cessitatem: Ergo *usus leviculus* (hoc ejus
diminutivum) aleæ ad voluptatem. & tem-
poris fallaciam est licitus.

§. Denique quid hæc omnia ad thesin
præsentem &c. quid ad controversiam de
fortis usu &c. Quæ enim hæc consequentia
&c.] *Resp.* 1. Pueriliter sanè hæc coronide
exultat, mihi que insultat? At facilis ejus
retorsio: *Quid vinum & necotianum ad
fortes ludicras? Quæ hæc consequentia?* Cur
pari judicio panem, ignem, vestes, conju-
gium, regimen politicum, immo, & ver-
bum Dei, sacramenta, ecclesiam, Christum
ipsam (quorum usus propter abusum non
est removendus) in hanc scenam non pro-
duxit ad Helenæ aleæ nuditatem tanto a-
bundantius tegendam. *Resp.* 2. Censura
nec in coronide nec in præmissis, vel mini-
mo digito attingere ausa, quod dixeram:
*Sunt enim lusus supra alios subjecti secreta
cuidam maledictioni &c. denique lusum
istorum*

istorum servilis insatiabilitas &c. Hoc ergo cum negare nec ausus, nec potuit, pro confesso sumo, & testimonium reddente mihi communi experiētiā, omnibus præsertim junioribus, nimium cereis in vitium flecti, etiam atque etiam inculco, litus hoc avarum fugiant, periculosam hanc charibden declinent, ne his Sirenum scopulis adhærescant; & siquidem animus ludis subinde relaxandus, illos sibi eligant, quibus vires refocillentur, non lassentur, quosque faciliè inchoare & abrumpere queant; ne *παύεσθαι* siant *ἔργα*. Sed hæc omnia secus se habere in usu aleæ, ex ipsa natura ludi, & ex communi experientia nemini non constare potest. Fortunam (utor phrasi aleatorum) denuo experiri non desinit, qui lusum perdidit, usque ad ultimum quadrantem; quia à victoris ingenio, arte, industriā (uti in aliis ludis) eventum nullatenus pendere novit; & tandem vel semel jactum sibi feliciter casurum sperat: In aliis ludis ubi victoris ingenio & arte se superari quis videt, cum impari aut non congregitur, aut tandem congregi desinit.

Sic ne perdiderit, non cessat perdere lusor:

Et revocat cupidas alea sæpè manus.

Ovid. lib. 1. de arte amandi.

Nec est quod excipiant chartis impalle-

F Z

scentes.

scientes, atqui depositis nummis non certabo, nec vanæ gloriolæ ex victoria tantum litabo, ut propterea manum de tabulâ tollere, & nummos aut bonas horas melius collocare nolim. Si tu voluntatem tuam ita in potestate habes, alii omnes cujuscunque ætatis, sortis, conditionis non habent, qui tuo præsertim Theologico aut Pastoralis sive judicio, sive exemplo ad ludos illos seducti in præcipitia modo dicta, cum plerisque ludionibus incidere possent. *Si quis unum ex parvulis in me credentibus scandalizaverit, &c. Matth. 18. v. 6.* Væ mundo à scandalis. Pii quique præsertim ministri & ministerii candidari, etiam à licitis quibusdam prudenter abstinere discant, ne aut ipsi aut alii ad illicita deveniant. B. Apostolus Judas v. 23. monet, *etiam tunicam à carne maculatam odio habendam.* Genuæ publica & quasi continua exercitia ita vigent, ut ad compitum, dictum Divi Syri, *ferè tota juniorum multitudo ad alearum ludos conveniat*: teste Steph. Riccio in *histor. rerum Italicar. ad ann. 1628. narr. 6 p. 213.* Legi nuper in *adagialibus sacris Mart. Delrio ad cap. 30. Syracidæ v. 21.* exemplum viri nobilis & in dignitate constituti ipsi noti, qui ludo chartarum tam serviliter addictus erat, ut cum lecto affixus ipse, eum exercere nequiret,

alios lufores coram fe hoc agere volebat, quò
ufque ad extremum vitæ halitum ejufdem
fpectator effet. Luforium furorem Parifien-
fium memini me alicubi legiffe : Alio-
rum exempla , qui noctes & dies infa-
niam illam infanierunt , & in ἐν περίπτωσι illa
mala inciderunt , apud autores citatos re-
peries. Faceffant ergo eorum *qui fe chartis
fimpliciter oblectare* dicuntur , infidiosa τῷ
leviculi , minutuli &c. diminutiva.

G I S B. V O E T I I.

*Quintò, ex fuffragiis antiquitatis, Clemen-
tis Alexandrini lib. 3. c. 11. Cypriani epift.
de aleatoribus , Chryfoftom homil. 6. in
Matthæum , Concil. Eliberin. can. 79. Au-
guftin. epiftol. 119. Jure Civili lufus illi fa-
tis , opinor , fignatizantur tit. D. & C. de
Aleatoribus. Sic Jure Canonico c. Clerici,
de vita & honeftate Clericorum. Lyranus in
Præceptorio novem rationibus eos oppu-
gnat. Idem facit Antoninus part. 2. tit. 1.
c. 23. 6. ubi enumerat 21. peccata , quæ in
illis ludis interveniunt : addit tot effe fce-
lera in ludo , quot funt puncta. Hoftiensis
in fuma tit. de Exceffibus prælatorum ,
refert fexdecim crimina , quæ in talibus
perpetrari folent. Hos fequitur Petrus de
Ravennâ in Alphabeto aureo , verbo
Ludus ; Ignatius Lopes de Salfedo in
Bra.*

Practica Criminali Canonica cap. 70. de Aleatoribus : *ubi graviter inprimis incesſit Clericos aleatores , & pœnas à Canonibus in eos constitutas ſtriçte urget : citat pro rigida ſententia , eſſe ſcilicet peccatum mortale , ſi Clericus utatur illis ludis , Baptiſtam Caccialupum & Paridem de Puteo Tractatibus de Ludo. Sylveſter in Summa , in voce Ludus , omnia hæc incruſtat , & tam Laicis , quam Clericis pulvillos conſuit , ſed improbè ineptis rationibus. Ex noſtris inprimis præciſè hanc cauſam tuentur Martyr loc. claſſ. 2. c. 12. Danæus pecul. tract. Taſſinus libr. de Emendatione vitæ. Ameſius in Medulla Theolog. & in Caſibus lib. 4. cap. 23. Rivetus , Perkinsus , Dodus & Cleaver , Georgius Downamus in expoſ. Decalogi.*

THOM. GATAKERI.

De Antiquitatis ſuffragiis iſtis abunde ſatis eſt reſponſum in *Tract. de Sort. c. 8. §. 9. 50.* uti Typothetæ culpâ numerus initur : ſive , 5. 6. 7. uti ſeries ipſa poſcit. Verum unum ego , unicum ſaltem inquam , ex antiquitate tota nominatim mihi deſignatum velim , qui ſortem ludicram omnem prorsus damnaverit , vel hæc ratione ludos illos illicitos impioſque pronuncia-
verit.

Quæ

Quæ autem ex Pontificiis illis attexit, pro rationis superioris lacinia haberi possunt : itaque ad illam & istis responsum est. E nostris , qui præcisè causam hanc tueri prohibentur istic , quid senserint nonnulli vidimus supra. Rationibus istic locus est.

Cæterum malæ Fidei Theseon harum autor non uno nomine istic manifestus tenetur. 1. Quod *Cypriani* scriptoris, si quis alius , gravissimi pariter ac elegantissimi nomine , morionis ineptissimi fabellas futilissimas , nãnias putidissimas , barbarè conscriptas obtrudit. Vide *Tract. de Sort. cap. 8. §. 10. p. 254, 255.* 2. Quod *Augustinum & Chrysostomum* laudat tanquam causæ suæ patrocinantibus , apud quos locis citatis de Ludis hisce , ne verbum quidem reperitur. Augustinus *Epist. 119. c. 20.* cujus verba & in Canonem translata habentur apud Gratianum *caus. 26. quæ. 2.* de eis tantum loquitur , *qui de paginis Evangelicis* (num chartæ & alea sunt paginæ Evangelicæ?) *sortes* (consultorias scilicet , uti mox explicat.) *legunt.* *Chrysostomus* in *Math.orat. 6.* (quod & jam olim monuimus in *Tract. de Sort. cap. 8. §. 11. pag. 260.*) Ludum & risum à Diabolo datum contendit : & in ludos Theatrales sobinde invehitur. Unde & ex Chrysostomi sententiâ Rodericus

cus Zamoren, *Speculi lib. 1. cap. 31. Deus non dat ludere, sed lugere: sed Diabolus dat ludere ne lugeamus: & dum ludimus, illudimur.* De chartis aut aleâ ne quidem. Proinde tam bonos autores tam male habitos, pudet planè pigetque.

ANACRISIS IX.

§. De antiquitatis suffragiis istis abunde &c. Verum unum ego, unicum saltem locum &c.) Resp. 1. Quid si Anabaptistæ petant, ut vel unicum scripturæ dictum designes, quo, divortia ipsorum illicita & impia pronuntientur. An non responderetur, Omnia divortia illicita pronuntiari, excepto in casu adulterii. *Matth. 19.* Unde sequitur divortia Anabaptistarum ob errorem aut schisma & quæcunque alia esse illicita Similiter petunt Socinizantes, ut uno saltem loco scripturæ probetur mandatum de adoratione spir. sanct., & de fide patrum sub V. T. in Christum &c. Petunt etiam Pontificii secundum novam methodum Jesuitæ Verro-
ni, ut unico loco scripturæ probetur, Papam Romanum esse Antichristum, missam esse idololatriam &c. Quid & quomodo petitoribus nostri responderint, tyronibus in theologiâ non ignotum est. Respondeo ergo de patribus, sortes à Gentilibus & Christianis Gentilizantibus usurpari solitas ab illis
con-

condemnari, exceptis solis divisiis. *Chrysostom. in Galat. 1. col. 893. (edit. lat. Basil) Multi gentium mores apud nostros aliquot servantur, sortilegia, arguria, &c. Augustinus epist. 119. sub finem: Hi vero, qui de paginis euangelicis sortes legunt: etsi optandum est, ut hoc potius faciant, quam ut ad dæmonia consulenda concurrant: tamen etiam ista mihi displicet consuetudo. Hieronymus in Jonæ 1. Nec statim debemus sub hoc exemplo sortibus credere: vel illud de actibus apostolorum huic testimonio copulare &c. cum privilegia singulorum, non possint legem facere communem.*

Iidem patres sortes nullas excipiunt, aut licitas faciunt, nisi divisorias, quæ in rebus alicujus momenti ex peculiari necessitate cum respectu ad divinum judicium ad lites præveniendas aut sopiendas adhibentur. Quod colligitur ex *Augustini* verbis in *Pal. 30. passim citatis*, Quibus consonant verba *Beda*, qui totus est Augustinianus, in *comment. sub nomine Hieronymi editis in Proverb. 16 vers. 33. Sicut sortes palam in sinum mittuntur, at clausæ in sinu continentur: divini autem est judicii (N.), cujus fors elata palmam teneat. Et Ambrosii in Luc. 1. vers. 9. Qui enim sorte legitur, humano judicio non comprehenditur. Augustini lib.*

10. *de Gen. ad literam cap. 18. solent quæ sorte dantur, divinitus dari. Quæ confer cum verbis Augustini in epistol. 180 ad Honoratum sub finem: Ubi in casu persecutionis sortes adhiberi vult; Quamquam, inquit, hos inter Dei ministros inde sit disceptatio, qui eorum maneat: ne fugâ omnium: & qui eorum fugiant, ne morte omnium deferatur ecclesia. Tale quippe certamen inter eos, ubi utrique ferveant charitate, & utrique placeant charitati. Quæ disceptatio si aliter non potuerit terminari: quantum mihi videtur: qui maneat & qui fugiant, sorte legendi sunt. Et ostensâ ratione difficultatis & incommodi, si ab hominibus determinatio fieret, subjicit hæc verba: Ideo sicut scriptum est (Proverb. 18.) Contradictiones sedat sortitio; & inter potentes definit. Melius enim Deus in hujusmodi ambagibus, quam homines judicant: siue dignetur ad passionis fructum vocare meliores & parcere infirmis &c. Res quidem fiet minus usitata, si fiat ista sortitio. Sed si facta fuerit, quis eam reprehendere audebit &c. Alium quem necessitatis casum habet Augustinus lib. 1. de Doctr. Christ. cap. 18.*

Jam vero cum judicii divini per sortem gravem ob causam exploratio tantum, & vix conceditur, nec ludicræ sortes ad hunc ca.

sum reduci aut sub eâ comprehendi possint; spontè sequitur eas patribus vilas fuisse illicitas: quamvis totidem verbis non dixerint: sortes ludicræ sunt illicitæ. Sed audiamus quomodo insuper ludum aleæ exsertè repudent. *Prohibendus quoque est* (inquit Clemens Alexandr. lib. 3. pædagog. cap. 11.) *tesserarum ludus; & præterea ex talorum ludo lucri studium, quod nonnulli acriter sequuntur. Talia enim inconsideratus luxuriæ (τευφῆς) amor otiosis oblectamina suppeditat. In causa enim est desidies. Amat autem quis inania, quæ sunt à veritate sejuncta: nèque enim aliter possunt recreare animum absque damno.* Concil. Eliberinum can. 79. *Si quis fidelis alea, id est, tabula luserit nummos, placuit eum abstineri; & si emendatus cessaverit, post annum poterit reconciliari communioni.* Basilii Hexaëmeron homil. 8. in fine. *Si vos dimisero & concionem dissolvero: alii quidem ad culos discurrent, illic iuramenta & contentiones graves, & avaritiæ vexatione, dæmon assistit per ossa interpuncta furorem accendens; & easdem pecunias ad utramque partem transferens nunc hunc victoriâ attollens, & illi tristitiam inducens: rursus autem illum superbientem redâens, & hunc pudefactum.* Photius in Nomo.

mocanone tit. 13. cap. 29. talem habet rubricam: *De iis qui alea ludunt aut inebriantur.* Et adductis canonibus ecclesiasticis ac legibus Imperatoriis cum iis statuit non esse licitum *κνββα πάλαι*. 1. e. *aleæ ludum ludere.* Sextum Concilium (quod Photius ibidem citans sic appellat) h. e. continuatio sexti Concilii Constantinopolitani, in Trullo. can. 50. *Nullum omnino, siue clericum siue laicum, ab hoc deinceps tempore alea ludere. Qui secus fecerit, excommunicetur.* Ambrosius in lib. de Tobia cap. 11. aleones vocat *feras & bestias*; & concilii aleonum potentiam plus timeri ait, quam *dæmonum.* Refert ibidem Hunnos, cum „ sine legibus vivant, aleæ solius legibus „ obedire; in procinctu ludere, tesseras si „ mul & arma portare, & plures suis quàm „ hostilibus ictibus, interire. In victoria sua „ captivos fieri, & spolia suorum perpeti, „ quæ pari ab hoste non noverint. Ideo „ nunquam belli studia deponere, quod vi „ cti aleæ ludo, cum totius prædæ munus „ amiserint, ludendi subsidia requirunt bel „ landi periculo. Frequenter autem tanto „ ardore rapi, ut cum ea quæ sola magna æ „ stimant victus arma tradiderit, ad unum „ aleæ jactum vitam suam potestati vel vi „ ctoris vel sceneratoris addicat. Denique
con-

„constitit quod quidam eorum & Impera-
 „tori Romano cognitus in fide, precium
 „servitutis quam sibi tali sorte superatus in-
 „tulera, suppliciiis imperatæ mortis exol-
 „verit. Antiquus scriptor cum operibus Cy-
 priani editis, acriter ludum aleæ oppugnat,
 imprimis in clericis; in quorum tamen gra-
 tiam præcipuè à censore odiosum & scanda-
 losum hoc alearum patrociniū susceptum
 si quis conjiciat, haut planè abluferit. De dicto
 illo Cypriano mox nobis agendum. Ne quis
 autem excipiat non aleam aut aleatores sed
 abusum & abutentes à patribus condemna-
 ri, lectori considerandum suggero, eos ab-
 solutè & indefinitè ludos aleæ & aleatores
 taxare : cum tamen similiter non prohi-
 beant venationem & venatores, mercatu-
 ram & mercatores, &c. quod hæc in se &
 ex naturâ sui illicita non sint.

§. *Quæ autem de Pontificiis illis atte-
 xuit* [Ec.] siue lacinia sit superioris rationis,
 siue quid aliud, saltem crisis otiosè hæc ita
 diffilare nequit, ut Pontificij Casuistæ ex iis
 tanquam propriis non confundantur.

§. *Cæterum malæ fidei thesæon harum
 autor non uno nomine istic manifestus tene-
 tur* [Ec.] Tantæne animis cœlestibus iræ,
 tanta perturbationem laxatio, ob oppu-
 gnatas à me aleas, charas, & similes otiosas
 atque

„quorum: quâ in readversarios & ipsum Bel-
 „larminum sequitur &c. Ut alia nunc præ-
 teream, Magnus ille ecclesiasticarum anti-
 quitatum *apud Mornæum Plessiacum in My-*
sterio iniquitatis in initio (ubi de oppositio-
 ne Cypriani) hunc tract. juxta cum aliis Cy-
 priani, sub nomine ejus citat contra prima-
 tum Papæ. Cumque Conftetellus antago-
 nista Plessiei excepisset his verbis. *Cypria-*
nus falsò allegatur, respondet illi Rivetus
 in defensione Plessiei sect. 3. § 8. *Notet le-*
ctor quam parum æquum hic homo se osten-
dat quàm iniquum & reprehendendi pruri-
tu actum. Quamvis non esset hic liber Cy-
priani, quomodo convenit malæ fidei accu-
sare eum, qui citat librum sub nomine illius
authoris, cui hætenus fuit attributus, nihilo-
minus, falsum est, cum dicit omnes doctos
in eo convenire, quod non sit liber Cypriani.

Et citat ibidem *Pamelium in argumento*
 „ad hunc librum; cujus hæc verba. Edidit
 „Primus hunc librum Morelius, & habet
 „etiam M S. codex Anglicus. Cypriano ve-
 „ro jam olim illum adscripserunt Landul-
 „phus à Columna Campensis in Breviar.
 „historico. Antoninus Summa histor. Phi-
 „lippus Bergomas in supplemento Chro-
 „nic. & Trithemius. Neque etiam magno-
 „pere repugnat stylus, & plerasque scriptu-

„ras, sicut Cyprianus alibi citat. Addo ego testimonium pro potentia signi crucis ex hoc libro adduci à Joh. Stephano Duranto lib. 2. de ritibus eccles. cathol. c. 45.

Post verba Pamelii allata, concludit Rive-
tus: *Nunc judicet lector, an rationem ha-*
buerit proclamare falsitatem contra illum,
qui contra Papistas hunc librum allegat sub
nomine ejus auctoris, cui historici ipsorum
eundem tribuunt, & qui cum stylo ejusdem
convenit. Hæc apologia parodicè mihi ap-
plicetur, & de judicio atque æquitate cen-
suræ judicetur.

Porro in hâc eâdem materiâ hunc li-
brum sub nomine Cypriani aleatoribus & a-
leæ patronis ante me opposuerunt *Stuckius*
lib. 3. convival. cap. 22. Danæus in Isag. part.
4. lib. 4. cap. 28. De aleâ, inquit, exstant
patrum scripta, & graves sententiæ, videli-
cet Cypriani in libello de aleâ & Ambrosii,
libro de Tobia, Idem tr. de alea cap. 8. cujus
epigraphe: Priscos & orthodoxos patres
damnassee hunc eundem ludum. In ipso ca-
pite in primâ acie collocat Cyprianum.
Cyprianus, inquit, quo nemo suo sæculo
fuit sanctior &c. Huic proximè subjicit
Bernardum. Hunc excipiant Canones A-
postolorum 41. 42. *In Canonibus inquit,*
apostolorum, qui dicuntur, apertissimè
hic

hic idem ludus prohibetur, ut est can. 41. & 42. ut nulla ecclesiæ ætas à nobis cogitari possit nullique unquam fideles homines fuerint, à quibus hoc diabolicæ lusionis genus planè non fuerit profligatum & damnatum Idem in *Isagogâ* part. 4. lib. 4. cap. 28. *turpi hoc ludo tempus non esse terendum & patrum scriptis ac gravibus sententiis damnatum* dicit; citatque ibidem Cypriani libellum de aleâ, & Ambrosium de Tobîâ &c. Eundem tractatum contra aleam sub nomine Cypriani adducunt, ex Pontificiis *Carolus Musart* Jesuita interpres sacr. liter. in *Academia Viennensi in adolescente Academico* part. 3. cap. 2. §. 4. *Sanctus, inquit, Cyprianus contra aleatores librum integrum conscripsit.* Ibid. aleæ exercitium appellat *flagitium*, & imprimis chartas detestatur. Insuper rationes adfert, exceptiones diluit, autoritates Ambrosii, Cypriani, Antonini, Academię Salmanticensis, advocat; insuper exempla Ludovici primi Francorum regis, & Ignatii Lojolæ: quorum iste conatus fuerat ex Hispaniâ omnem aleæ usum proturbare: ille fratre ludente cum quodam nobili ex lecto, cui per morbum affixus erat, proreperat in locum ubi ludebatur, & tabulam lusoriam, picta notulis ossula, pecuniæ

quoque depositæ partem motâ vehementer bile per fenestram in mare projecerat: *tanto*, inquit, *pro flagitio vir ille sanctissimus aleam habuit. Neque alio loco habuisse censeri debet sanctus nostri ordinis parens Ignatius &c.*

Porro novam & peculiarem censoris crifin contra mentem eruditorum tam facile rejicere licet, atque ab illo adfertur: *Cypriani*, inquit, *nomine, morionis ineptissimi fabellas futilissimas, nœnias puditissimas barbarè conscriptas obtrudit.*

Sane Pamelius in lectione & stylo Cypriani non minus versatus ac censor, longè aliter pronuntiat: *Alea ludum multis argumentis pulchrè impugnat. Et postea: Neque etiam magnopere repugnat stylus, & plerasque scripturas; sicut Cyprianus alibi, citat. Bellarminus de scriptoribus ecclesiasticis: Liber de aleatoribus utilis & doctus est; sed non videtur esse Cypriani. Quæ verba ex illo repetit inter nostros Hottingerus dissert, de abusu patrum.*

Ex nostris Danæus cap.cit. *Cæterum patrum ipsorum (Cypriani scil. nam præter ipsum nulli alii citantur nisi Canones Apostolici & Bernardus) rationes, propter quas in illud tam acerbè & merito quidem invehuntur, sunt audiendæ, ut vel pervicacissimi ob-*

obstinatissimique huius ludi defensores tandem aliquando silere, & sui ipsius perdere discant. Idem in Isagoga loc. cit. vocat graves sententias; quas censor noster clamat fabellas &c. Ut Mornæum Plessiacum; aliosque librum hunc citare dignatos ac modo indicatos præteream, nostri, cum ex professio criticam exercent, & à genuinis Cypriani hoc scriptum distinguunt, suo loco eum relinquunt, ut Cocus in Censura, Perkinsus in probl. cathol. Hottingerus in dissert. de abusu Patrum. Rivetus lib. 2. critici sacri cap. 15. quamvis censuræ eum subjiciat, non tamen tam infestæ, ac censor noster. Errori Novatianorum eum patrocinari ait: sed ideo morio d cendus non est; nisi à iis ple-rosque Patres, & ipsum Cyprianum eodem titulo insignire velimus; cujus errores & nævos aliquot notat Scultetus lib. 8. Medullæ Patrum cap. 24. & nominatim periculosa nonnulla in sermone de Lapsis, Novati errorem redolentia. Fabellas futilissimas & nœnias putidissimas, quas censor hyperbolicè exaggerat, si annotasset, potuisset iudicium de iis ferri. Saltem tam rigidè non debet vapulare, quod in sui temporis presbyteros aleatores calamum strinxerit, & hodiernos presbyteros chartarum lusi-bus se oblectantes (quos forte censor in o-

culis habebat, cum ante annum 1620. pro aleâ publice inciperet pugnare) per latus eorum pupugerit. Atque hæc de testimoniis patrum. Unde iudicium fiat, de censoris assertione: *De chartis, de alea, ne p̃u quidem*. Ubi Augustinum & Chrysostomum à me cit. innuit. De illo ex allegatis iudicet lector. In isto fateor loc. cit. chartas & aleam exsertè non reperiri, sed primò *ludos* in genere, deinde applicari ludis theatralibus. Qui ludos in genere, & theatrales in specie, & ludentes ac *deliciantes* tanopere perstringit, quis dicet eum excipi voluisse ludos aleæ, etiam sanioribus Ethnicis improbatos, ac non potius acres illas invectivas iisdem per subsanctionem aut analogiam applicatas? Docet hoc *homil. 22. in epist. ad Ephesios*, quam etiam citat *Rittershusius lib. 8. lect. sacr. cap. 5.* ubi ait filium à patre posse *exhæredari* si copulaverit se iis, qui patrem molestia affecerunt, *quique referis & aleæ lusu dediti*. Nec plane acriticè conjicit *Stuckius 3. convival. c. 22. Chrysostomum loc. cit. in Matth. 6.* dicentem, *Deum non invenisse ludum, sed diabolum*, alluisse ad Phædrum Platonis, ubi dicitur *Ægyptiorum demonium* (quod illi Theut appellabant) *aleam & talos invenisse*.

Appen.

DE LUSU ALEAE. 151
APPENDIX.

Exhibens communem theologorum in improbandâ aleâ consensum.

Inter scriptores Gallos *Danæus* in tract. *supra cit* & *Isagogæ* part. 4. lib. 4. qui est de potestate ecclesiæ c. 28. ubi aleæ lulum inter turpes & inhonestos numerat & semper etiam à veteribus patribus sic reputatum esse dicit. *Tossanus* in *Actor.* 1. ad quæst. An hodiè sit usus sortium, respondet *parce, religiose, & non nisi in summa necessitate iis utendum.*

Rivet comment. in *Psal.* 22. anno 1626 edito: merito propter irreverentiam & necessitatis defectum damnantur aleæ, aut tesserarum, calculorum, & chartarum ludii &c. Eandem sententiam Proponit in explicat. decalogi anno 1632 edita, ubi probat Danæi præceptoris sui defensionem in libello de aleâ. Eandem repetiit anno 1642. in *Institutione principis gallicæ*, dial. 17. Apud quem invenies pleraque illa, quæ censor noster in meis thesibus temere & satyricè perstrinxit. *Calvinus* in commentar. ad *Act.* 1, v. 26. determinaturus contra illos, qui sortiri totum nefas esse putant, sic loquitur: *Sed quum Magistratus inter se provincias sortiuntur, & fratres hæreditatem, res est licita, idque clare testatur Salomo, quum*

Deum facit eventus moderatorem. Prov. 16. verſ. 33. Hos ergo caſus neceſſitatis aut magnæ utilitatis ab abuſu nominis divini cum excipit, ſatis apparet contra reliqua (aut vana aut otioſa) legem ab illo confirmari. Idem in Jonæ. 1. v. 7. ait non omnes ſortes promiſcue damnandas; ſed nec promiſcue uſurpandas. Et excipit, ſolas ſortes diviſorias, tanquam partem ordinis politici: ne qua ſit æmulatio, ubi quiſque volet ad ſe partem aliquam trahere, illic ſors dirimet omnes lites. Tale ſortiendi genus eſt tam verbo Dei, quam legibus permiſſum. Paulo ante: Salomon dicit ſortes non exire fortuitò, ſed Dei providentia. Mercerus in Jonæ 1. Aliàs ſors per ſe mala non eſt, quippe quum à domino temperetur Prov. 16. Et ad componendas vel graviſſimas lites plurimum valeat. Et Poſtea: nec enim paſſim nec temere ſortibus utendum.

J. L. de Beaulieu paſtor eccleſiarum in præfecturis de Mante & de Magni &c. in Galliâ, poſtquam in curſu miniſterii per 50. annos, à luſibus & choreis affiduò ſuos dehortatus eſſet, anno 1607. ſummam toties dictorum ſcripto vernaculo complexus eſt, tit. *Inſtructionis de honeſtis Chriſtianorum recreationibus*. Qui liber demum excuſus fuit Salmurii in 8. anno 1609. apud

pud Thomam Portæum. Ubi *part. 3. pag.*
167. cum 170. pronunciat ludos aleæ a-
 licique merâ sortitione peragendos, esse in
 totum rejiciendos, & è medio Christiano-
 rum proscribendos: cum plane nihil sit in
 iis, quodeos excusare queat, nec finis honestæ
 recreationis illic locum habeat. Non sit ex-
 ercitiū corporis, aut magis animi. Post
 plures rationes dissuasorias, addit tandem
pag. 174. Qui agnoscit, sortem projici in
gremium, sed eventum esse à domino Prov.
16. vers. 33. & scit sortem esse, ut Deo tri-
buatur judicium & dispositio in rebus mo-
mento sis, nunquam sibi licentiam concedet
sortem in lusibus jaciendi, & quidem tantis
insuper consequentibus aut comitantibus in-
commodis: ut Deum faciat spectatorem, sed
& ministrum excessuum & perturbatio-
num, quæ ordinariò illic adsunt.

Franc. Junius in comment. ad Jonæ 1.
 Nam sortitio res religiosa est. Sortitionis re-
 ligionem ex comparatione demonstramus,
 hoc modo: Quæcunque dubia sunt, aut per
 controvertentes dirimuntur judiciorum for-
 ma, aut per unum ex controvertentibus ju-
 ris jurandi religione, aut denique per auctori-
 tatem Dei religione sortis: quam rem tum ex-
 empla in scripturis sacris demonstrant locu-
 pletissime, tum sapientis autoritas Prov. 16.

33. *In sinum, inquit, projicitur fors, sed à Jehova est tota ratio illius: ac prout in jurejurando religionem divini nominis, ita in sortitione religionem divini operis juxta reverentia oportet observari.*

Augustin. Marloratus in Actor. 1. ab illicito sortis abusu excipit electionem ex duobus æqualibus ad aliquod munus, & divisionem provinciarum atque hæreditatum: idque, inquit, clare testatur Salomo, cum Deum facit eventus authorem, Proverb. 16. vers. 33.

Theologi Britann. Georgius Downhamus episcopus Derryensis in tabellis virtutum & peccatorum juxta ordinem decalogi Anglicè anno 1620. Londini editis, alearum & chartarum ludos inter peccata numerat, quod in nugis, lusibus, jocis non oporteat ad immediatam Dei providentiam provocare.

Perkinsus in casibus conscientie supra cit. Idem in serie causarum salutis & damnationis cap. 22. Sortes (è jactu & inspectione alearum &c. uti modo tales designat) non nisi cum magnâ reverentiâ usurpandæ sunt, quia immediatè à Deo disponuntur, & earum genuinus usus est, ut deserviant decisioni litium maximarum Prov. 16. 33. & 18. vers. 18. Cartwrightus in comment. ad Proverb. 18. vers. 18. dicit, sortem esse Dei mun-

mundi iudicij quasi vicarium, quâ Deus ipse de rebus dubiis, & nullâ hominum arte, aut ingenio investigandis decernit. Idem in cap. 16. v. 33. Quod sortem appellat iudicium, docet non nisi in rebus gravioribus & alicuius magni momenti ad sortis iudicium recurrendum, maxime cum per sortem Deus ipse in iudicio sedeat. Sicut enim Deus per Jethronem consuluit, ut causis levioribus ab aliis iudicibus dijudicatis, difficiles Moysi cognitioni reservarentur: sic Deus instituit, ut quæ nullâ cuiusquam ingenii vi & perspicientia, causa dignosci posset, ad se per sortis iudicium deferretur. Et Paulo post: Hinc liquet quantus apud nos hujus sanctiss. Dei iudicii abusus, qui ad res minimas levissimasque ad ludum & jocum sortem adhibemus: cum nulli rei fors adhibenda sit, cui preces & fervens ad Deum oratio adhibenda non sit. Fennerus in sua theologia a. 1585. edita & à Cartwrighto commendata lib. 5: cap. 6. Sortem definit, medium à Deo constitutum, quo ipse controversias, quæ aliter ab hominibus dirimi non possunt, componit. Prov. 16. 33. & 18. v. 18. Numer. 26. 55. Jos. 14. 2. Levit. 16. 8. Ad hanc præparatio: quæ requiritur, est, ut ex hujus necessitatis sensu, Deum in hoc medio adeamus, Prov. 16. 33. Adjuncta dispositio est, ut

precibus ad Deum peractis ab ipsius nutu pendeamus. Fructus est, ut animo pacato & jucundo in Dei judicio acquiescamus, Prov. 18. 18. Idem Fennerus in tract. anglico de recreationibus, aleas & chartas condemnat. Willetus celebris & eruditus commentator, ad Levitic. 16. qu. 12. Quamvis ludos mixtos plus artis quam casus habentes putet esse tolerabiles, quod definitio sortis illis non conveniat; omnes tamen merâ sorte constantes absolutè condemnat, quippe repugnantes pietati, sanctitati, charitati. „Repugnant pietati, quia profanant sortem, eâque in rebus leviculis, abutuntur, quæ à Deo ordinata est ad res graves & momentosas, cujus in scripturis nullum exstat exemplum: & cum fors à Deo dirigatur admodum profanum est petere divinam assistentiam in rebus frivolis, ridiculis, & subinde in vitiosis conatibus. „Repugnant morum sanctitati, quia revocant corruptos usus Gentilium &c. Repugnant charitati; quia deprivant homines suis bonis &c.

Inter scriptores Germanos & Helvetios, Oecolampadius commentar. in Jonæ. 1. *Non omnino improbanda sortilegia in rebus dubiis, ubi deest omne auxilium humanum, in gloriam Dei. Est enim Deus rex, omnium*
media.

mediator &c. Idem servandum in juramento. Pomeranus in Jonæ 1. sorte utiliter, quam concorditer inter se homines eligunt, ad pacem mutuo faciendam. Tunc sors Dei donum est, pacem faciens, & in charitate retinens. Sic Actor 1. de Matthia. Sic lis inter hæredes de bonis dirimi potest si sortem elegerint.

Arctius part. 1. problematum, loco 67. sortem esse in se rem adiaphoram; aliquam itaque esse licitam & honestam, quæ bono fine & forma à Deo approbata adhibetur. Eamque dividit in consultoriam & distributivam. Prior est, cum pii quid agendum sit dubitantes, Deum de futuro eventu hoc modo consulunt, ut si in eadem persecutione plures sint ministri boni & parati ad instans periculum, tamen ne omnes intereant, Dominus consulatur per sortes, quibus abire liceat, quibus manendum sit. posterior est, cum dubitamus quid cuique sit attribuendum, idque tam in distribuendis præmiis, ut in dividenda præda, quam in honoribus. Probat autem tales sortes esse licitas, ex autoritate Augustini (in Ps. 30.) & Lutheri in Jonæ 1. & quia à Deo ad bonum finem gubernantur, juxta Prov, 16. v. 33: quia à domino ortum habent & manifestam approbationem Levitic. 16. Jos. 15. quia pii his sunt usi

laudabiliter, quia faciunt ad gloriam Dei nam, inquit, pii hac quasi ultima utentes cautione, domino deferunt iudicium, ubi longius non potest progredi humana sagacitas. Quia denique in rebus politicis magnæ controversiæ & lites inexplicabiles consensu sortium finiuntur. Tandem § 6. addit quid in sortibus imprimis cavendum sit. Primum, ne facile ad sortes descendamus: sed in summè necessariis tanquam ad extremam confugientes anchoram. Deinde cavenda hic imprimis superstitio & curiositas: sed piè expectandus hic eventus à domino, ut est Proverb. 16. &c. Arcium sequitur & citat Keckermannus lib. 1. Politicæ cap. 4. & scriptor Anonymus, qui libris sex de statu civili totam politicam, ex autoribus antea editis collectam complexus est. Francofurti anno 1617. apud Egenolphum Emmelium: ubi lib. 1. discursu 12. & 47. agit de electione Magistratus per sortem. Conradus Pellicanus commentar. in Proverbia cap. 16. 33. Postquam ex hoc loco & usu sanctorum Deo astipulante probasset nec de se malum nec impium esse sortes mittere; subjicit, Hodie quoque sortibus uti liceret, si fieret in fide generalis providentiæ Dei, pro gravibus rebus, ad honorem Dei spectantibus, pro charitate & pace,

pace, quæ verbo Dei clarò alioqui discerni & absolvi non possent, prævia etiam oratione. Idem in Jonæ 1. v. 7. Nec statim debemus sub hoc exemplo sortibus credere, Gentiles erant &c. Alioqui dum res postulat, aliter non finienda, ex fide in providentiam Dei, oratione præmissa, urgente necessitate, instinctu Dei, non spiritu vanitatis, non ad tentandum Deum, sors admittitur, & sanctis quoque in usu est.

Joh. Wollebins lib. 2. Christ. theologiæ cap. 6. Sors seu sortilegium est exploratio ejus, quod cuique à Deo destinatum in divisionibus, ob componendas lites, externis signis facta. Dividit ibidem sortes in divinas & humanas.

Illarum exempla ostendit Levit. 16. Jos. 7. 1 Sam. 10. Nehem. 11. Jon. 1. Act. 1. sed nobis non imitanda, quod mandato destituamur. Hæ vero (divisorie dictæ) usurpari possunt, sic tamen ut persuasum habeamus eas à Deo regi, Prov. 16.

Joh. Piscator in Act. 1. Sortes adhibendæ sunt in rebus magni momenti: quia per eas exploratur arcana Dei voluntas. Quare qui sortes adhibent in rebus ludicris, ut hodie usitatum est in olla, quam denominant à fortuna: illi sanctum Dei nomen in vanum usurpant. Conferri possunt ejusdem notæ in

in Biblia Germanica *Proverb. 18. & Nehemias 11.*

Nobiliss. vir, *Joh. Munster à Vortlage*, scriptis theologicis vernaculè editis in Germaniâ satis celebris, *tract. de alea Paschasti Jus Belgæ. professione medici*, anno 1560. editum anno 1618, in 4. Neapoli Nemetum recudendum edidit, collectaneis tam veterum quam recentium autorum de sortibus, aleæ, taxillorum, & chartarum ludo auctiorem. Sunt autem autores illi Cyprianus, Sarisberienfis, Lyra, Petrarcha, Lutherus, Calvinus, Martyr, Marloratus, Brentius, Bullingerus, Aretius, Stuckius, Taffinus, Danæus, Toletus, Wesenbecius, Menochius, Tholosanus, Clarus, Damhouderius, Mascardus, Cujacius, Maranta, Follierius, Schneidewinus, Maximilianus 2. Respublica Nurebergensis, Ecclesiasticæ constitutiones Genevenses. Inter Jureconsultos Germanos, qui studium theologiæ, antiquitatum, literarum cum studio juris hant vulgariter conjunxit *Conr. Rittershusius lib. 8. lectionum sacr. cap. 2.* aleatores & aleæ incommoda persequitur.

Daniel Tilenus Silesius, theologus Seda-
nensis & tunc temporis inter orthodoxos satis celebris *part. 1. Syntagmatis disp. 42. §. 30.* sic statuebat: *Ut juramentorum sic sortium*

tium usus, non nisi in rebus justis & gravibus probatur. Nam utrobique divinæ providentiæ experimentum capitur. Et §. 32; Humanis seu divisoriiis sortibus piè & religiosè uti licet; quandoquidem eundem fere præstant usum, quem legitima juramenta, nempe ut prohibeantur certamina & controversiæ abrumpantur. Vide & §. 33.

Joh. Jacobus Grynæus in comment. ad Jo. næ 1. in genere definit, ritum in quo ad rei dubiæ adjudicationem, adhibitis notis, quæ non nisi ex pacto valent, Deo arbitrium permittitur. Postea subdit: si lites aliàs legitime componi nequeant, bona conscientia sortes adhiberi possunt, si modo disceptantes parati sint stare arbitrio Dei.

Theod. Thummius theologus Tubingensis in explicatione decalogi ad 1. præc. pag. 43. distinguit sortes in civilem, divinatoriam, ludicariam. Postrema, inquit, decoctoribus & suorum sudorem absumentibus nimis famularis, uti nullâ verbi divini autoritate fulcitur, ita nihil aliud quam divinæ institutionis abusus, & malitiosâ perversio est. **SORS CIVILIS** in verbo fundatur, Prov. 16. vers. 33. cap. 18. 18. quæ si legitime, in casu necessitatis, unâ cum divini nominis invocatione, eventusque à solo DEO expectatione adhibeatur, in litibus diri-

„dirimendis & sopiendis, in latifundiis &
 „hæreditatibus herciscendis, in muneribus
 „in super & muniis inter æqualiter aptos di-
 „tribuendis, insignem præstat usum, sicut
 „Testimoniis & exemplis Sacrarum litera-
 „rum comprobatur.

Ludov. Lavaterus comment. in 1. Paralip.
 27. concessis quibusdam sortibus, diviso-
 riis scil. addit hanc cautelam: *in licitis quo-*
que sortibus cautè est agendum, ne peccemus.
Idem in comment. ad Proverb. 16. & 18 &
comment. in Judic. 20. licitum sortium u-
 sum earum circumscribit, necessitate finis
 ad vitandas contentiones. Similia habet *ho-*
mil. 38. in Nehem. 11. v. 1. pag. 87. Pru-
 „denter autem sortibus usi sunt. Solomon
 „dicit Proverbiorum 18. versu 18. dissen-
 „siones quiescere facit fors, & inter fortes
 „dividit. Homines quantumvis feroces,
 „sortis decreto acquiescunt qualiscunque
 „sit. Ideo hodie quoque si periculosa & mo-
 „lesta negotia suscipienda sint, sæpenume-
 „ro sorte exploramus quis hoc vel illud fa-
 „cere debeat. Pii sciunt sortes à Deo tem-
 „perari. Proverbiorum cap. 16, versu 33.
 „In sinum projicitur fors, at à Domino est
 „totum judicium ejus. Impii fortunæ hæc
 „altribunt.

Mathias Martinius in Onomastico, divi-
 dit

dit sortes in divinas, diabolicas, humanas seu politicas. Postremas dicit esse licitas, & subdividit in. divisorias, & consultatorias: illis in rebus communibus partiendis, istas in liberis electionibus personarum licitas concedit: sed utrique hanc cautelam applicat: *nota*, inquit, *non temere esse ad sortes deveniendum, sed tum demum, cum aliter commodè res aliqua decidi aut concludi non potest*; & quidem cum reverentia Dei, citra ejus tentationem, & contemptum, sine ulla impostura. Spiegelius, & ex eo Joh. Calvinus Wetteranus in lexico juridico, in voce *fors* summa est, observari vult maximum discrimen inter sortem, quæ controversias tollit, alens concordiam præsentissimâ definitione, in quam partes consentiunt liberè; & inter sortem quæ aufert bona, parit rixas &c. Hujus, inquit, *autor Satan est: priorem Deus moderatur, ad conciliationem dissidentium animorum. Ibidem* in voce *fors*, ait eam in dubio, scil. honesto, declarare voluntatem Dei. Unde solebant olim, & jam nunc solent inter conjunctissimos, incidentes controversiæ per sortem dirimi: ibidem advocat graviter dictum, ab Augustino in Psal. 30 *fors est*, inquit, &c.

Lutherus (ad quem etiam provocant Zanchius, & Joh. Nunster, locis cit.) in Jonæ

1. v. 7. dicit *missionem sortis esse opus (N.B.) fidei*: quo tamen ex libidine & pravo affectu aliqui abutuntur nonnunquam; ut multi abutuntur juramento & potestate gladii, sed ibi vitium est non in opere, sed in persona. Paulo post negat sortem ex se esse Dei tentationem, sed, inquit, ibi duo aut tres aut plures paciscuntur & conveniunt de aliquo negotio sorte finiendo &c. Nec eligunt certam personam, sed permittunt Deo eventum. Et de hoc tantum convenit inter eos, ut ille sit electus à Deo, super quem fors ceciderit. Verùm etiam sine Deo sortem mitti non inficiamur, ut si gentiles mittant sortem, qui non credunt eam à Domino temperari, sed omnia fortunæ tribuunt, ut in tessleris & aleâ fit, & ludis illis, qui in fortunæ siti sunt arbitrio. Christianos autem aliud quiddam decet, nempe non fortunæ multum tribuere, sed credere, quod fors & fortuna Deo in manu sint, hæc omnia gubernanti, Christianos decet, certè statuere, quòd à Deo datur & eripitur, quicquid fors aut fortuna dat, vel eripit. Nam & juramenta sic præstantur & acceptantur, quod Deus creditur adesse, qui jurantem audit & videt, & pejerantem judicaturus sit. Verùm quia non præscribitur ei, quomodo judicare debeat, sed
res

res tota permittitur illi, & statur jurato.
 „Non est tentare Deum jurato parere aut
 „stare. Sic etiam in missione sortis, quia
 „non præscribitur Deo, cui dare debeat ea,
 „super quibus fors mittitur, sed permitti-
 „tur, illi sortem gubernanti, nunc mittere
 „sortem, non est tentare Deum, sed est per
 „se bonum opus, & si in fide fit, est etiam
 „commendabile, quod fit ad gloriam Dei.
 „Et cui per sortem aliquid adjicitur, is fit
 „ejus rei Dominus, & qui ei eriperet, is
 „peccaret graviter contra Deum. Nam quid
 „est fors aliud, quàm pactum, ubi de ali-
 „quâ re vel lucro inter nos convenit? ubi
 „commune subimus periculum, quo fors
 „cadat, aut feratur, ut scilicet ille habeat
 „vel careat, secundum quod par impar, vel
 „alia fors missa ceciderit, nisi quod Chri-
 „stiani hoc addunt, quod credunt à Domi-
 „no sortem, ut alia omnia temperari, &
 „gubernari, quod Ethoici non credunt. A-
 libi, in præc 7. (tom. 1. lat. Witteberg. fol. 42.)
 qui aleâ ludunt propter lucrum dicit *fures*
coram Deo.

Joh. Gul. Stuckius lib. 3. convival. cap. 22.
 exemplis, judiciis, legibus, ostendit debe-
 re à Christianis alienos esse ludos *fortune*
mutabilitati subiectos, in quo non artis pe-
ritia, ratio, consilium, sapientia, sed casus, for-
tu-

tuna, temeritas atque etiam fallacia &c. locum obtinent; ut sunt chartæ, tesserae, pyrgus &c. Ibid. occurrit exceptionibus quibusdam;
 „ tandem excusat quod tam multus fuerit in
 „ ludo hoc infectando: Sed quorsum in-
 „ quies, tam multa de alea? Propterea, quod
 „ illa otii, commestationumque plerumque
 „ comes est, atque socia, quam Christiani
 „ hodiè passim cum ingenti & publicarum &
 „ privatarum suarum rerum, fortunarum-
 „ que damno ac detrimento impune ma-
 „ gnâque cum licentiâ exercent, cum tamen
 „ & ratio ipsa & leges divinæ atque huma-
 „ næ, & sanctissimorum patrum auctoritas
 „ & ipsa experientia quotidiana hunc ludum
 „ turpem, inhonestum, impium ac da-
 „ mnosissimum esse doceat. De quo plura,
 „ qui cognoscere cupit, is legat *Ambrosium*
 „ in libr. de Tobia. cap. 11. *Nicolaum de Ly-*
 „ ra in suo præceptorio. *P. Martyrem* in lib.
 „ Judic. cap. 14. *Lamberti Danaï libellum*
 „ de alea, *Cæl. Rhodig. lib. 18. cap. 30. M.*
 „ *Mantuanam in Polymath. lib. 8. cap. 9* ubi
 „ docet ludum esse crimen, & malorum
 „ Dæmonum inventum,

Salmuthus ad Pancirollam pag. 174. ad
Pancirollæ res deperditas tit. 44. ex Jure-
consultorum consensu docet, quibus casi-
bus (quos brevitatis causâ hic non exscribo)

ad

ad sortis judicium liceat recurrere. Comuni, inquit, D D. calculo receptum est, non cuius hoc integrum esse, passim & indistinctè licere, sed tum demum cum dubium de jure vertitur, factum autem certum est. Sed de excipiendo casu ludi ne gry: quin contra exsertè & severè jure prohibitum; clericis tam rigidè, ut ne quidem eum spectare ipsis permitteretur. De quo infra. *Peucerus de divinat. tit. de sortibus pag. 398.* Non adversatur aut repugnat auctoritati sacrarum literarum, usus legitimus hujus politicæ consuetudinis sortienti. Approbant enim illæ, non abrogant constitutiones politicas, ex insitis nobis notionibus derivatas, rationi consonas & huic conjunctioni tuendæ accommodatas, qua inter se sociati copulatique vivunt homines: Et seriè vocarum Deum adesse, & gubernare illas, vel rerum sortito partitiones, vel designationes arque delectus personarum, aptarum certis muneribus, pro ut privatim singulis, & publice communi statui commodum est, ac salutare, monent exempla historiæ sacræ. Quare ad sortitiones, de Magistratibus, & muneribus publicis, à quibus incolumitas pendet, & stabilitas publici ordinis, præcipua reverentiâ accedere, & precati convenit,

nit, eas ut dirigat Deus, & quos tantis rebus gerendis idoneos judicer, ipse sorte indicet, atque eosdem instruat consilio & sapientia, & fortunet eorum industriam.

Conr. Rittershufius, qui studia theologiæ, antiquitatum ecclesiasticarum, poëticæ, utriusque literaturæ, præsertim græcæ, cum Jurisprudentiâ feliciter conjungi posse, editione Oppiani, Salviani, Isidori Pelusiotæ, Læctionum sacrarum abundè demonstravit; omittere noluit, quin cacoëthes hoc *lib. 8. lect. sacr. cap. 2* perstringeret.

Joh. Althusius, insignis inter Jureconsultos & politicos tum dogmaticus tum practicus, juxta ac eximius theologus (quod ex parte edita ipsius scripta, sed magis inedita theologica testantur) *lib. 1. de calolog. c. cx1. ludis inhonestis* annumerat, *chartarum, taxillorum, tesserarum &c. in ancipiti arbitrio fortunæ & sordibus, non in corporis vel ingenii viribus consistentium.*

J B, Schuppius ecclesiastes Hamburgensis in editâ concione de sanctificatione Sabbathi ad Exod. 20. vers. 8. -- 12. inter alias profanationes quas graviter & patheticè perstringit, Num. 7. ludum chartarum, dicit Deo pariter displicere ac inebriationem. *Ingurgitare*, inquit, *hominem replet, ludere eundem ad insaniam redigit.* Ludo per-

perdentes & lucrantes vocat *fures*. Demonstrat lufores peccare plerumque seu communiter contra omnia Dei præcepta.

Theologi Itali. Marsyr ad 1. Sam. 10. v. 19. Omnes sortes distinguit in divinas, consultorias, divisorias; & disquirens de opinione Hieronymi & Augustini, quorum ille omnem usum sortium repudiabat, hic aliquo in casu concedebat; cum posteriori determinat, additâ hâc cautione, *ne temere ad sortes veniamus* &c. & nisi necessitas cogat. *Necessitas autem judicanda est, si quid occurrat quod faciat ad gloriam Dei, aut ædificationem ecclesiæ, quod humanâ prudentiâ despiciere non possis. Ita fratres inter se dividunt hæreditates, & Romani olim, ut dissidia tollerentur, sortiri solebant causas. Proximum est, ne quid temere fiat: oportet enim ad sortes accedere religiosè & reverenter.*

Zanchius de oper. redemptionis lib. 1. cap. 17. thesi 5. pag. 474. Omnes sortes distinguit, in divinas, diabolicas, politicas. *Illas* definit, quæ cum invocatione Dei pro rebus & negotiis divinis jaciuntur, & quarum eventus à Deo revelante expectatur. *Istas*, quarum exitus, à Diabolo immediatè, aut indirectè & mediatè cœlorum scil. dispositione expectatur. *Hæc*, quæ pro

H

rebus

„rebus politicis suscipiuntur, ita tamen, ut
 „etiam harum eventus à Deo expectetur,
 „qui sua manu illas moderatur, ut ait Sa-
 „lomon Proverb. 16. *Sortes jaciuntur in*
 „*sinum, sed à Domino est omne illarum ju-*
 „*dicium.* Quales sunt sortes, quibus in divi-
 „dendis hæreditatibus aliisve rebus utimur:
 „aut quibus sortimur in consiliis & Magi-
 „stratibus eligendis. Hæ sortes damnari non
 „possunt, modò absit temeritas primò.
 „Non enim ad sortem veniendum est, nisi
 „ubi necessitas urget. Nam alioqui cedunt
 „in contemptum Dei, & tentatur Deus cùm
 „ordinariis mediis neglectis, miraculum à
 „Deo expectamus. Secundò, absit irreve-
 „rentia nominis Dei. Est enim invocandus
 „Deus etiam in his sortibus, quemadmo-
 „dum videmus servatum fuisse à viris piis in
 „sacris literis. Idem in tract. de divinatione
 pag. 95. edit. Hanov. in 8. *Peccant ergo,*
qui pro quavis re levissimâ, vel etiam tur-
pi sortiuntur, ut passim, præsertim apud
Papistas fit. Nisi enim res sint quæ ad glo-
riam Dei, vel ad ædificationem ecclesiæ,
vel ad publicam pacem & bonum, vel deni-
que ad fraternam caritatem faciant, de illis
sortiendum non est.

Et pag. 81. *sortibus uti est Dei institu-*
tio, & iudicium Dei appellatur in scriptu-
ris,

ris, estque ceu ius naturale omnium populorum consuetudine confirmatum.

Et pag. 85. definit sortem, quod sit *actio humana, certis quidem rationibus constans, ad incertos autem diversosque exitus, Numinis iudicia atque arbitrio exposita, idque ut ex ejus eventu, aliquid vel prorsus occultum nobis innotescat: vel controversum inter nos componatur.*

Et pag. 86. Minus honesti (sortitionis modi), ut talos & tesseras jacere, ut chartulis depictis, sicuti vulgò fit ab impiis, ludere.

Joh. Deodatus in notis ad biblia Italica Proverb. 16. 33. *Deus dirigit per suam providentiam omnem eventum sortis, adhibitæ scil. legitime & in rebus necessariis; quæ est tanquam suprema iudicis sententia.*

Inter Theologos Belgas, Andr. Ger. Hyperius, in part. 2. opusculorum theologic. tract. de probatione sui ipsius cap. 4. pag. 434. *Ludens pecuniâ. Num ludum aliquem vetitum usurpavit, quales sunt aleæ &c. Josias van Houten, Godefr. Udemans aliique in interpretatione decalogi. Instar omnium sint Taffinus, & Wilb. Teellings. Ille in libro de emendatione vitæ lib. 2. c. 19. ubi omnibus ludos illos horrore & detestationi esse debere contendit. Iste in Necessaria demonstratione lib. 5. cap. 121. ubi inter pec-*

cata adversus 3. præc. numerat : *aleis & chartis ludere abutendo providentiâ divinâ, & per ludum sortes mittendo.* Ibidem improbat vulgò dictas *loterias*. Qui liber à facultatibus theologicis Leidenſi & Franequeranâ approbatus eſt, ſubſcriptis nominibus *Polyandri, Riveti, Walei, Thyſii, Amefſii, Schotani, Sixtini Amama, Hachtingii*. Idem *Teellings* vernaculo libello *precationum*, inferuit unam contra luſum aleæ & chartarum. *Lucas Trelcatius junior* Theologus Leidenſis in *antidoto peſtis* p. 518. edit. in 8. inter peccata iram Dei concitantia juxta ordinem decalogi recenset *deceptiones per luſus alearum illicitos*. Nota, luſus illi eſſe illicitos. Inſiſtebat ſcil. comuni doctrinæ & praxi miniſtrorum in Belgio, præſertim piſſimi parentis ſui, in eâdem eccleſiâ Gallobelgicâ & Academiâ prædeceſſoris. *Daniel Souterius* in ſuo *Palamede* lib. 3. cap. 8. cui talem titulum præponit. *Chartarum luſoriarum ludi ſcurriles*. Et caput ſic inchoat: *Chartæ luſoriæ fortuitæ ſunt, & à perditis hominibus inventæ, qui quamvis noſtro quoque ſæculo damnen- tur adeo, ut piaculum videatur, illis tamen luditur.* lib. 2. cap. 5. vocat *ludum inhoneſtum*, orthodoxis patribus merito inviſum. cap. 9. eſſe *damnandum, turpem, & Chriſtiano*

stiano homine indignum, infamem, flagitium.
 cap. 10. ex Cujacio ad Cod. lib. 3. tit. 43.
Est autem non leve crimen, si quis vetita lu-
serit alea; cujus odio multa singulariter re-
cepta sunt: Ibid. pag. 190. præter alios fla-
gitiis pollutos, aleatores à cæna domini quo-
que arcendos esse cap. 11. aleæ lusum con-
temnendum, Deoque summopere displicere:
 Lib. 3. cap. 1. *aleæ fritillique lusum ex albo*
honestorum ludorum expungimus Cap. 10.
Apud nos sexcenti sunt modi ludendi ad a-
leam: est enim alea omnis ludus, qui in va-
rietate fortunæ constat. Et hanc inter com-
plures alias rationem adfert lib. 2. cap. 5
Omni no hic ludus aleæ, patrum sententia ve-
hementer improbatur, ut pote qui ludus
fortunæ mutabilitati maximè subiectus est,
ac in quo non artis peritia, non ratio, confi-
lrum, aut sapientia, sed casus, fortuna, te-
meritas, fallacia, dolus, atque astutia locum
obtinent.

Antonius Waleus part. 2. operum pag. 103.
A Deo est tota ratio, judicium ejus, id est,
sententia, quæ quasi per sortem pronuntia-
tur, ut lis finiatur. Confer ejusdem appro-
bationem libri Teellingii modo relatam,
Spanhemius Genevensis postea Leydenfis
Academiæ Professor part. 2. dub. euangel. p.
223. fors est vox Dei.

Belgis theologis adnumerari debent, qui extranei quidem, sed quia in Academiâ Leidenſi docuerunt, tanquam communes Belgarum præceptores habendi. Quales *Danæus*, *Fr. Junius*, *Rivetus* modo citati. Illis adjuuge *Amesium* ſupracit. qui in Acad. Francqueranâ Medullam ſuam, & Caſus conſcientiæ edidit, ibique cauſam hanc ex profeſſo egit. Nec prætereundus *Joh. Cluſo*, in *idea theologiæ*, quam autoritate theologiæ facultatis in Acad. Francqueranâ publicè examinandam propoſuit, ubi *diſp.* 41. §. 31. cum *diſp.* 42. §. 19. haut obſcurè huic ſententiæ ſe favere oſtendit.

Eccleſiæ in Poloniâ & Lithuaniâ in ſynodo generali Wlodiſlavienſi a. 1583. artic. 7. oſtenderunt ſe aleas non numerare inter adiaphora. Cum, inquit, *multiplicata ſint gravia ſcandala & enormia vitia, ebrietas, comeſſatio, prodigalitas, ludi alearum & chartarum, avaritia, uſuræ, oppreſſio ſubditorum, erga proximos iniquitas non reddens cuiſlibet quod ſuum eſt, circumventiones, debitorum non ſolutiones, crudelitas, faſtus, veſtitus luxurioſus, choreæ, ſcortatio &c. & his ſimiles abominationes ac peccata verbo Dei contraria, & plurimum mali ſecum vententia &c.*

Ex ipsis Pontificiis aliqui, sive prudentes sive imprudentes, suisque (fortè & sibi ipsis) contradicentes, haut obscure ludum nunc rejiciunt. *Thomas 22. qu. 95. art. 8. & opusculo 25. quod est de sorte cap. 6.* necessitatem in usu sortis requirit, & exsertè de ludo taxillario pronuntiat, *quod non careat vanitate.* *Jesuita Bænardius in comment. ad Ether. 3. v 7. pag. 142.* ad quæst. propositam, *Quotuplex fors, quæ licita. quæ illicita.* Adverte tamen licitum esse sortibus uti, quando humanum consilium non suppetit in re ardua & anticipi. Tunc enim merito sperare quis potest Deum sortes illas moderaturum juxta illud Proverb. 16, vers. 33. *Sortes mittuntur in sinum, sed à Domino temperantur:* hoc tamen casu magnâ cum reverentia & submissa ad Deum precatione utendum. Quod certius est, quando ad hoc excitat divina inspiratio, ut accidit Josue cap. 7. ubi Achan proditus est reus sublatis anathematis judicio sortium.

Glossa juris canonici ad c. *Quod autem* 26. qu. 2. Sortes omnes distinguit in licitas & illicitas. *Illas* describit, *quæ fiunt ex necessitatis causa*, ut si contentio esset de electione aliquorum &c. cum enim non superest

humanum auxilium, tunc possumus recurrere ad divinum auxilium.

Thomas 22. qu. 95. artic. 8. quem sequitur Iohannes Nider in tract. de lepra spirituali part. 2. cap. 1. à sortibus damnatis excipiunt eas, quarum iudicium expectatur à Deo, ut dicitur Proverb. 16. Et tales negant esse illicitas. Potest tamen, inquit, in hoc quadruplex peccatum incidere. Primo si quis absque ullà necessitate ad sortes recurrat: quia per hoc videtur Deum tentare. Secundo si quis etiam in necessitate absque reverentiâ sortibus utatur. &c. Similem limitationem complures immo plerique alii (quod sciam) adhibere solent. Aliter tamen glossa ad cap. 2. 26. qu. 2. & cum ea Angelus de Clavasio in summa, ad quaestionem, Utrum sit licitum uti sorte in aliquo casu, respondet, sortem divisoriam esse licitam quando expectatur eventus ex fortuna solum: & non sit aliqua superstitio, & in rebus temporalibus solum. Grassius paulò melius lib. 2. cap. 4. sortes divisorias dicit licitas, si à Deo ipsarum speratur directio: scriptum est enim contradictiones comprimis fors Prov. 18. Si vero à fortuna dirigendæ sperantur, vanum quidem refutabitur, sed non superstitiosum, ideoque nec mortale peccatum. D. Thomas & Cajetanus probant 22. qu.

qu. 95. a. 8. Josephus Augustinus Jesuita in brevi notitia eorum quæ confessariis necessaria &c. Antwerpiae 1646. ad 1. præc. Nam sortes divisoriae quibus aliqua res dividuntur in plures, non sunt per se illicitæ præcisè, nec sortes consultoriae, quando subest probabilis causa, & expectatur à Deo humiliter electio, cum aliter fieri commode nequit.

Sixtus Senensis l. 5. bibliothecæ annot. 466. ad quæst. num sortibus uti liceat, Respondet ex Thoma per distinctionem sortium in eas quæ piè & religiosè, & in eas quæ superstitiosè & impiè tractantur & exercentur; atque ita controversiam tollit, quæ inter Augustini concessionem & sacri canonis prohibitionem versari videtur. Hinc sequitur ludicras ad prius distinctionis membrum referri non posse: cum non habeant quinque conditiones, quas ibidem ad sortes licitas requirit; quarum 1. ut rei propositæ divisio, vel consultatio & prænotio, à solo Deo sortium direttore, expectetur. 2. ut non nisi compellente necessitate sortes exquirantur. 3. ut non nisi præmissis ad Deum precationibus tententur. 4. ne divinis oraculis ad sortium inquisitionem abutamur. 5. ne sortibus abutamur in electionibus ecclesiasticis. Andreas Masius, præter verba supra ad thesin citata, hæc habet in Josuæ 7. Neque il-

la sortes sunt ferendæ, quibus male religiosum vulgus ad suas nundinationes, & ad quæstum faciendum divina oracula sollicitat. aliud est, cum de compacto fortunæ alea sollicitatur. Eas enim solas sortes (nota) benigno suo nutu regere & temperare existimandus est Deus, quæ pro re nata ad publicam aut privatam hominum salutem procurandam, aut Dei gloriam illustrandam, iusta cum reverentia & religione committuntur divino arbitrio.

Tostatus episcopus Abulensis comment. in Levitic. quæst. 13. Quamvis disputet sortes imperfectionem aliquam inolvere, & ideo sub V. T. tantum adhibitas fuisse, tandem tamen concedere cogitur: *Cum aliquid per sortes factum est, nisi fraus aliqua intercedat; rationabiliter existimamus hoc specialiter factum à Deo.* Et postea infert, ecclesiam nunc non uti sorte, nisi in casibus quibusdam specialibus, in quibus, inquit, aliter discerni non potest.

Lessius lib. 2. de Justitia & jure cap. 26. dubit. 1. quamvis laicos & clericos per contrariam consuetudinem, à peccato & condemnatione canonum 41. & 42. Apostolorum (ita dictorum), & cap. clerici, de vita & honest. clericor & Concil. Trid. sess. 22. c. 1. de reform. juxta laxam & consuetam suo-

rum casuisticam absolvat; tamen vim veritatis continere non potuit, quin de legibus Justiniani, *lib. 1. § 3. C. de aleatoribus* pronuntiaret: *Ex quibus apparet, quanto meliores fuerint in hac causa mores illius ævi, quam hujus.*

Martinus Del Rio lib. 4. disquis. magic. cap. 4. qu. 1. ubi quatuor conditiones in divinatoria sorte servandas dicit, *ut in illis nullum intercedat peccatum*: Primo debet
 „ eventus à Deo expectari, & non à casu
 „ vel fortunâ, vel astris, quare & Deus in-
 „ vocandus juxta illud; *in manus tuas sortes*
 „ *meæ* (nota citari textum ex *Pj. 31.*
 „ juxta vulgatam versionem.) Si quis certò
 „ eventum expectaret ab astris vel fato,
 „ (sumto, ut sumunt Stoici & Astrologi)
 „ mortaliter peccaret; si à casu vel fortunâ,
 „ fortunam non ut Gentiles (nam tunc esset
 „ mortale & tale idololatricum) sed ut Chri-
 „ stiani sumunt Philosophi, accipiendo, in
 „ re gravi, foret veniale, in re levi vix
 „ (NB) esset peccatum. *Paulo post, quar-*
 „ *tam conditionem sic proponit*: Præcipua
 „ intentio debet esse, ut auferantur lites,
 „ discordiæ, querelæ, invidiæ: quod nos
 „ docuit Salomon *Proverb. 18. v. 18.* quare
 „ si aliter concordia posset iniri, res fortis
 „ non esset committenda: sin aliter nequit

H 6 „ discor-

„ discordia sopiri , bonum pacis sortem
 „ permittit his conditionibus. Et exempla
 indicat ejusmodi necessarii usus , in militiâ
 quando inter plures pariter reos fors divi-
 dit , qui necandi , qui liberandi. Et tempore
 tempestatis , quis navi ejiciendus , & tem-
 pore pestilitatis , quis parochorum manere
 debeat , & tempore famis cui cedere de-
 beat eleemosyna. Citatque ibidem insignem
 epistolam *Augustini ad Honoratum* 180. &
lib. 1. de doctr. Christ. cap. 28. Si ergo ali-
 quo in casu , ob necessitatem ad mala evi-
 tanda , ex ipsius sententia , permitti potest ,
 utique lusus illi ad minimum ad facta otiosa
 & ad promptas malorum occasiones referen-
 di , & consequenter non minus , quam
 verba otiosa (*Math. 12. v 36.*) vitandi. Equi-
 dem non video quomodo sortes ludicras ,
 à vanitate excusare queant , convenienter
 determinationi *Thomæ loc. cit.* ubi casum
 necessitatis in divino iudicio per sortes cum
 debita reverentia implorando requirit ; &
 expectationem eventus à fortuna ab accu-
 satione vanitatis liberare non audet: *Job. Sa-*
risberienfis Episcopus Carnutensis (qui flo-
 ruir circa annum 1177.) in *Polycratice de*
nugis curialium lib. 1. cap. 5. Inter alias
 rationes contra aleam , & hanc proponit:
Quis enim non erubescat si sortis suæ gra-
tiam

tiam non virtuti debeat, sed taxillis? Quis fritillo cautelam suæ prudentiæ non doleat anteponi? Nonne satis improbata est cuiusque artis exercitatio, quâ quantò quisque doctior, tantò nequior. Jodocus Clichtoveus tract. de vitâ & moribus Sacerdotum cap. 19. aleas & taxillos, & chartas lusorias, numerat inter ludos turpes & inhonestos. Et fol. 130. 6. (edit. Paris. in 16. 1549.) quantumvis rarenter factus ille ludus, immo & semel suapte naturâ damnabilis est, & gravi semper obnoxius peccato. Et quamvis fol. 132. quasi sibi contradicens aliquantulum labascet, ibidem tamen sic finit: Certè à plerisque cum à modicis inceperint ludum pro animo relaxando, interdum jam luditur alea pernox &c. Quæ incommoda si quis devitare velit (velle autem debent omnes) ne hujusmodi ludis sorti fortuitæ subiectis unquam se exponat, summopere laborare, quoniam facile illis inviscaretur. Theodericus Grefemundus, & ex eo Nicol. Serarius lib. 5. rerum Moguntiac. in Adolph. 1 pag. 863. in descriptione cujusdam xxi' iğoxlw improbi: fuit autem appetentissimus ludî (aleæ scil.) ex quo pleraque vitiorum genera, tanquam vermes è putri cadavere ubertim erumpunt, præcipuè vero impietas erga Deum inde nascitur &c. Antonius

Verdier part. 1. variar. lection. lib. 6. c. 6. dicit ludum alexæ & chartarum admodum malè convenire viro honesto, seu honorato : & nullum tempus pejus impendi & perdi quam tali ludo. Taxat ibidem scriptorem, qui Gallico poemate tit, *epeno-peptie* ludum hunc decantarat : exemplis, legibus, rationibus ad ludi hujus detestationem allatis inter alia exemplo cujusdam Curii ex *Asconio Pediano in orat. Ciceronis c. Antonium*, subjicit : *Hoc allego, ut monstrem, omnes lusores voluntariò esse vitiosos.* Et paulo post, allegatâ opinione Herodoti, de Lydiis sortium ludicrarum inventoribus, concludit : *Quomocunque sit, & quisquis fuerit inventor, Diabolus hoc illi suggestit, & in mentem dedit, ex invidia, quâ fertur in genus humanum, ut quietem hominum turbaret, & alios induceret ad insaniam & ἀναισθησίαν, alios ad desperationem ; alios ad sui suspendium. Ita ut inventio fuerit perniciosissima ob effectus qui sequuntur, & quotidie eveniunt.* Possem huc advocare *Rovenium de Republ. Christianâ p. 477. Molinam de Justitiâ & jure, Buseum in Panario, Thomam & Mallerum loc cit.* aliosque complures, qui vel sortes ludicras fugiendas & detestandas docent, vel nullam sortium usum admittunt nisi

nisi in necessitate imminente, ubi cum debita reverentia divinum iudicium sortibus imploretur (sic Thomas loc. cit.) vel in sorte divisoria directionem sortis à Deo exquiri, & magnâ Dei providentiâ etiam temere missas sortes temperari, (sic Malderus) objicientibus respondent: vel ludos illos vitia, crimina, & flagitia appellant (vide Car. Musart. supracit.). Sed hætenus allata sufficient. Ad cumulum accedant, vituperia & condemnationes aleæ apud Gentiles, quæ indicata vide apud Aretium, Stuckium, Souterium, Taffinum, Danæum, Joh. Munsterum &c. Illis jungatur Muhammedus, qui quamvis impurissimus & stolidissimus, subinde præcepta ex ratione & honestate naturali deducta inspargit: quale hoc cap. 5. seu *Suratâ* cui tit. **אַלְמַאִירָה** i.e. *mensæ* (in vulgata versione latina est cap. 13.) ferè sub finem, ubi bis in forma prohibentur ludi sortis, tanquam *impuritates Diaboli*, per quas cultum Dei impedire & odia atque inimicitias in hominibus excitare conatur. Ex hoc edicto nata est apud Arabes Muhammedi sectatores vocis *itsm*, id est, *crimen*, *nefas* peculiaris significatio, quâ alea denotatur: uti ex lexicis Arabum à Golio observatum. Nec prætereundi Thalmudistæ, qui in Mi-

schna

schna *Sanhedrin* cap. 3. §. 3. a judicio causæ pecuniariæ inter alios rejiciunt **בְּקוֹבִיא הַמִּשְׁחָק** 1. *ludentem cubo seu aleâ*. Rationes in Gemara variæ adferuntur : inter eas, quod acquisitum alea injustè acquisitum sit, quamvis contractus aliquis intercedat : est enim, uti loquuntur, *asmachta*, quod interpretatur *Seldenus lib. 6. de jure Sc. cap. 11. contractum imperfectum & qui ex fortuna pendet*; & *Cochius in comment. ad Sanhedrin pag. 27. ex Davide de Pomis: votum aut fiduciam inanem & temerariam*; Buxdorfius in *Lexico. fulcimentum sed leze, ex accidenti quodam desumptum, quod plene non probat. Maimonides part. 4. tract. Gifila*, ludentem aleâ, dicit esse raptorem. Vide *Lexicon Buxdorfii in voce בְּקוֹבִיא*. Imprimis notandum quod ex iisdem *ibid. pagin. 28. repetit Cochius: aleatorum tunc probari resipiscentiam aiunt; quando fractis fritillis, ne pro nihilo quidem ludunt*. Atque ita etiam Gentilibus, Muhammedistis, Judæis supra alios ludos stigmatizatur ludus ille : qui an à Christianis temporis fallendi causa exerceri, quin & peculiaribus libris tantâ cum contentione sine scandalo defendi possit, judicent Christiani. Monemus saltem omnes si icos Prophetarum, ne quod pueri in scholis ex Catonis senten-

tius

tiis magno Scaligero tantopere laudatis, benè didicerunt, *aleas fuge*, id juvenes in Academiis, aut viri in sacro ministerio constituti ex paradoxi alicujus alearum patroni velitatione turpiter dediscant.

Breviter Casuistæ, Canonistæ, Concionatores eorum, quidquid incrustent, tacitè aliquod *impurum* coguntur agnoscere (quod illi forte *peccatum veniale* appellarent) dum ea jure canonico omnibus clericis, & statutis regnorum quorundam, ex gr. Hispaniæ, & ibi Academiæ Salmanticensis, (teste *Car. Musart. loc. cit.*) omnibus Laicis prohiberi agnoscunt: dumque tam periculosum, & tot tantisque malis obnoxium clamant, apud *Antoninum in summa. Lyram in præceptorio, Diez in summa prædicantium*: dum denique ludum talem à ludo schachico, torneamento, hastiludio, cursu, &c. distinguunt, quod in illo totum fortunæ committatur, nec virtus corporalis, aut humanum ingenium exerceatur, nec aliquid addiscatur, quod sit utile Reipublicæ, apud *Richardum de Media villa ad anacr. sequ.* Adeo ut iis applicari debeat, quod Cajetanus in quodlibetis tit. de delectatione morosa fol. 149. edit. in 8. Hujusmodi memoriæ (viduarum scil. de conjugali actu præterito) communiter sunt peccata venialia:

venialia: quia carent piâ necessitate & utilitate. Similiter ferè Sylvester de ludo aleari tit. ludus §. 4. Dico quod hic ludus non est peccatum, vel est veniale, quando luditur aliquid modicum causâ recreationis, vel convivii. Et in hoc omnes Doctores conveniunt, saltem quod ad Laicos. Non possum præterire sententiam Hieron. Savanorolæ in E-ruditorio confessorum an. 1510. Parisiis edito: ubi ad 8. præc. sub titulo, de ludo sic loquitur: Porro qui faciunt chartas & taxillos non debent absolvi, nisi desistant ab hoc opere, & à talium venditione. Unde constat, quantopere hunc ludum fugiendum & detestandum arbitrentur, supra omnes alios, à quibus absunt sortes.

GISE. VOETII.

Consecr. I. Itaque ludis illis abstinendum, quia sors ad terminandam controversiam (ferè ut juramentum) peculiarem infert respectum ad Dei specialem providentiam. Atqui illa reverenter in rebus necessariis, cum alia media non suppetunt, usurpanda est, non verò temerè, aut in lufibus; ut iam dictum est.

THOM. GATAKERI.

I. De Sortis respectu, quem habere fingitur, ad providentiam specialem; deque paritatis ratione, quam ad juramentum obui-

obtinere censetur, *Ad Amesii Thesin* 2: 9. 23. dictum est; & in *Tract. de Sort. c. 7. §. 8.*

2. Ludis illis in universum abstinence per me licet. Verum hâc ratione cur abstinence, nulla prorsus est ratio.

3. Scire pervelim (*nam mysteria mera & ænigmata in materia ista mihi hîc loquuntur*) Dei providentiam specialem usurpare quid sit. Siquidem formula ista mihi hætenus inaudita, nec apud scriptorem ullum, vel sanum, vel insanum, etiam uspiam reperta.

ANACRISIS X.

§. *De sortis respectu quem habere fingitur ad providentiam specialem*] Non tinxerunt præstantissimi nostri Theologi, inter quos censoris populares modo cit., sed satis evidenter demonstrarunt. Quibus nihil opponitur, nisi coccyismi partim simpliciter negantes, partim meram contingentiam iterantes. Nos supra *anacr.* 1. 3. § explicuimus, quomodo *specialis* Amesii & aliorum, & *immediata* Episcopi Downami providentia sit accipienda. Quam benè Amesii theses 2. 9. 23. refutatae sint, videbit eruditiss. ejusdem hyperaspistes.

§. *Deque paritatis ratione, quam ad juramentum* [Sc.] Ante Amesium & me ex natura

natura sortis divisorie & doctrinâ Augustini
 comparisonem inter terminationem con-
 troversi per juramentum & per sortem in-
 stituerunt Oecolampadius, Lutherus, Fr. Ju-
 nius, Tilenus, *anacr.* 9. cit. Quin ipse
 censor *ad* 23. *thesin Amesii* fatetur; *ab aliis*
sepe hoc inculcatum. Sed illi omnes tan-
 quam *οὐκ ἀνίστασθαι*, quia pro aleâ non
 contendunt. Quid censor contra? In
 me verborum nihil, in Amesium aliquan-
 tulum: quo nos ablegat. Sed eum eruditus
 Theologus jam vindicavit. Quandoqui-
 dem ergo vacuus ad me accessit, vacuus
 dimittetur.

§. *Ludis illis in universum abstineatur per
 me licet &c.* Figura fortè est indignatus,
 qualis ferè illa apud Virgilium.

*I, sequere Italiam ventis, pete regna per
 undas.*

Quod si seriò tale quid agitare placuisset,
 debuisset saltem, missâ aut sepositâ ratione
 ab abusu nominis divini desumptâ, aleam
 cum magistris morum antiquis, reforma-
 tis detestari ob rationes communiter ab o-
 mnibus allatas. An non videbat in Angliâ
 apud purpuratos, aulicos, studiosos, e-
 piscopos, ministros, ditiores cives & mër-
 catores hoc malum aleæ ita fervere, ut
 ipsius aliorumque Theologorum scriptis
 & con-

& concionibus homines potius sufflaminari deberent, quam concionibus & scriptis elencticis Mars aleatorum accendi. Cerrè longè melius hominum conscientiae & saluti consulisset, si emissæ egregiæ concioni in *Amos*. 6. v. istorum aliorumque vitiorum illic nimis quam grassantium detestationem submisisset. Sic factitârunt Cartwrightus, Fennerus, Perkinsus, Joh. Downamus, Balmfordus, Boltonus aliique complures, quorum memoria est, eritque apud pios in benedictione. Sed noluit censor aut non ausus fuit inveteratam consuetudinem, & malum benè positum movere, ne magnis nominibus in Republ & ecclesiâ illâ inequitare videretur, fortè & se ipsum redarguere.

§. *Scire pervelim (nam mysteria mera & enigmata &c. mihi hicce loquitur &c.)* Talibus scilicet lusibus justâ refutatione defungi se putavit, Sed *formulam istam*, ait, *sibi hætenus inauditam, nec apud Scriptorem sanum aut insanum &c.* Fortè parum in lectione Theologorum versatus fuit, quippe contentus in se nascentibus bonis. Si consulisset Catechistas, aliosque interpretes primæ petitionis : *Sanctificetur nomen tuum*; & tertii præcepti : *Non usurpabis nomen Domini Dei tui in vanum*, facile

cilè ænigma hoc meum evolvere potuisset:
*Sors peculiarem infert respectum ad Dei
specialem providentiam : Atqui illa reve-*
renter in rebus necessariis , cum alia media
non suppetunt , usurpanda est. Quid hic
tantopere ænigmaticum ? Advocare , sive
verbis sive ipso facto , Dei specialem seu
singularem providentiam , ad Dei iudicium
& sententiam immediatè per casum sortis
pronuntiandam provocare , eamque ex-
spectare , ut ex pacto speciali & secundum
communem naturam sortis , sine ulla re-
vocatione aut ulteriori provocatione , in
eadem acquiescas , (in hoc enim forma-
lem rationem sortis ex *Proverb. 16. & 18.*
Actor. 1. Josuæ 13. 1 Paralip. 24. colla-
to naturæ lumine , gentium consensu ,
& auctoritate Augustini præstantissimi
scriptores *anacr. 9* citati constituunt) est Dei
nomen , Dei specialem providentiam
reverenter usurpare : contra verò per lu-
dum & jocum providentiam & senten-
tiam Dei ciere , est advocatam & adhibi-
tam Dei determinationem ac sententiam ,
& consequenter Dei nomen irreverenter u-
surpare. Epicureos , & ex fortunâ Deam
facientes hic nullo numero habeo. Loquor
Christianis , & quidem reformatis : qui
stupido , inepto , & scandaloso illi effu-
gio

gio de vaga & ἀόριστῃ contingentia, quæ sola in sortitione dominaretur & respiceretur, sic non debent adhærescere, ut tandem per solidam consequentiam in casses Epicuri aut cultorum fortunæ compingantur. Conferatur ex elementis Logicæ aut Metaphysicæ definitio contingentia, cum qualicunque definitione sortis licet ex jure divino, naturali, gentium, civili, & judicent tyrones Logicæ, an eadem sit utriusque ratio formalis. *Infanti* hæc in parte *scriptores*, censori nostro sunt, non tantum Amesius, & ego, sed & omnes illi doctrinâ ac pietate in reformatis ecclesiis celeberrimi, qui tanquam nobis ὁμόψηφοι supra adducti sunt, quales Lutherus, Aretius, Zanchius, Junius, Perkinsus, Cartwrightus, Lavaterus, Danæus, Rivetus, Waleus &c.

G I S B. V O E T I I.

II. *Quod si quis in Conscientia de abusu nominis divini non satis evidenter convictus est, tamen debet abstinere à re minimè necessaria aut ad exercitium animi corporisve nullo modo aut non admodum utili propter dubitationem suæ conscientia; tum propter mala & incommoda, quæ ludos illos perpetuo aut ut plurimum comitantur (est enim ab omni occasione & specie mali abstinendum) inprimis si lucri causâ ludatur; tum propter*
scan-

*scandalum, & ludorum istorum infamiam
apud Gentiles pariter & Christianos.*

THOM. GATAKERI.

1. Si quis in Conscientia sua hæret ambiguus, abstineat omnino necesse habet. Optimum enim illud Gamalielis monitum in *Pirke Aboth* c. 1. §. 16. הסתלק מן הדבא *Abstineas te à re dubia.* Tutissimumque illud cautissimi cujusque præceptum, *Quod dubites, ne feceris.* *Plinius min. lib. 1. Epist. 18.* Cæterum cur quisquam de Sortis ludicræ usu ob rationes hætenus adductas ambiguus hæreat, ego causam nullam video. Vide *Tract. de Sort.* c. 8. §. 18.

2. Ubi malorum atque incommodorum istorum periculum fuerit, aut à facto scandalum oboriturum, quis non abstinendum pius censuerit? Ita tamen ne superstitione mens constricta teneatur; neque de sortem in re levicula quoquo modo usurpantibus, censura iniqua & Christiana minus feratur. Sed & de hoc fusius egimus *Tract. de Sort.* c. 8. §. 17. & c. 9. §. 6.

3. Alexæ chartarum usum simplicem causâ animi usurpatum apud vel exteros, vel Christianos infamem fuisse, haud verè dicitur. Vide *Tract. de Sort.* c. 8. §. 13.

ANA-

¶ *Cæterum cur quisquam de sortis ludicræ usu ob rationes hæcenus adductas ambiguus hæreat* [Ec.] Viderunt tot tantique viri, *anacr.* 9. & 12. designati. Si quis, ut sibi ipsi, aut viris in autoritate constitutis parcat (nam propter infimos ex plebe vix credo bellum hoc aleatorium contra pios Theologos jam indicatos suscipiendum) aut decorè hæc communis consuetudinis & conniventiae peccata dissimulare queat, videre nolit, quæ solis quasi radiis scripta sunt, is moderationis palmâ fruatur, audiatque supra alios sui ordinis homines, Theologus politicus, moderatus, prudens, lenis; cereus, denique omnis homo, qui tamen pro suæ moderationis *τιμω* plerunque acerrimum se ostendet præliatorem. Exempla nobis dederunt Remonstrantes: nec hodierna desunt. Videantur libelli pro Philosophiâ Cartesianâ, & pro sabbathi hebdomadalîs ceremonialitate contra ejusdem confessionis Theologos, emissi. De censore nostro pro aleâ tantopere exardescente, ad inspectionem libellorum in Amesium & me, censeant lectores non aleatores.

§. *Ubi malorum* [Ec.] *aut à facto scandalum oboriturum* [Ec], *quis non abstinentum* [Ec]. Ita tamen ne superstitione mens

constricta teneatur, neque &c.] Verba hæc aliquam συγκατάβασι & zeli aleatorii remissionem sapere videntur. Hoc ergo serio urgendum saltem fuisset, hoc vivâ voce & scriptis ἐνκαίρως ἀκαίρως proclamandum, grassanti tunc illic (Anno 1638.) epidemico morbo, hortatione & proprio exemplo occurrendum. An censor hoc præstiterit, me latet. Saltem scripta ejus nihil tale indicant. Sed dicat quis, *mentem à superstitione, quâ alioquin constricta teneretur, liberandam fuisse.* Hunc scilicet vindicem liberanda veritas expectabat. Quasi homines in alterum extremum certatim non contendissent. Proterantur gravamina orthodoxorum Pastorum, querelæ piorum, decreta Synodorum & Academiarum, ex quibus de superstitionis periculis constare possit. Talibus excogitatis commentis & μορμολυκείοις plerumque mundi vanitatibus patrocinium quæritur, & hominibus carni plusculum indulgentibus huic sæculo velificantibus pulvilli consuuntur.

§. *Neque de sortem in re leviculâ quoquo modo usurpantibus, censura iniqua &c. feratur.*] Si periculum sit incommodorum, quæ ego retuli, aut à factò scandalum oboriatur, quomodo erit iniqua aut minus Chri-

Christiana censura? Si quis videat concionatorem, vel ipso die dominico aleâ ludentem, an non absque iniquitate illi suggerere posset, *Vae mundo à scandalis* Sc. Matth. 18. coll. cum 1 Corinth 8. v. Hoc si censor fecisset, cum tanta illic aleatorum inter ministros & aulicos, aliosque esset frequentia, utique nihil absurdi, nihil superstitiosi commisisset. Non est prætexendus metus superstitionis aliquando fortè venturæ; cum contra ingruentem & inundantem epicureismum & securitatem clamandum est, & non clamamus; quin & clamantes cum Jeremia, Micha &c. impedimus.

§. *Aleæ chartarum usum simplicem causâ animi usurpatum* Sc. infamem fuisse haud vere dicitur Sc.] Verba mea ita se habent; tum propter scandalum, & ludorum illorum infamiam apud Gentiles pariter & Christianos. Resp. 1. De infamia si ex suo cerebro crisi quam instituere voluisset, cum Jureconsultis experiri debuisset, quos in propria vocum acceptione præceptores hic agnoscimus & sequimur. Audiatur Cujacius l. 9. observat. c. 28. *Lenticulam aleæ condemnatam Cicero quasi infamem notat, & aleatorum nomen infame censetur l. 26. de injuriis L. fugitivus D. de aleator. Propter quod se tesserarios appellari malunt: inter quos*

tamen, ut Marcellinus scribit *XXVIII.* tantum differt, quantum inter fures & latrones. Index libro præmissus hanc Cujacii sententiam sic exprimit: *aleatorum nomen infame.* Althusius lib. 3. *dicaialog. cap. 33. §. 7.* Testis esse non potest in manifestis flagitiis hærens & perseverans, meretrix, leno, concubinaris, usurarius, ebriosus, aleator, lusor ludi vetiti, & scurra, histrio &c. In eandem sententiam citat ibid. Farinacium & Menochium. Dionys. Gothofredus l. 1. C. de aleator, *Aleatorum nomen infame est.* Idem ad l. 2. C. tit. 8. citat dictum Senecæ. *Aleator quanto in arte est melior, tanto est nequior.* Huc etiam pertinet illud Suetonii in Augusto cap. 17. *Aleæ rumorem nullo modo expavit, lusitque simpliciter & palam oblectamenti causâ.* Unde facile colligimus quam honorata fuerit alea apud Romanos. Stuckius in *convival. loc. supra cit.* allatis Suetonii verbis, inserit hanc parenthesin, *aleæ enim ludus erat infamis.* Conradus Rittershusius lib. 8. lect. sacr. cap. 6. *Exhæredationis, inquit, causas incertas olim atque arbitrarias centumviralique judicio examinandas definivit, atque expressit Justin. novell. 115.* Una earum est, si filius cum turpibus & infamibus fuerit versatus, verbi gratiâ cum mimis & aleatori.

toribus: quam expressit & *Chrysostomus* no-
 ster *homil. 22. ad Ephes.* his verbis: ἐπὶ μοί,
 „ &c. i.e. Dic mihi, si quem filium ha-
 „ beres, qui relictis honestis servis copula-
 „ verit sese iis, qui patrem molestiâ affece-
 „ runt, quique tessleris & aleæ lusui dediti,
 „ sunt domo paternâ proturbati, eam ob
 „ rem, nisi destiterit, poterit à patre ex-
 „ hæres fieri &c. Inter Christianos jus ci-
 vile *titt. cilt.* solum ludum aleæ simpliciter
 prohibet, alios illic indicatos permittit: &
titt. C. de Episc. & cler. aleatores clericos,
 non tantum, sed & inspectores pœnis sub-
 jicit. Et canonistæ ad c. *inter dilectos, tit.*
de excessu prælator. apud Diaz in pract.
crimin. canonica cap 63.) quod collatio
 beneficii facta clerico aleatori nulla est, tan-
 quam facta *vili & indigno*. Quidquid au-
 tem à legibus divortiant corrupti mores, &
 ex iis ac secundum eos Canonistæ & Ca-
 suistæ aliqui excogitatis distinctionibus &
 palpis, *de temporis fallacia, de animi re-*
creatione, de certamine aleæ absque lucro,
aut tantum pro parva summa: illi tamen
 ludi hujus præ aliis indecori, & turpis con-
 scientiam excutere nequeunt; quin eâdem
 stimulante subinde ex invitis ipsorum pe-
 ctoribus veritas eructet voces *criminis, fla-*
gitii, vanorum & pessimorum ludorum &c.

Vide *Ambrosium, Serrarium, Musart supra cit.* Unum Tholosanum celeberrimum canonici & civilis juris interpretem in præsentiarum indico lib. 39. syntagm. c. 3. *Dum enim quis studio ludi detinetur, furtim labitur tempus, & quodam modo fallitur. Laudarem tamen ego, si otium hoc potius tribueretur quibusdam honestis voluptatibus* (ergo oblectatio animi à censore quæsitâ in ludo alexæ non videtur huic scriptori honesta) *vel divinarum rerum meditationi, quam servilibus istis, vanis, & (N.B.) pessimis.* Iisdem elogiis ludos illos insignit *cap. præced. §. 12.* Mirum ni Pontificius hic J. C. Puritanorum aut Præcisistarum ubera suxerit, indeque succo & pessimi, nostri censoris & animi causâ conspuerit. Hæc ille: dum inter reformatos non pauci has voluptates non tantum sectantur, sed nonnulli etiam sacri ordinis allaborant, ut famæ hos ludos restituant, & eorundem exercitia vindicent, ne ea unquam sepeliantur. O tempora, ô mores! Quid aliud expectandum, quam ut choreæ, ballettæ, luxus & vanitas, in ornatu corporis, in fuco, aliaque mundi excelsa, pro quibus in tenebris nunc moffitatur, & quasi voce præconis nuperrimè clamari cœpit, publicatas suas vindicias nanciscantur: quia scilicet

licet aliter hominum potestate & potentiâ eminentium favor tum verbalis tum realis retineri & comparari, aut categoriâ an suspicio nimis jurati seu præcisi, inquieti, intractabilis, ἀγροίκος, μελαγχολῶν &c. evitari. Sic scilicet itur ad astra. In Hispaniâ, in aliis politiis ludi illi prohibentur. In Galliâ Anno 1369. teste Damhoudero per Carolum 7. prohibiti sunt; hocque tanto zelo Anno 1617. apud Imperatorem, Electores, Principes, Civitates Imperii egit Nobiliss. *Joh. Munster à Vortlage*, *dedicatoriâ suâ libro de alea præmissâ*, ut antiquissimæ Cæsarum, Regum, Principum leges ad exterminium aleæ & similium ludorum in pristinum statum & viridem observantiam restituerentur. In Hispaniâ ludus taxillorum (qui mixtus est, ac propterea unâ cum ludo chartarum speciosius defendi videtur), gravius punitur: teste *Diaz. loc. cit.* Nunc adde honorarios Helenæ hujus titulos, *criminis, flagitii &c.* quibus inter Christianos ornari solet. Vide autores *anacr.* 9. citatos. Hos si quis refutare velit, quin & legem contrariam pro honore & gloria aleatorum rogare, nos spectatores erimus. *Resp.* 2. distinctio illa, *de aleæ usu simplici*, *causâ animi usurpato* mera extinctio est, & misera ejus, quod in

quæstione est, petitio. Ubi nec lex illa quæ allegatur, nec alia lex distinguit, non est distinguendum: alioquin ex omnibus legibus fieret regula Lesbia omnibus omnium factis, etiam maximè distortis, pro arbitrio applicanda. Erubescit J Ctus sine lege loqui. Proferatur lex, ex corpore juris, aut ex statutis Gallicis, Germanicis, Hispanicis, &c. quæ oppositum contineat sanctionis contra aleatores, aut saltem tale quid dicat, unde exceptio illa de *honesto aleæ lusu causâ animi* per legitimam consequentiam deduci possit. Saltem hætenus, quod sciam, Pacii & Merceri conciliatores, aut Bronckhorstii libri *ἐναντιοφάνων* talem legem non videntur invenisse, quam cum lege prohibere aleas (quæ est in *C. & D. tit. de aleator.*) conciliarent. Sunt ergo mera verba & voces, quæ hic funduntur, quibus nihil reponendum est. Ad tract. suum Anglicum quod me & lectorem ablegat, facit more suo, Repeto meum illud: *En Rhodus, en saltus*. Anglicis ipsius scriptis, non obstetricabor, sed ea in tenebris suis relinquam. Si quid coccysmorum & petitionum principii in illis considerandum videtur, hoc hyperaspistes Amesii ad partes vocavit, sed *ὡς ἐν παρόδῳ*. Propriè enim & maximè oppugnandos putavit aleatorum triarios,

scripto

scripto AntAmesiano in aciem eductos: Illis profligatis, nihil restabit, quam annales Volusi, & carmina scombro ac thumetuentia. *Resp. 7.* ad infarctam exceptionem, de *simplicitate* ludi & de *animi causâ*: pariter ab omni lege sine lege proprium cuiusque factum semper excipi posse; immo & de jure contra jus dispensari. Nihil enim facilius dici potest, quam leges divinas & humanas, sententias patrum & reformatorum, decreta antiquarum & recentium synodorum in hanc aut illam hypothesin, in tale factum non quadrare; & consequenter absurda, nova, peregrina ab illis proponi, qui vitia hodierna ad leges & decreta illa exigunt. Hæc methodus laxorum Casuistarum, qui contra communem pietatis doctrinam in sui gratiam & eorum, qui prodesse aut obesse possunt, nihil non determinant & defendunt. De qualibus Apostolus: *περὸν ψεῦδος ἐπὶ τὸ χεῖρον.* Notantur injure civili, & quidem absolutè sine distinctione, manticularii, saccularii, falsarii, præstigiatores, calumniatores, fraudatores creditorum & vectigalium, histriones, decoctores bonorum, plagarii, &c. An non quisque se extra quærere posset, excipiendo leges tantum loqui, de his qui nimium exorbitant, aut hoc vel illo immoderato &

turpi modo committunt : non autem de iis qui *simpliciter* , aut in parva materia, aut aliquando seu raro, aut non malâ intentione, sed tantum *animi causâ* , aut in casu necessitatis talia agunt. Eâdem ratione quis declinare posset, quidquid à conciliis, patribus, nostris Theologis hætenus dictum scriptumque fuit in ebrios, invidos, avaros, saltatores, histriones, thymelicos, feneratoros, &c. Hæc scil. Casuistarum sibi & mundo velificantum clavis aurea pureo abyssi referando inventa.

GISB. VORTII.

III. *Servanda ad minimum est Imperatoris Constitut. novell. 123. quâ interdicis Episcopis, Presbyteris, Diaconis, & Subdiaconis, ac Lectoribus, & cuicunque Clerico, ne ad tabulam ludant (παβλίζει est aleâ ludere, ut ibi exponit Cujacius) aut tali ludo utentibus se associent, aut spectatores sint, aut ad quodcunque spectaculum spectandi gratiâ accedant, &c. Vide & confer Decreta in Aleatores, nominatim in Clericos apud Photium in Nomo-Canone tit. 9. cap. 17. Cum Decretis antiquorum Conciliorum convenit cap. 3. Statutor. Ecclesiastic. Othonis I. anno 952. & cap. 27, Statutor. Ludovici Pii in Gomit. Aquisgran. anno 818. apud Goldastum Constitut. Impe.*

Imperial. tom. 3. p. 225. § 308. *Eadem fuit sententia Waldensium, ut videre est apud Joh. Paulum Perrinum. Et Ecclesiarum omnium post reformationem, quæ eadem administrationis Cænæ formulâ nobiscum utuntur. Decreta Politica, aliæque Principum ac Sapientium suffragia collegit Souterius Palamedis libr. 2.*

THOM. GATAKERI.

De Constitutis Ecclesiasticis ac Decretis Politicis abunde satis diximus, *de Sort.c.8. §. 5.* Ista tantum impræsentiarum denuò dicta suffecerint.

1. Si quid vel Sanctis Patribus vel Christianis Principibus abusus alicujus epidemici ratione, vel ex parte, vel in totum suis interdicere, visum fuerit, non sequitur continuò, esse illud in se & ex natura sui illicitum prorsus, quum eorundem & Patrum & Principum edicta aliis quoque interdiciant haud paucis, de quibus tamen, quin per se & ex natura sui licita sint, vix quisquam Theologus unquam ambegerit.

2. *Velim ex Conciliorum Constitutis* (nam Politica forsan Decreta ista minus morantur) *aliquid produci, unde liqueat Sortis ratione Ludos hosce damnatos, aut Sortis usum in re levicula omni interdictum universum.*

De Ecclesiis Reformatis quod adiungitur, cum restrictione illa, *quæ eadem administrationis Cænæ formula nobiscum utuntur*; tam haud ita numerosas comprehendere, tum Anglicanam nostram excludere videtur. Sed nec quatenus, aut quibus rationibus, iusus isti ab Ecclesiis illis interdicti, an proscripti, sint, novi; cum Decreta earum sive constituta de istis nulla viderim, nec autor iste, quæ aut qualia ea sint, indicaverit. Verum ista ubi obtinent, religiosè, me autore, observentur; & alibi quoque, si id illis visum fuerit, quorum ista curare & procurare interfuerit. Neque enim de ludis istiusmodi vel tolerandis vel coërcendis controversia instituitur; sed *de Sortis ipsius natura, & an in re aliqua vel ludicrà vel leviculâ licitè possit usurpari.*

ANACRISIS XII.

§. *Abunde satis diximus (Sc.)* Quid in scriptis vernaculis abunde dixerit aut non dixerit censor, ego considerandum mihi tunc non sumseram, nec adhuc sumo: tantum contentiosè quæstas crises latine in innoxiam sententiam & fidelem *restitutionem* meam thesibus pro scholarum more propositam evulgatas, & nuper recusatas examino.

§. *Si quid vel sanctis patribus vel Christianis.*

stianis Principibus abusus alicujus epidemiratione &c. non sequitur continuo, esse illud in se & ex natura sui illicitum prorsus &c.) Resp. 1. Non tantum propter consequentes abusus sortitiones ludicras interdixerunt, sed etiam quia in se tales sortitiones malæ erant. Quod inde patet, quia in genere sortes omnes præter & extra peculiarem Dei instinctum susceptæ, & quidem nominatim Gentilium, ipsorum iudicio malæ erant, exceptis solis divisoriiis in casu necessitatis ad lites terminandas aut præveniendas *cur. &c.* ritè adhibitis: uti patet ex verbis Augustini *supra cit.* Jam vero, qui tales sortes solummodo excipiunt, ad quas ludicræ reduci, aut sub quibus comprehendere nequeunt, illi eo ipso easdem ludicras sortes rejicere atque improbare dicendi sunt; quamvis exsertè earum non meminissent. Et hoc vel inde constat quod absolute improbent aleatores: nec pariter improbent venatores, & globis, pilis, clavis &c. ludentes, aut convivia celebrantes, aut cantores, aut milites, aut aulicos &c. qui tamen ab abusus non sunt immunes. Confer infra. *Resp. 2.* dato non concessio, tantum propter abusus condemnari illas sortes, cum tamen illi tam frequentes, immo si non quarto saltem tertio modo proprii sint illi abusus, certè nec deco-

decorum nec opportunum est, à theologo reformato tam operosè, & tantà cum contentione non tantum pro concione, sed & publicis scriptis defendi, quæsità virilitatione & criticà, circa unam ex rationibus dissuasoriis, quam piissimi & inter theologos reformatos theologi *πρᾶξι καὶ λόγῳ*, supra cit. inundanti malorum istorum oceano inter alias opponere solent. An prudentiæ justorum sit, in Dançum, Perkinsum, Taffinum aliosque pios theologos *supra cit.* ita incurrere, ut manus improborum aleatorum inde confirmetur, aut saltem ipsi occasionem inde sumant piis monitis & monitoribus insultandi, ac in malo suo se obfirmandi; judicent omnes quotquot affectu aut contentione judicium non corruerunt. Pari si non majori jure nec minori criticà ac subtilitate apologiæ à præsentibus theologis contra monita & statuta sive antiquæ sive reformatæ ecclesiæ de larvatis & personatis choreis, de comœdiis, & similibus vanitatibus, adhæc de concubitu ante matrimonii solemnem confirmationem, conscribi possent. Et quis tandem laxandi finis esset? *Resp.* 3. Non videtur satis intellexisse latrem non distinguit *τὸ ἐν ᾧ* & *ex naturâ sui illicitum*. Est enim illicitum seu malum morale vel

intrin-

intrinsecè vel extrinsecè. Illud rursus est, vel toto genere vel specificè malum. Toto genere malum est, quod nunquam aut nullo in casu potest honestari, ut e. gr. mendacium, odium Dei, blasphemia, adulterium. Specificè malum est, quod in genere non est malum, sed tantum malum est ex certo objecto determinatum & specificatum; ut e. gr. occidere hominem, sonat quidem in malum, sed tamen non est malum, nisi specificetur objectum, nempe hominem innocentem occidere est intrinsecè, seu in se & ex naturâ sui illicitum. Nam nocentem occidi per Magistratum est licitum & bonum justitiæ. *Extrinsecè* malum est tale vel per se, vel per accidens. *Per se*, est omne factum in se licitum, sed quod non ædificat. *Per accidens*, est cum actio specie ex objecto suo, seu objectivè bona, tamen subjectivè & ex fine ac circumstantiis est mala, ut eleemosynam dare vanæ gloriæ ergo (*Matth. 6.*); hoc est, cum bonum non fit bene. Applicemus nunc distinctionem, Sortibus uti toto genere, seu absolute non est illicitum, non magis quam hominem occidere: potest enim aliquo in casu honestari, idque ex mandato Dei sive extraordinario & peculiari *Levitic. 16. Josue 7. 1 Sam. 10.* sive ordinario & communi, *Proverb.*

Proverb. 16. & 18. cum 1. Paralip. 24. Nehem. 10. & 11. Rursum forte in casu necessitatis, in distribuendis scil. rebus, ad lites præveniendas aut componendas, cum respectu ad Deum, qui sortibus præsidet, uti est licitum, juxta legem communem seu textus modo citatos; sicuti licitum est hominem nocentem per Magistratum, aut per eum, qui mandato & autoritate Magistratus munitus est, occidi: ergo malum est forte uti extra seu præter necessitatem & respectum modo dictum; sicuti malum est, hominem innocentem, aut etiam nocentem, sive per ludum & jocum, sive privata autoritate alicujus occidi. Hic enim valet vulgaris regula, *bonum non nisi ex integra causa, malum ex quolibet defectu.*

§. *Velim ex conciliorum constitutis aliquid produci* (¶c.) Vide supra anacrisin 8.

§. *De ecclesiis reformatis, quod adjungitur &c. quæ eâdem &c.] Resp. 1.* Ubique censuras & crises captat: quasi causæ & apologiæ minus decoræ numerofo & magno strepitu consulendum fuisset. Nihil intendebam excludere, nihil includere: tantum ad vocabam consensum Waldensium, & ecclesiarum reformatarum, quæ eâdem administrandæ cœnæ formulâ nobiscum utebantur. Hoc mihi tunc occurrebat. Antè me
ad

ad hanc liturgiam origine Palatinam video provocatum fuisse à *Joh. Munster in Vortlage pag.* Et *Souterio lib. 2. Palamedis cap. 10.* Hoc hætenus pro nobis contra ludum aleæ. Omnia alia ut dicerem, quæ dici poterant, & ut in omnes alias liturgias inquirerem, & ecclesiarum omnium præxim ac disciplinam circa aleas perquirerem, nec lege ullâ tenebar, nec temporis & Academicæ thesios ratio hoc sinebat, nec si forte hoc agere voluissem, omnes libri ad hoc necessarii ad manum erant. *Resp. 2.* Non satis capio, cur dicat, me *haut ita numerosas comprehendisse.* Certè paucæ non sunt ecclesiæ Belgicæ in Belgio, cum quibus conjungimus eas quæ in Indiâ Orientali & Occidentali, in Angliâ, Germaniâ, Galliâ idiomate & liturgiâ nostrâ utuntur. Frequentes etiam ecclesiæ Germanicæ in Palatinatu, Hassiâ, ducatibus Clivenfi, Juliacenfi, Bergensi, comitatibus Marciano, adhæc Benthemensi, cum duobus conjunctis (quorum eccles. statutis hanc formulam insertam testatur *Nobiliss. Joh. Munster pag 210.*) Meursano, Hanovico, Nassovico reliquisque in correspondentia Wetteravicâ, in liberis civitatibus aut circa eas, quales, Brema, Hamburgum, Argentoratum, Norimberga, Dantiscum, Francofurtum, &c. Ut
nihil

nihil dicam de ecclesiis clandestinis, quæ nec paucæ nec ignobiles sunt. Omnes illæ utuntur formulâ catechesi Palatinæ subiectâ, quæ exsertè à cœnâ excludit *aleatores*: quam an per festinationem magis ac alios à me citatos censor inspexerit, vehementer dubito: cum unius dieculæ spatio censuram hanc concinnasse se gloriatur. Ne quis autem forte excipiat, notari illic non utentes (quasi usus esset adiaphorus & licitus) sed abutentes lusu aleæ, præmoneo, nulla in se adiaphora illic notari, sed tantum formaliter mala. Alioquin mercatura & mercatores, convivia & convivæ, quæstura & quæstores, militiæ & milites, &c. eidem catalogo inferendi fuissent, quod ut plurimum frequentes & multiplices abusus illic grassari contingat. Præter ecclesias formula eadem nobiscum in administratione cœnæ utentes, etiam Gallicæ *disciplina sua penitus* ludos aleæ *proscribunt*: teste J. L. Beaulieu lib. de recreationibus supra cit. pag. 176. Idem habent *Constitut. eccles. Genevenses tit. 1. cap. 1. §. 21.* cum scandalosos & in iure prohibitos ludos (tales sunt ludi aleæ) inter causas illas numerant, propter quas homo à communione ecclesiæ excludi debeat. Vident ergo, qui oculos non claudunt, ecclesiarum statutis ludos illos non inter bona, aut

aut adiaphora, sed inter peccata recenſeri ac prohiberi. Legant & relegant quarumvis eccleſiarum agenda, liturgica, ſtatuta, & non invenient aliquid prohiberi, quod in ſe ac per ſe peccatum & formaliter malum non ſit. Nec invenient ludos clavæ, pilæ, orbiculorum, conorum, alioſque, qui ſine manifeſto periculo ſolâ arte & induſtriâ exercentur, à theologiſ antiquis & recentioribus prohiberi: cum tamen abuſus eorundem multiplices incidere poſſint, ut temporis & bonorum dilapidatio, æmulatio, rixa, contentio, nominis divini abuſus &c. Unde neceſſariò ſequitur viſiſſe eos aliquid in ludo ſortis, quod in aliis non videbant. Quod quid aliud eſt, aut eſſe poteſt, quam illud quod nos cum tantis viris à nobis citatis aſſerimus. *Reſp. 3.* Eccleſiam Anglicanam potuiſſem tunc includere, ſiquidem ſecundum partem meliorem, & pios doctores ſcriptis editis celebres (quorum aliqui ſupra indicati) exemplo noſtrorum ſucceſſionem veræ eccleſiæ per ſequiora ſæcula inveſtigantium, eccleſiam Anglicanam conſideraſſem, & non ſecundum corruptam ac corrumpentem 1636. factionem Laudenſem, quorum doctrinæ ſpecimina liber Anglicus tit. *Laudenſium avſurariæ & Honorius Reggius* latine detexit: morum vero & con.

& conversationis, *libellus Anglicus tit. prima centuria* continens historiam centum ἀπέντων ministrorum per parlamentarios quosdam delegatos oppidatim seu vicatim detectorum. Plures centuriæ, quas editores tunc promittebant, an postea prodierint, hætenus ignoro. Saltem ignorare non poterat censor, titulum *ecclesiæ Anglicanæ*, tunc cum ista scriberet, & proximis annis in dictionario theologico Ladensium longè aliud quid significasse, quam ecclesiam reformatam, immo haut obscurè à reformatione in Germania, Gallia, Belgio &c fuisse discriminatam, si non eidem oppositam, quin & τὸ *propter nostram religionem*, quod formulæ commendationis Regiæ subsidii pro afflictis ecclesiis Palatinatus insertum erat, procurante Wilhelmo Laudo fuisse erasum, & substitutum, qui *propter suam religionem* affliguntur, aut patiuntur persecutionem. Sed plus satis de quæsito hoc diverticulo.

§ Sed nec quatenus aut quibus &c cum decreta &c. Verum ista ubi obtinent religiose, me autem, observentur, & alibi &c. Neque enim de ludis tolerandis &c.] Resp. 1. Vide modo dicta, & supra anticrisi 8. & 10, Resp. 2. Si non agitur de ludis illis tolerandis; non erat ergo incurrendum in illos,

illos, qui cum nube testium *supra antic. IX. cit.* hoc seriò agunt ut ex Christianismo exterminentur: sed potius manus cum iis iungendæ; nec speculativæ & otiosæ crisi tantum indulgendum, ut funem contentionis per libros ex professo editos tractum aleatores arripiant & manus suas confirmant; atque unà corda iustorum dolore percutiant. Quid si quis choreas, balettas, larvas & personas, nuda fœminarum pectora, fuscum, similesque vanitates peculiaribus tractatibus defendat ex hac parte, quod abusus & τῷ nimjum remoto in se & per se mala non sint, sed adiaphora: atque ita periculosa subtilitate argumentum aut argumenta, quibus malitia eorum à patribus & reformatis doctoribus demonstrari solet, elidere aut luxare satagat; an satis conscientiae apud Deum hominesque inoffensæ tum suæ tum aliorum satisfactum putaret? An σίφη hoc φάρμακον: religiosè, me autore, observentur &c. Neque enim de ludis tolerandis &c. Quasi vero. Quin immo de ludis inter pios tolerandis aut exterminandis agitur, & semper actum est. Rationes quam plurimæ in tract. sub nomine Cypriani, apud Ambrosium, Antoninum, Lynam, Daraeum, Tassinum, aliosque inveniri possunt. Una illa desumpta ab abusu sortis & nominis divini,

vini, si alicui minus adamantina videtur, fruatur iudicio suo; interim thesin & causam communem de abstinentia à periculosis & scandalosis illis ludis, ne deserat, nec aleatoribus occasionem præbeat, iuri civili, synodis, patribus, recentibus theologis reformatis hos ludos prohibentibus insultandi. Audiant imprimis sacri ordinis homines, & filii prophetarum celeberrimum in Academiis Leideni, Genevensi, Orthesiana professorem Lamb. Danaum tract. de alea his verbis concludentem:

Quamobrem cum sit hæcenus demonstratum aleæ ludum ipsi Dei verbo esse repugnantem, ipsis lusoribus proisus damnosum, & exitiosum, cum tot incommodis, & offendiculis conjunctum, bonis legibus contrarium, morum Christianorum reformationi, & sanctitati adversantem, denique esse Satanae ipsius tanquam fœdissimum sputum, crepitum, & inventum, jam an ab ullo vere Christiano viro dubitari potest, quin sibi sit penitus ab eo & fugiendum, & abstinendum:

GISE. VORTII.

Restant Casus decidendi: Quorum I. An Principes, Magistratus, Judices sorte eligi possint. R. Aff. cum hac distinctione, quam suggerit Cajetanus in 22. q. 95. a. 8. quam etiam sequuntur Summistæ, ne scil. pro.

promiscuè sorti principatus subsit quisque de populo, sive bonus, sive malus, sed ut super certos quosdam hoc munere dignos fors cadat. Et sic olim Regnorum divisio per sortes (Dempsterus ad antiquit, Rosini lib. 2. cap. 13. Alciat. Parerg. lib. 5. cap. 22.) *Et Judicium sortitio frequentata; de quo ex Jure Civili & bonis Autoribus non pauca observat ibid. Dempster. lib. 9. pag 376. Et certe requirit status ac necessitas militarum Politiarum ut ad Dei hoc iudicium confugiatur. Vid. recentiores Politicos.*

THOM. GATAKERI.

De hoc Casu diximus *Tract. de Sort. cap. 5. §. 5.* Illud duntaxat negandum censeo, ad Dei iudicium in Sorte istiusmodi provocari, quod istic asseritur. Certè qui vel ad divinum iudicium in sorte provocaverint, vel divinum ab eadem iudicium expectaverint, præsumptionis planè reos se peragunt. Audiat ipse se autor iste Agobardi ore sic pronunciantem de provocatione ad Iudicium Dei *thes. 4. Vani homines nominant ista Iudicium Dei. Unde probari potest iudicium esse Dei, quod Deus nunquam præcepit?* Nam de *Necessitate* quod dicitur; uti peccandi, sic præsumendi Deumque tentandi, nulla est necessitas.

ANA-

§. *Illud duntaxat negandum censeo, ad Dei judicium in sorte istiusmodi provocari &c. Certè qui vel ad divinum &c. præsumptionis plane se reos peragunt.*] Supra parvitatem materiæ, & regularum levitatem, Dei specialem providentiam, sententiam, judicium, ejusque apud homines respectum & expectationem à sortibus relegavit. Nunc ne quidem in his maximi momenti rebus locum illi relinquere videtur. Quod non nemini à quoquam sortis divisoris usum aliquem concedente, ita factum. Qui ex pacto in rebus tanti momenti, ad sortes confugiunt, illisque determinationem in alterutram partem deferunt, ut in eâ acquiescant: utique expectant judicium immediatè determinans, alienum scilicet & extraneum; hoc est, non suum, non-humanum, nec diabolicum, nec astrorum, nec fatui fati, nec cæcæ & chimericæ fortunæ: Ergò solius Dei, à quo omne ejus judicium *Proverb. 16.* Hæc satis superque ab autoribus supra *anacr. 9.* indicatis, & à nobis *anacr. 5. 6, 7.* probata sunt: ut nemo, nisi Epicuri opinioni nimis concessurus, aut zelo causæ alearis abductus, aut aleatoribus quibusdam inter magnates ac proceres autoratus, aut ἰδιωτισμῶν

μερόν suæ nimis indulgens, ultra quid de-
siderare queat. Sed duo objicit censor,
1. *Obj.* præsumptionis se reos peragunt, qui
ad judicium Dei in sorte provocaverint, vel
ab eadem expectaverint. *Resp.* O miseros
Theologos Augustinum, Lutherum, A-
retium, Junium, Zanchium, Rivetum,
Amesium &c. qui expectationem talem
docent, quam censor noster præsumptionis
condemnat! Talem provocationem & ex-
pectationem, cum ipsa natura sortis secun-
dum lumen naturale & rectam rationem, &
testimonia verbi divini jam sæpè citata, no-
bis præscribant: quâ quæso probabilitatis
specie infandum præsumptionis crimen *fi-*
dei, timori Dei seu *reverentiæ*, *religioni*,
invocationi (quæ piissimi & eruditissimi
Theologi supra citati in usu sortium requi-
runt) impingeretur? Sed quærerem ex aleæ
patronis utrum præsumptio an superstitio, an
vero utraque ipsis esset, si in Rege, Princi-
pe, Præceptore, Senatore, Consule, A-
cademiæ Rectore, Cancellario, Curatore,
Ecclesiæ Pastore, Seniore, Inspectore per
sortem constituendo, aut in territorio, in
quo ipsi habitarent, his illisve Possessoribus
adjudicando cor suum per fidei, spei, ora-
tionis actum ejaculatorium ad Deum su-
premum atque unicum sortis determinan-

tis autorem attollerent , & ab eo iudicium expectarent ? Si qui hoc ausint affirmare, eos profanitatis planè se reos peragere vicissim affirmabo. 2. *Object.* *Audiat ipse se autor iste Agobardi ore &c. Resp.* Audiant & videant Lectores censoris ἀκρισίαν, quæ illi in totâ hâc contentione quasi quarto modo propria est. Ego in *disp. de abusu sortis* (nuper cum 3. part. selectar. dispp. recusâ) probationes quasdam vulgares per monomachiam, ferrum candens, aquam &c. rejicio, quibus veritatis occultæ, de quâ in statu inficiali disceptatur, indicium & iudicium divinum attribui solet. Quod tamen Deus nusquam revelavit, & quarum usum ordinariò adhibendum nusquam mandavit. Extraordinarium enim & peculiare fuit mandatum, de probatione per aquam zelotypiæ, Num. 5. Ad temerarias illas probas, & provocaciones ad iudicium Dei referendæ sunt sortes divinatoriæ, & purè consultoriæ strictè ita dictæ: quas cum Patribus, Agobardo, Scholasticis, Theologis nostris, & censore ad illicitas superstitiones & Dei tentationes rejicimus. Sed sortis divisoriæ iudicium divinum Deus revelavit tum per lumen naturale, tum *Proverb* 16 ejusque usum ordinarium, in casibus necessariis, tum lege naturali, tum scriptâ

scriptâ mandavit. *Proverb. 18. cum Num. 33. Jos. 13. 1. Paral. 24.* Vide quam dissimilis sit ratio sortis divisoriae, & probæ vulgaris: ut frustra ab una ad alteram censor noster consequentiam duxerit. Rectè cum Zwarezio Malderus ad 22. tract 10. cap. 7. dub. 9. *Sine speciali Dei revelatione licere in magna necessitate dubium, quod aliter dirimi non potest, oratione præmissâ dirimere sorte, quomodo Augustinus suasit dirimendum, quisnam ex pluribus Sacerdotibus debeat in persecutione pro consolatione fidelium à fugâ abstinere. Sed non malè existimat Zwarez, has sortes potius inter divisorias esse censendas quam consultorias, quamvis confidatur per Dei providentiam esse dirigendas: ejusmodi enim fiducia in sorte divisoria etiam adhiberi potest, secundum locum Prov. supra cit. Ut enim maneat sors tantum divisoria, sufficit nullum à Deo exquiri signum, sed nudam sortis directionem; non ut sciatur quid agendum, sed cum constet quid agendum, ut discernatur à quo potius agendum sit. Confer infra anacr. 19.*

GISE. VOETII.

II. An etiam in distributione munerum Ecclesiasticorum Sors locum inveniat? Negant omnes Canonistæ & Casuistæ Pontificii, cum Thoma loc. cit. & Sortium usum

ad negotia temporalia restringunt ; idque propter Jus Canonicum à quo hoc absolutè prohibitum , & certos modos electionum definitos putant. Nos cum Riveto in Decalog. & Balduino Cal. lib. 1. c. 6. & l. 4. c. 5. contrarium statuimus , nec videmus hoc Scripturæ aut rationi repugnare. Acriter hanc sententiam propugnat Fridericus Nausea Episcopus Viennensis Homiliar. Centur. 3. homil. 80. Nec abhorret Malderus tract. 10. c. 7. dub. 9. cum concedit litem beneficalem posse dirimi per Sortes. Confer. Bellarm. Controv. 5. lib. 1. c. 5.

THOM. GATAKERI.

De hoc etiam diximus Tract. de Sort. c. 5. §. 3. deque eodem Canonistæ dissentiant. Anastasius ab Ast in Summâ l. 1. tit. 14. Si contentio esset de aliquorum electione , & esset paritas utrobique ; Scripserunt Laurentius , Raimundus , Johannes , & Cancellarius , quod possent fieri sortes. Sed hoc reprobat in Extravag. unde Hostiensis & Goffridus dicunt ; quod non posset fieri sine auctoritate Papæ. Ita de jure Positivo & Pontificio magis quam de Naturali aut Divino inter hos istic disceptatur. Itaque & Cajetanus ipse in Summulâ tit. de Sort. Si inhibitio juris positivi secludatur , non video peccatum aliquod , si sortibus com-
mitte.

mitteretur super aliquos lectos atque idoneos. Nec dissentit Serrarius in Josh. 7. quæst. 20.

ANACRISIS XIV.

§. *De hoc etiam Sc. deque eodem Canonistæ Sc.]* Quæ hic annotat, nostris non opponuntur: sed potius ea confirmant. Nihil ergo hic replicandum.

GISB. VOETII.

III *An chartarum & taxillorum similesque ludi mixti ad sortes ludicras sint referendi, atque eo nomine illiciti. Negat Perkinsus Casuum lib. 3. c. 4. Nos cum Theologis supra cit. affirmamus. Nihil enim manifestius est, quam Sortem ibi locum habere. Hinc rectè Peucerus: habent cognatum aliquid fortitioni tesserarum, calculorum, taxillorum, astragalorum ludi. Et Antonin. loco supra cit. & cum illo Sylvester in Summâ ait, hunc ludum quasi aleatum, chartarum scilicet & tabularum, eandem cum aliis habere rationem, quia principaliter Fortuna ibi victoriam parit.*

THOM. GATAKERI.

Mitto quærere, quare Perkinso non adjeceris Danæum; & quare cum *Danæo* (*is est enim è supra citatis*) sentire te dicas, cum *is* aliorum istic à te eat. Et concedo

tibi (quod & in *Tract. de Sorte* c. 6. § 3. latius explicavi) propriè dictam laxèque sumptam sortem in istis quoque locum habere: quanquam nec aut eo minus licitos esse concesserim, aut tu etiam hoc demonstrasti.

Simul tamen adjicio nihil esse minus manifestum, quam sortem in ludis vel mixtis vel meris etiam locum habere, si vestram, quam dicitis, sortis rationem admiserimus. Sed nec Peucerus sortitiones has nuncupat, sed *sortitioni cognatum aliquid* habere dicit. Imò hâc ratione sortitiones esse pernegant *Jacobus Rex* δῶρε βασιλικῇ, lib. 3. & *Jo. Regius Ep. Lond. in Jon. c. 1.*

ANACRISIS XV.

§. Mitto quærere, quare *Perkinso* non adjeceris *Danæum* &c.] Eodem jure si quæsitores me obtundant, quare sexcentos alios autores pro hâc aut illa thesios alicujus parte stantes, in hac præsentî & in omnibus aliis dispp. meis non allegarim: respondebo illis quia non erat necesse, aut tunc non occurrebant, aut ratio chartæ & thesium non ferebat, aut non visum erat; aut simile quid.

§. Et concedo tibi, propriè dictam laxèque sumptam sortem in istis quoque locum habere

bere &c. Resp. 1. nescio, quid sibi velit fors proprie dicta, eademque laxè accepta. Resp. 2. Accipio, quod una manu dat; nec minus teneo, quod alterâ manu ablatum it: simultamen adjicio, nihil esse minus manifestum &c. Immo nihil magis manifestum, quam nostrâ ratione sortis admissa, sortem non-sortem, usum non-usum h. e. abusum sortis in ludis illis locum habere: Haut aliter ac τὸ ἱερόν & religiosum in pseudo-sacris & superstitionibus idololatrarum; juramenti religio in perjuriis, & temerariis juramentis. Mirum est, illi in mentem non venisse ex græcis & latinis autoribus, discordem concordiam, ἀδωρεὰ δῶρεα, γάρμιν ἄγαρμιν &c. Cur nervos criticæ subtilitatis hic non intendit? cur omnem culpam violati sacri à Papistica idololatria, & violati juramenti à perjurio & temerario juramento pariter non removeret, eò quod formalis ratio & definitio sacri ac religiosi cultui idololatriæ, aut definitio juramenti temerario juramento non conveniat. Cur eadem opera non absolvuntur violatores corporis Christi (1. *Corinth. 11. vers. 27.*) quia ratio participati corporis & sanguinis Christi ipsis nullo modo competit. Sit hic paralogismus: Qui non accipit corpus Christi, in usu cœnæ, ille nec est, nec esse potest ἵνα &c.

&c. *En quo discordia cives &c.* Hic ubi se expediverint, videbant per remotam sortis rationem aleatores minimè expediti. Confer supra *anacr.*

§. *Immo hac ratione sortitiones esse pernegant Jacobus rex &c. & Joh. Regius episcopus Londinensis &c.*] Quasi simile dictatum nobis obtruderetur: Modò quis non seriò aut ex devotione, sed tantum animi causa, per ludum & jocum preces recitet, psalmos canat, baptismum administret, per Dei nomen juret, cœnam celebret, negabimus illa esse preces, cantum psalmorum, baptismi & cœnæ celebrationem, juramentum: consequenter inter adiaphora & licita numerabimus. Ad objectas auctoritates, quibus ipse minimè adstipulatur, respondere illi possem, quod mihi supra *crisi* 4. inculcatum volebat: *Rationes audiamus & quod olim Augustinus &c. Nec ego Dunæum aut Calvinum, nec tu debes Danæum aut alium quenquam &c.* Regi Jacobo, alii Reges & principes ludis illis minimè faventes opponi possent: & Regio seu Kingo episcopo Londinensi Georgius Downamus episcopus Londino-Derryensis, Sed nihil opus.

G I S B. V O R T I I.

IV. *An Magistratus per sortem, decimationem similesque modos aliquos possit ad*

ad supplicium deligere, ut pœna scilicet ad paucos, metus ad omnes perveniat? Affirm. Si simul omnes pari crimine teneantur.

THOM. GATAKERI.

Et de hoc diximus Tract. de Sort. c. 5. §. 5: p. 133.

ANACRISIS XVI.

§. *Et de hoc diximus Tract. Sc.] Si in Lectorum gratiam δακτυλοδείκτω hic agatur legant & conferant, quibus lubet. Mea sunt perspicua: quibus cum hic nihil opponat, non est quod faculam in meridie accendam.*

GISE. VOETII.

V. *An qui sortitioni illi subjacet, possit bonâ conscientia sortem ducere; an verò (ut nonnulli censent) non debeat sorti vitam committere; sed tantum passivè se habere expectando à judice aut immunitatem aut supplicium. R. Nos pr. aff. Nemo enim propriam carnem odio habet, sed omnia media servandæ vitæ (si Deo non repugnent) studiosè seclari tenetur. Si enim sortem non ducat, jam absolute pereundum erit; sin ducat, jam latitudo aliqua & spes superest.*

VI. *Quid si innocenti à Principe aut Magistratu tyrannico, aut ab hostibus sortitie*

inter ipsum & alios captivitatis socios; & rursum inter pœnas inæquales, ex. gr. mortem & perpetuam captivitatem, exilium & honorum confiscationem, uxoris filive jugulationem, & flagra membrive mutilationem in proprio corpore offeratur? Resp. & electio illa est licita (ex hypothesi scilicet violentiæ & necessitatis inevitabilis) quia per eam appetimus bonum: nam minus malum hic obtinet rationem boni: quomodo Jeremias elegit, prætulit, & à rege non obscure postulavit atrium carceris, quamvis illud non magis meritis esset, quam ipsum carcerem, c. 37.

THOM. GATAKRI.

De istis, prout & de superiori, facilis & expedita est eis responsio, qui sortem pro re adiaphorâ; at non illis itidem, qui pro re sacra & ad divinum tribunal provocatione habuerint: neque enim istis de fine, sed de medio ambigitur.

ANACRISIS XVII.

§. De istis & c. facilis & expedita est & c. at non illis itidem & c.] Immo siquidem per providentiam divinam eò necessitatis nos adactos videremus, ut iudicium sortis subeundum esset; utique æquè sine superstitione & præsumptione, ac sine ludo & joco ad divinum tribunal respicere, & ab eo eventum

ventum ac determinationem ad Dei gloriam & nostram salutem petere atque expectare liceret. An facilius se expedient, qui nihil nisi vagam contingentiam, aut cœcam fortunam hic agnoscunt?

GISEB. VORTII.

V. II. *An contractus illi sortium, vulgo dicti Loteriæ, & tiffæ sint liciti. Resp. affirm.* Delrio l. 4. c. 4. q. 2. cum Briardo, Garcîa, Lopesio, Modinâ, Imman. Sa, ibid. cit. quia nihil aliud sint quam implicita quedam venditio respectu exponentis merces suas, & sors divisoria respectu emptorum. E. nostris omnes privatorum Loterias repudiant, nonnulli de publicis dubitant, ut Amesius cas. lib. 4. c. 23. quamvis tamen subdat, prout nunc usurpari solent, videntur illicitæ. Politici, inter quos Keker mannus, institutum laudant. Nos illicitas & Reipublicæ noxias esse putamus, quicquid bonum publicum prætexatur; tum quia cum iniustitia, damno proximi & ex-pilatione pauperum conjunctæ sunt; quod est contra legitimam rationem sortis divisorie; tum quia homines ad illicita media rem faciendi per aleas & sortes scilicet all-ciuntur spe lucri proposita, sed fraudulentâ; tum quia certiori ratione & minori cum pe-riculo & malorum syrmate per collectas Rei-publicæ

publicæ aut pauperum necessitati subveniri potest? denique sequeretur hoc absurdum, quod eodem colore omnes lusus aleæ, quo proximi substantiam intervertimus, defendi possent.

THOM. GATAKERI.

De Sortitionibus istiusmodi quid sentiamus, diximus in *Tract. de Sort. c. 5. §. 7.* Nunc actum, quod ajunt, non agimus.

ANACRISIS XVIII.

§. *De sortitionibus &c. nunc actum &c. non agimus.*] Nec nos actum agimus. Si quid in his nostris censurâ notasset, non defuisset examen. Addo solummodo, anno 1595. in Synodo Hollandicâ, Roterodamensi contra loterias illas, quamvis antehac in Belgio nimis frequentatas, determinatum fuisse.

GISEB. VORTII.

VIII. *Quid faciendum illi, qui aulicorum aut potentiorum familiaritate irretitus, non audet (ut prætexit) se expedire à lusbis aleæ, taxillorum, chartarum, ad quos subinde sollicitatur.* Resp. Concilium expeditissimum est, ut voto Deo præstito simul & semel ab ignobili illa ludendi servitute se absolvat. Votum illud ubi apud illos constanter professus fuerit, nulla, non dicam

eam religionis, sed ne civilitatis quidem specie poterunt ipsi ultra molesti esse.

THOM. GATAKERI.

Non sum ego ad *Vota* istiusmodi suadenda proclivis : quam quam infelicem exitum sæpenumero sortiantur, plus nimio non sine gemitu compertum habuerim. Nec impediverim tamen, quo minus voto quis tali se obstringat, cui expedire id visum fuerit. Tantum ne de sorte ipsâ, sive in ludo, sive extra lusum usurpatâ, præsumptiones fuitiles & superstitiosas apud se foveat. Siquidem, ut inde concludam, unde Autor iste dissertationem proximam, de Provocatione ad iudicium Dei orsus est : *Ubi testimonia aliæque probationes desunt, nîpas Controversiæ omnis constituit Deus iuramentum. Sed audax hominum superstitio & alias inventiones addidit.* Et in his isti sortem, per quam, cum ad Dei providentiam specialem & immediatam provocari contendant, idque sortientibus quibusve velint, nolint, ingratiis obtrudant, tamen usu ejusdem, (in hoc sibi ipsi contrarii) in casibus eis omnibus interdicunt, in quibus iudicio divino quicquam opus est.

ANACRISIS XIX.

§. *Non sum ego ad vota &c. proclivis &c.*] Ego contra difficilis non sum ad vota

hoc in casu suadenda : quidquid per accidens aliquando evenerit ? Est enim ludus ille res nec necessaria , nec utilis. Aliter se habent vota , circa usum talium vestium, armorum, ciborum, conventuum, collégiorum, locorum, temporum, aliarumque rerum per se utilium, immo aliquo in casu necessariarum.

§. *Nec impediverim tamen, quo minus* &c.] Accipimus, quod dat.

§. *Tantum ne de sorte ipsa, sive in ludo sive extra ludum usurpatâ præsumptiones futiles & superstitiosas* &c.] Nos econtra caveri velimus profanas præsumptiones, de fortibus etiam super rebus maximi momenti (quales *anacr.* 13. indicatæ) sine ulla erga Deum reverentia, sine ullo ad ejus providentiam & specialem determinationem respectu, sine omni spe & expectatione mittendis.

§. *Siquidem, ut inde concludam, unde autor iste* &c.] Temeraria illa provocatio ad judicium Dei, quam ego verbis à censore citatis merito rejeci, pro subjecto habet factum præteritum, aut præsentem animi dispositionem atque intentionem, de cujus veritate per testimonia, aliasque probationes hominibus constare nequit : ibi ullum ordinarium medium jure divino & naturali

turali relictum est, præter juramentum *πίρας πίσης ἀνπιλογίας*. Sed quid hoc ad sortem divisoriam, quæ ex pacto seu conventionem hominum missa controversiam terminat *Proverb. 18.* non de facto præterito, uti juramentum assertorium, nec de præsentis animi sensu atque intentione, uti juramentum tum assertorium tum promissorium. Ut Lectores censuræ ἀχειρίαν palpare queant, cogitent, si nullum *πίρας* controversiæ, nisi juramentum; ergo nec sorte divisoriam res controversiæ terminandæ. Quod absurdissimum, & contra *Proverb. 18. Numer. 33. 1 Paral. 24. 1 Flor. 1.* & contra lumen naturale, atque universalem experientiam.

§. *Idque sortientibus quibusque, velint nolint, ingratis obtrudant &c*]. Sic superstitio, idololatria, magia, tum directa tum indirecta seu interpretativa, & infiniti pænè nominis divini abusus ingratis quotidie imponuntur illis, qui protestantur, se hoc non agere, intendere, affectare; ne quidem per somnium de illis vitiis cogitare. Sed manum de hâc tabulâ: utinam aleatores de suâ!

E R R A T A.

P Ag. 38. lin 26. leg. γίνονται. p. 45. l. 11. aliqua p. 54. l. 7 juram. p. 55. l. 26. chartarumque p. 56. l. 4. canone.

Perlegi hunc Tractatum, cui Titulus est (*Thomæ Gatakeri Londinatis Antithesis, &c.*) in quo nihil reperio sanæ doctrinæ, aut bonis moribus contrarium, quominus cum utilitate publicâ imprimatur, ita tamen, ut si non intra tres menses proximè sequentes typis mandetur, hæc licentia sit omninò irrita.

*Rmo. in Christo Patri, & Dno. D. Arch.
Cant. Sacellanus Domesticus*

GUIL. BRAY,

*Ex Aedibus Lambethanis
Martij. 15. 1637.*

M A N T I S A.

HACTENUS teretismatis & παρέρ-
 γως sigillatim excussis insolentes
 censoris nostri insultationes, at-
 que unà fluctus iteratâ libelli alea-
 torii editione, quali in sympulo excitatos,
 repressimus. Possem ergo hic quiescere,
 & erudito Amesii hyperaspisti lampada tra-
 dere. Sed quia suspicor aleatorum patres
 conscriptos, eorumve patronos hinc depul-
 sos, apologiæ censoris tacitè renuntiuros,
 & alia quædam de novo excogitata com-
 menta substituturos (ut nusquam figere, nu-
 squam quiescere solent, qui malæ causæ in-
 serviunt) non abs re me facturum existimo,
 si duo quæ nuperrimè obtenta audio,
 hâc occasione detegam, & scriptiones,
 (si forte manus ipsis pruriant ad ἡννομή-
 ρια illa εὐρήματα publicanda) præveniam;
 ne scribendo quotidie in pejus profi-
 ciant.

§. *Unum* effugium quæritur in casu fo-
 liorum ex arbore in partem dextram, aut
 sinistram, versus orientem aut occidentem:
 quod purum putum contingens est, nul-
 lamque specialem Dei providentiam, nul-
 lam

lam immediatæ determinationis & judicii divini exspectationem, nullum determinationis & judicii divini respectum, nullam erga eadem reverentiam & religionem requirit; & consequenter, si ludibundi circa casum foliorum istorum aliquando versaremur, nullus divini nominis abusus committeretur. Jam vero par ratio est casus aleæ, in fortitione. Atque ita conclusum, uti putant, pro lusu aleæ. Commentum hoc geminum est censoris nostri, de sagittis mittendis, quod supra profligavimus. Sed discant tam infelicitè subtiles, casus foliorum in se, abstractè, & tantum physicè ac speculativè spectatos non habere rationem sortis, sed toto cœlo à casu tesserae in fortitione distare, ut & à casu folii in hanc illamve partem, à cujus determinatione per decretum aut conventionem & pacta hominum regnum, aut munus quodcunque aut pars hæreditatis, aut immunitas à supplicio capitali, tanquam à peremptorio judicio suspenditur. Foliorum casus in autumno, non magis quam hinnitus quorumvis equorum, aut conscribillatio quarumvis scedularum est contractus sortis, nec infert specialem & certam Dei determinationem, peremptorium judicium, in quo homines acquiescant. Sed si primus hinnitus equi

equi alicujus ex pacto regnum, (uti post exactos magos in imperio Persarum hoc contigit) si litera θ aut figura patibuli in scedulis scripta supplicium alicui adjudicet: non est somnianda mera contingentia. Ubiunque fors, ibi etiam contingens respectu causarum secundarum: sed non ubi fors, ibi merum contingens. Amplius enim quid continet ordinaria fors, quæ divisoria est, & sola nunc licita. 1. Controversum quid aut dubium in distributione, & assignatione munerum, rerum, laborum, periculorum; quod humano judicio commodè aut tuto determinari non posset. 2. Decretum aut pactum hominum, ad quos hoc pertinet, quo dubium sortis casui & judicio determinandum deferretur. 3, Jactum seu missionem sortis, seu educationem ex urnâ, seu spectationem casus folii, cui ex pacto determinatio & judicium in re dubia annexum est. 4. Certam casus sortis, aut folii ex arbore in hanc illamve partem, determinationem; nullâ causâ secundâ, nullo hominum ingenio, nullâ arte, nullâ industriâ productam. 5. Receptionem indicii & judicii illius, atque in eo tanquam peremptorio, & à superiori causa quàm humana profecto acquiescentiam. Cum de regno, de principatu, de munere publico,

publico, de periculo tempore belli, aut pestis, uni è duobus aut pluribus, adhæc de suspensio uni atque alteri inter plures milites seditiosos, aut inter captivos ex hostibus, secundum tristia retorsionis jura assignando, agitur, non puto illos, quorum interest, superstitionem in mērâ contingentia quæsitam cum censore nostro cavillis & sannis excepturos: sed potius ad specialem Dei providentiam oculos animumque sublaturus, ab illa determinationem casus tesseræ aut folii cum reverentiâ expectaturos, petituros; & si ipsis feliciter ceciderit, illi soli gratias animatus acturos; non ingenio, arti, industriæ, prudentiæ suæ, nec fortunæ, nec astris, nec dæmoni, nec phantasmari, nec nihilo, nec formalitati seu puro illi modo, qui metaphysicis contingentia dicitur. Vident nunc lectores refugium illud folii cadentis instar folii aut pulveris avolare, ac planè ἀπεσπιδίονον esse.

§. *Alterum* effugium quæritur in conjectura an numerus aliquis sit par aut impar, e. gr. Petitur ab aliquo, ut dicat an nummos aut globulos, aut grana piperis &c. manus, bursa, pixis, capsula, &c. impari parive numero contineat; hâc conditione, ut si conjiciat, habeat tale præmium, talem hæreditatis agri partem, tale munus,

munus; aut immunitatem à captivitate, supplicio, periculo. Jam verò determinatio paris aut imparis, ante ab hominibus facta est, qui nummos, globulos &c. illic sive scientes, sive inscii eo numero reposuerunt. Ergo in illa sorte non expectatur, petitur, respicitur determinatio specialis providentiæ divinæ; numerus enim ille ante determinatus est, & consequenter ratio formalis sortis in eo non consistit, seu illud non est de ratione formali sortis. Quid tandem hinc illatum volunt? Licitum ergo esse ut pueris, quod illis tribuit Poëta, (*longa; Ludere par impar, equitare in arundine* sic viris, aleâ, tesseris, chartis ludere. Respondo *εὐπέτεις* hujus commenti aut formaliter sortem divisoriam esse in paris aut imparis conjectura; aut non esse. *Si posterius* dicatur, frustra huc adducitur, cum ad rhombum non faciat. *Si prius*; jam à tyronibus in philosophia disci posset, nec materiam, nec objectum aut subjectum, nec genus, nec differentiam remotam esse rei formam, aut ultimum actum qui specificat. Atqui nummi in bursa repositi sunt objectum, aut subjectum, aut materia circa quam versatur conjectatio seu divinatio; & est præsuppositum quid actui conjectandi: solus autem actus conjectandi, seu

seu divinandi hominum decreto, aut promisso, aut pacto ad conformitatem cum re, hoc est, cum numero in bursa determinato, certò in rebus dubiis adjudicat Titio aut Mævio munus, partem hæreditatis, immunitatem à periculo, captivitate, supplicio. Cum autem in talis humanæ conjecturæ convenientiâ cum re sortis ratio formalis consistat, & determinatio *εὐστοχίας*, seu felicitis conjecturæ, à sola speciali providentiâ divinâ dependeat, non ab ullâ aliâ causâ secundâ, nec ab hominum conjectantium ingenio, consilio, *ἀρχινοίας*, arte, prudentiâ, industriâ: sequitur ad Dei providentiæ specialis determinationem, & peremptorium Dei judicium hic respiciendum, illud cum reverentia ab illo expectandum, ac petendum, illi soli pro felici conjectura & mentis certâ ac oris nostri in illam partem determinatione, gratias agendas; non ulli causæ extra aut supra nos, fato scilicet, fortunæ, stellis, dæmonibus, contingentiæ, nec etiam nihilo. Ut autem infelicitis hujus subtilitatis *ἀλυσίας* lectores palpare queant, commonstro in proposito exemplo duplicem Dei actum determinantem, unum quo tanquam primus motor concurret ac præcurrit ad nummorum & quidem tali numero repositionem: alterum ad hominis cogi-

cogitationem & sermonem immediatè conformandum cum dicto numero in bursam reposito. *Prior* actus est providentiæ mediatae, quia utitur Deus causâ secundâ, eamque proprios motus exercere sinit, ut sub præmovere & prædeterminatione divinâ seipsam determinet ad actus singularitatem & specificationem. Et cum hic actus homini tribuatur tanquam causæ propriæ ac particulari, seu tanquam principio formali: sequitur in eo formaliter non constitui sortem aut immediatam superioris causæ determinationem, per quam proximè & immediatè huic aut illi res dubia adjudicetur, aut abjudicetur: sed esse eum solummodo objectum aut materiam circa quam sortitioni subjectam ac præsuppositam. *Posterior* actus divinandi in hanc aut illam partem conformiter rei, de qua fit divinatio, est providentiæ Dei immediatæ; quæ sola mentem ac sermonem determinat ad certò & conformiter cum re divinandum. Siquidem in occultis illis sive præteritis sive præsentibus divinandis non magis utitur causâ secundâ, aut ingenio, scientiâ, arte, prudentiâ, exercitatione hominum, quam in divinandis futuris contingentibus. In hoc ergo actu conjecturæ seu mavis divinationis, formalis ratio sortis & deter-

determinatum de re dubiâ, superioris causæ
judicium consistit : non in actu priori quo
nummi in bursam condebantur. Haud ali-
ter ac in cognitione & relatione præteriti
somnia Nebucadnezaris à Daniele factâ a-
ctus divinæ prophetiæ formaliter consiste-
bat ; unde judicium immunitatis ab inten-
tato mortis supplicio , & collationis pro-
missi præmii suspensum erat : non vero in so-
mnia Nebucadnezaris, quod erat illius pro-
phetiæ relationis & indicii objectum
præsuppositum. In loteriis (vulgo ita di-
ctis) nec e. gr. calicis argentei (pretii scil.
determinati 30. flor.) fabricatio, emptio, &
inter pignora lucranda collocatio, nec de-
terminata nominis Titii aut Hermachi in
una aliqua scedula, & nominis calicis aut
annuli in altera aliqua scedula scriptio, nec
pretii (e. gr. 2. aut 3. flor.) pro qualibet sce-
dula solutio, nec denique scedulæ nomine
Titii signatæ in urnam injectio, nec ullus
alius actus, ulla alia determinatio ad actum
formalem sortitionis præcedanea, aut tan-
quam objectum ejus præsuppositum præ-
requisita, est actus formalis sortitionis aut
rei dubiæ per sortem determinatio quâ Ti-
tio calix ille adjudicatur. Sed sola scedulæ
nomine Titii signatæ ex una urna, & simul
alterius scedulæ nomine argentei calicis si-
gnatæ

gnatæ ex alterâ urnâ eductio est actus fortitionis formalis, determinans rem dubiam, & Titio dictum calicem, ex vi contractus loteriæ, adjudicans : nullo artis, prudentiæ, industriæ humanæ actu intercedente. Ostendamus & alio in exemplo hujus distinctionis necessitatem. Milites 100. numero determinato scilicet, determinatè in movendam seditionem conspirârint. Omnes determinatè capti sint. Ex omnibus sex per sortem seligendi, qui supplicio capitali determinatè adjudicentur. Sex scedulæ nigro theta, aut ferali patibuli figurâ determinatè signentur, reliquis 94. scedulis nullo charactere aut signo notatis. Singuli milites scedulam ex urnâ educant, aut commentariensis pro singulis ordine per decurias dispositis scedulam educat; quâ educatione aut immunitas, aut supplicium cuilibet determinatè adjudicetur. Quis hic dicet ullum actum, ullam determinationem præter postremam, esse determinationem specialem & judicium fortis, quo extra & supra omne judicium humanum ex reis Titius perit, Mævius evadit. Quis in hac sorte in se & respectu hominum educantium dubiâ quidem atque ἀόριστον, non videt specialis providentiæ divinæ certam determinationem? Quis ex sortientibus ante educationem sce-

L

dulae

dulæ suæ divinam misericordiam & providentiam fide & precibus non adiret , quis post felicem casum eidem gratias non ageret , & hanc evasionem illi soli non adscriberet ; nisi Atheus aut Epicureus ? Certè, si terminus vitæ & momentum mortis Titii apud Deum fuerit determinatum & descriptum , utique & illa sinistrae sortiseductio apud Deum & per Deum necessariò determinata est , nec potuit hoc respectu felix illius fors exire : juxta immotam veritatem de fatali termino vitæ alibi peculiari tractatu à nobis defensam. Quid si aliud exemplum addamus , quod propositam conjectationem propius attingit. Sit quis inter Barbaros captivus, & miseræ servituti addictus; cui tamen per intercessionem alicujus libertas promittatur, si divinare queat, sintne in arca aut bursa nummi nec ne , aut nummorum numerus par, an impar. Hic nulli præcedentes actus , nullæ hominum determinationes circa nummorum quantitatem , qualitatem , situm , ubi &c. nullæ res determinatæ , sunt illud formaliter determinans & libertatem captivo illi ex conventionem aut promisso adjudicans ; sed solus actus conjectandi seu divinandi , rei conjectatæ conformis. Qui si ad sortem divisoriam reducitur , ideo planè de determinatione, illa,

illâ , deque usu & abusu ejus statuendum , quod de omni sorte statuendum jam satis superque probavimus : si secus, ἀπὸ οὐρανῶν divinatio seu conjectura ad jubilæum lusibus aleæ , fritilli . chartarum lucrandum in scenam protruditur. Nos tamen sortem, aut saltem analogum quid sorti in ea agnoscimus ; & concludimus , uti de omnibus fortibus ludicris, viro pio nec avari lucri, nec meræ oblectationis ex temporis fallacia, aut ex victoriæ gloriâ capiendæ causâ, τὸν παρὶς ludendum esse. De omnibus aliis determinantibus actionibus , circa cuborum puncta , chartarum figuras , à casu fortis rem determinante & adjudicante Titio abjudicante Mævio, distinctis similiter judicandum. Atque ita divinationes paris imparis , juxta cum ἀποβατῶν Sibyllæ foliis , verè evanidas & chimæricas subtilitates Deo veritatis aspirante , difflavimus. Nihil restat, quam ut eos, quibus fortè de intrinseca lusus aleæ malitiâ , & de inseparabili nominis divini abusu adhuc coniscare, aut saltem dubitare liberet , orem atque obtester, ne indecoræ & scandalosæ hujus contentionis funem ita reciprocent , ut virorum de hoc sæculo , ex ordine principum, magnatum, purpuratorum, aulicorum , nobilium, divitum , militum, mercatorum , pragmati-

corum, literatorum, lubentiae, fortè & propriae suae suorumque praxi magis velificari videantur, quam conscientiarum aedificationi studere. Probè nòrunt aut saltem nosse debent, orbem reformatum superstitione & libertatis Christianae imminutione minime urgeri, sed magis securitate, licentiâ, conformatione cum hoc sæculo. Contra hæc mala communibus & detretoriis armis exemplo Patrum, & Doctorum supra *anacr.* 9. adductorum, pugnandum esset: non *περοφάτοι* dissensionis in unâ hypothesi, aut argumento nimis contentiosè quasi pro loci victoria, vellicato, bellum civile excitandum, manus impiorum firmandæ, corda justorum contristanda, parvuli scandalizandi. *Si quis unum ex parvulis &c. scandalizaverit &c.* Matth. 18: v. 6. Quod si qui ab animo suo hoc nondum impetrare queant, ut missa aut seposita tantisper hujus particularis controversiæ agitatione, symmachiam contra aleas cum heroibus supra memoratis suscipiant; iterum oro & obtestor eos, ut saltem silentio litare malint, quam clandestinis susurris aut publicis contentionibus destruere quæ parentes & majores nostri ab initio reformationis & hic & alibi tanto zelo non sine sudore & sanguine aedificaverunt. Quidquid facturi & quidquid faciendum.

turum sit, nos saltem cum Deo, ne ad momentum quidem in his aliisque conscientiae casibus, & rebus apud reformatos judicatis cujusquam sive repetitis sive repetendis sophismatis, sive de novo excogitatis commentis, cothurnis, & κρύπτους τ' αἰχμύνης cessuri sumus; certi non esse sapientiam, non prudentiam, neque consilium contra Dominum. Proverb. 21.

Omissa hæc inferenda anacrisi 9.

Gulielmus Peraldus Theologus & Episcopus Lugdunensis, qui anno 1255. obiit, in Summa virtutum & vitiorum tom. 2. tract. 4. part. 2. sect. 15. non tantum omnes ludentes, absque ulla exceptione, peccati arguit, sed & omnes qui ludentibus se immiscent, qui locant taxillos vel alia ad ludum necessaria, & quorum in domibus luditur.

Synodus provincialis Zelandica habitæ Tholæ anno 1602. artic. 25. statuit ab usu cœnæ arcendos, nisi moniti desistant, si qui apertè aleâ aut chartis ludere consueverint; & si accedat notabilis contemptus, à communione ecclesiæ tandem excludendos. Eidem censuræ subjicit omnes, qui talibus ludis fovendis seu sustentandis rem familiarem augent.

F I N I S.

ANT 1317497



